

WANTOK

Niuspepa bilong Papua Niugini stret

25 yia nau

40 pes

Namba 1085

Wik i stat long Fonde, Epril 13, 1995.

50 toea

Jastis Sheehan rausim kot salens bilong Skate

Jastis Maurice Sheehan i tokaut olsem ileksen bilong spika na praim minista long Ogas 30, 1994 i bihainim lo.

YAKAM KELO i raitim

GAVMAN bilong Sir Julius Chan na Chris Haiveta i no inap senis tasol bai i stap wankain yet bihain long nesanel kot i rausim kot salens bilong namba tu lida bilong Oposisen, Bill Skate long aste moning.

Nesanel kot long Waigani i tokaut asde

olsem ileksen bilong Praim Minista na Spika bilong palamen long 30 Ogas, 1994 i bihainim lo.

Nesanel kot jas, Jastis Maurice Sheehan i tokaut long nesanel kot aste olsem ileksen bilong Spika na Praim Minista long 30 Ogas i bin kamap



• PM Sir Julius Chan



• Spika Rabbie Namaliu



Mama bilong snek • Dispela i no wanpela liklik snek. Em i wanpela bikpela snek stret husat i ken holim pasim ol bikpela abus olsem dok na pik. Tasol ol yangpela ya long Lae, Morobe provins i no pret. Ol rausim snek long dram na pilai pilai long en. Sneky ya em ol save putim em slip insait long dram.

bihainim mama lo long seksen 107 na Oda 12 bilong Palamen Stending Oda.

Jastis Sheehan i tok long Seksen 142 bilong mama lo i tok;

• Opis bilong Praim Minista i mas kamap

• Ol i mas makim Praim Minista long jenerel ileksen i pinis o long taim we i no Praim Minista long kantri. Het bilong Stet (Gavana Jenerel) i ken holim vot ya bihainim disisen bilong palamen,

• Taim palamen kibung i kamap na toktok bilong makim Praim Minista i kamap tu, Spika i ken hariap long kolim miting long palamen na ileksen bilong Praim Minista i mas kamap pastaim long ol arapela bisnis bilong palamen. Displa em bihain long ileksen

bilong Gavana Jenerel na Spika i bin kamap pastaim long karimaut ileksen bilong Praim Minista.

Insait long kot disisen bilong Jas, em i tok palamen i ken votim spika long dispela sem de yet o long narapela de. I no gat arapela lo i tok long skruim vot i go long narapela de.

Em i tok Seksen 142 (3) bilong lo i tok palamen i mas gat Spika long larim palamen i go het wantaim ol bisnis bilong em.

Long dispela as palamen i makim spika long em i ken go het na kamapim vot bilong Praim Minista long kamap. Na dispela em rot stret bilong bihainim long makim Spika na Praim Minista long palamen, Jastis Sheehan i tok.

Nesanel kot disisen i tok insait long Seksen 142(3) na Seksen 142(4) i tok sapos sia bilong Gavana Jenerel na palamen Spika i stap nating, ol i mas stretim tupela opis ya pastaim na makim man long stap long en. Bihain orait ol i ken go het na makim Praim Minista bikos tupela opis ya i mas stap na lukim olsem ileksen bilong Praim Minista i bihainim lo.

Deputi lida bilong Oposisen, Bill Skate i bin kamapim dispela kot egensim Praim Minista, Sir Julius Chan na Spika, Rabbie Namaliu bihainim ileksen bilong tupela long las yia long 30 Ogas.

Ripot bilong Bill Skate i tok ileksen bilong tupela man ya i no i go moa long pes 3

YUNO INAP WINIM TOYOTA HILUX 4x4 DABOLKABIN

Sapos yu painim hat long igo, go wantaim Toyota Hilux 4x4 tasol. nau long Ela Motors.

 TOYOTA

Oh! Em Gutpela Tru!

Ela Motors
OLGETAHAP

EM5068

Trabel bilong bagarapim meri bikpela long hailans

Plis Komsina Henry Tokam i tokaut olsem em i wari long bikpela trabel i wok long kamap long hap bilong Hailans. Long las wik, ol i kisim ripot bilong 84 bikpela trabel. Ol plisman i bin arestim 15 pipel na sasim ol long sampela bilong ol dispela trabel.

Mista Tokam i tok namba bilong ol trabel i antap tru bikos planti ol dispela trabel em bilong man i bagarapim meri.

Long dispela wik, ol plisman i bin kisim faivpela ripot bilong ol man i bung na bagarapim meri. Ripot i tok

Plis ripot tok 14 meri i bin painim birua long han bilong 33 man

14 meri i bin painim dispela trabel long han bilong 33 man.

Ol plis long Simbu i bin arestim wanpela man long Simbu na sasim em long bagarapim meri. Na ol plis long Westen Hailans i bin arestim pinis wanpela man na sasim em tu long wankain trabel.

Mista Tokam i tok lukaut

long ol pipel long ol sik nogut inap kamap long taim man i bagarapim meri. Em i tok ol ripot i soim olsem sik AIDS i kamap bikpela nau na sapos pasin bilong bagarapim meri i strong yet, bai moa pipel long Hailans i ken kisim dispela sik nogut.

Las wik tu, ol plisman i bin kisim ripot bilong ol bikpela trabel i kamap. Long lsten

Hailans, ol plisman i kisim ripot bilong man i kilim narapela man. Na long Sauten Hailans, ol plisman i arestim na sasim wanpela man long traim kilim wanpela plisman.

Wanpela plisman long Wapenamanda, Enga provins i kisim bagarap long sotgan taim ol man long ples Wei i sutim em. Plisman ya i wok long kamap orait nau long haus sik.

I bin gat ripot bilong 19 trabel bilong brukim haus i go insait na stil na 14 ripot bilong stilman i hensapim narapela man na stilim mani.

Ol plisman bagarapim samting long Tokarara maket

DANIEL MONA i raitim

DE: Fonde
DEIT: Epril 6, 1995
TAIM: Samting olsem 30 minit i lusim 9 klok long moning

PLES: Tokarara Maket, Mosbi.

WANEM SAMTING I KAMAP:

Pastaim long 30 minit i lusim 9 klok long moning taim, ol meri husat i

save go na salim ol samting olsem aisblok, smok, kiau na ol arapela samting i go na kisim ples bilong ol. Na putim ol samting bilong ol na sindaun salim i stap. Ol i save mekim dispela samting long olgeta destat long moning i go inap maket i pas long apinun.

Orait long samting olsem 30 minit i lusim 9 klok, wanpela plis ka bilong Waigani plis stesin i ron i kam kamap na stop. Na sampela plisman i kalap i kam daun long ka. Na ol i wokabaut i go na i no rausim tasol ol i kisim ol samting we ol meri ya i wok long salim i stap na tromoi nabaut. Sampela i hapim ol ekisi'aisblok na tromoi na kikim,

sampela i hapim ol liklik bet we ol meri ya i putim ol kiau na smok. Na tanim ol liklik bet ya i go daun long graun. Na ol arapela i kisim ol kiau na tromoi nabaut.

Taim ol bikhet man husat stap klostu i lukim olsem, ol i ron, wokabaut na siksti kam na givim han long ol plisman long bagarapim ol samting bilong ol meri husat i wok long sindaun na salim

ol samting.

Insait long dispela hevi, planti meri lusim ol samting bilong ol olsem bilum, basket, hanpau na ol arapela samting. Eski bilong sampela i bruk. Tasol ol i no askim long ol samting bilong ol. Bikos ol i save olsem ol plisman ya bai no inap helpim ol.

Taim ol plisman i go pinis, sampela bilong ol dispela meri tokim Wantok olsem ol i no amamas long wanem samting na tu pasin bilong ol plisman ya i mekim.

Ol i tok ol plisman i mas luksave olsem ol i karim aut wok olsem ol loman.

Tingim mining bilong wok lida - Kurongko

"Ol lida i mas skelim tingting long mining bilong wok lida long taim yumi amamasim festede bilong Ista. Long dispela yia kantri bilong yumi tu i winim 20 yia bilong independens." Dispela toktok i kam long Asbisop Peter Kurongko bilong Katolik sios long taim em i salim Ista griting i go long ol pipel bilong PNG.

Asbisop Peter i tok Jis: s em i nambawan eksampel bilong lida tru. Na mobeta ol lida bilong kristen kantri i bihainim eksampel bilong em.

"Tude yumi bunging planti hevi we tru. Sampela taim ol lida i paulim na lusim ting long ol pipel bilong ol," em i tok.

Asbisop Peter i tok Ista long PNG em i taim bilong strongim gen pasin bilong gutpela lida.

Baha'i Faith

40 Years in PNG

"The first time I hear anyone say that white and black people were all the same was when I heard about Baha'i teachings. Then I knew these teachings were good. I also never heard the Baha'is say anything against other religions. We believe that all the religions came from the same source and they are all doing work for one God.

"Baha'is live in every country of the world. They are trying to help in the work of the United Nations, and they work to help the Government where they live too. They do this because they believe that unity between people is the answer to all our problems.



Elti Kunak, MBE, a Baha'i from New Ireland

"I see so many things in the Baha'i Faith which are the same as the traditional spiritual ways of my people, the Nalik people. I also see that the Baha'i Faith has many things that are similar to the Christian Faith. We believe in One God. We are following His Holy Word. We also believe that all people have a soul. This soul of a human will pass on to an after-life when we die. From the time before Europeans came to our land, we have always been people who follow one God. We see that the Baha'i Teachings carry us one more step ahead, into today's world and connect us to other nations."

Oneness of God * Oneness of Man * Oneness of Religion

Plis
RIPOT



MOSBI: Moa trabel i bin kamap insait long Mosbi siti long dispela wik. Plis ripot i tok ol i kisim 17 ripot bilong ol stilman i hensapim narapela man na stilim mani, na nainpela ripot bilong ol stilman i stilim ka. Long Epril 5 foapela stilman i hensapim wokman bilong Steel Industries long Gordens na stilim bikpela man. Long dispela de yet ol stilman i hensapim wokman bilong Aisi Electrical na stilim pe bilong ol wokman. Plis ripot i tok tu olsem ol stilman i hensapim tripela sekuriti bilong Stop n Shop na stilim mani.

MORobe: Ol plis long Lae i holim wanpela kalabus husat i bin ranwe long haus kalabus. Na long Is Sepik tu i gat ripot bilong tupela kalabus i ranawe.

Sentral: Ol plisman long Sentral provins i arestim tripela man long Epril 4 na sasim ol long bagarapim meri. Na long Epril 9 ol plisman i holim sikispela man na sasim ol long brukim haus i go insait na stil. Ol i arestim wanpela man tu na sasim em long kilim indai narapela man.

ORO: Foapela man i stap nau long rumgat bihain long ol plisman i holim ol na sasim ol long ol trabel. Long Epril 6, ol plisman i arestim tripela man long hensapim man na stil. Na long Epril 7 ol i holim narapela man gen na sasim em tu long hensapim man na stil.

MILEN BE: Long Milen Be provins, ol plisman i kisim ripot bilong man i paitim narapela man na kamapim bikpela bagarap long bodi bilong em. Ol i kisim tu ripot bilong ol stilman i brukim haus i go insait na stil.

MORobe: Ol plisman long Lae i arestim pinis tripela man na sasim ol long hensapim man na stilim mani. I bin gat foapela ripot bilong dispela trabel i kamap insait long siti.

MADANG: I no bin gat planti trabel i kamap long Madang long las wik. Ol plis i kisim tripela ripot bilong ol stilman i brukim haus i go insait na stil.

AILAN: I no gat planti trabel i kamap long hap bilong Niugini Ailan rijon. Ol plisman i kisim sevenpela ripot bilong ol bikpela trabel. Na ol plis i arestim tripela pipel.

IS NU BRITEN: Ol plis long Is Nu Briten i wok long painimaut moa long indai bilong wanpela man long Rabaul. Plis ripot i tok ol i bilip sampela man i kilim indai dispela man. Ol plisman i bin arestim tu wanpela man long trabel bilong brukim haus i go insait na stil.

WES NU BRITEN: Long hap bilong Wes Nu Briten, i bin gat tripela ripot bilong ol man i stilim ka. Plis ripot i tok tu olsem ol i kisim ripot bilong stilman i hensapim narapela man na stilim mani.

NU AILAN: Ol plis long Nu Ailan i painim wanpela ka em ol stilman i kisim. Ol plisman i bin arestim wanpela man na sasim em long holim mariuana.

NOT SOLOMONS: Ol plisman i arestim na sasim wanpela man long holim spak brus mariuana.

PLIS KOMISINA Henry Tokam i tokim ol pablik long wok wantaim ol plis long stapim trabel i kamap long komyuniti. "Yupela ol pablik i mas kamap ai na yau bilong ol plisman. Long dispela mun mipela i statim nupela rot bilong ripot long wanem kain trabel i kamap. Mipela i kolim dispela Kraim Lain. Dispela sevis i stap nau long hap bilong Maun Hagen na nupela namba bilong ol em 522874. Ol pipel i ken ring long dispela namba na lusim toksave."

Mista Tokam i tok tenkyu long ol pablik husat i ring nau long Kraim Lain na ripot long wanem kain trabel i kamap long komyuniti bilong ol.

All departments Phone: 25-2500 Fax: 25-2579

WANTOK

Published Weekly, Thursdays, for Word Publishing Co Pty Ltd

Printed and published by Anna Solomon of Bittern Place, Gordons, at Allotment 2, Section 209, Spring Garden Road, Hobeia, for Word Publishing Co Pty Ltd
General Manager: Ian Fry
Company Secretary: Vince Ohlinger SVD
Group Editor in Chief: Anna Solomon
Editor of Wantok: Loh Watwa
Advertising Manager: Peter Kalso
Advertising deadlines
Display bookings: Monday, midday
Camera ready copy: Tuesday, midday
Classified advertising: Wednesday 2 pm

Regional office:
Suite 7, Haus Tisa, Second Street, Lae PO Box 1726 Lae, Morobe Province
Phone/Fax: 42 00 11
District Manager: Zeph Aujal
Papers distributed by air throughout PNG. Available by annual subscription within Papua New Guinea and overseas.
Australia & New Zealand Representatives:
Torokan Media Pty Ltd
PO Box 101 Avoca Beach NSW 2251 Aust
Sydney, James Torokan, (043) 85 1746
Melbourne, Glen Smith, (03) 807 2311

Word Publishing Co Pty Ltd is owned by the four major churches of Papua New Guinea: Catholics, 55%; Lutherans, 25%; Anglicans, 10%; and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms of acceptance are available at the office of The Times and are set out in full on the reverse side of its official Display Advertising Booking Form.

Sepik Wara i go antap yet



• Foto soim wara kamap klostu long sampela haus.

GODFRIED YASSAFAR I raitim

BIKPELA hevi long Sepik Wara long Is Sepik Provins we level bilong wara i surik i go antap i stap yet na tu i wok long go antap yet.

Bihainim dispela hevi, ol pipel husat i stap long ol ples arere na klostu long Sepik wara i bungim hevi nau long kisim gutpela na klipela wara bilong dring na kukim kaikai bilong ol. Na long wankain i gat luksave i stap olsem dispela hevi ken kamapim sik long ol pipel.

Ripot *Wantok* i kisim long man husat i go pas long lukautim wok bilong Sepik wara hevi Stephen Kaumas, em i oganaisim na salim pinis 6-pela tim i go aut long karim aut wok bilong skelim na glasim ol hevi ol pipel i bungim.

Mista Kaumas, husat i holim wok olsem Asisten Seketeri bilong Divisen bilong Sosel Sevis insit long Dipatmen Bilong Is Sepik, i tok wanwan grup bilong dispela 6-pela tim em o salim i go aut bai stap long wanwan eria long Sepik wara. Na wok bilong wanwan tim em long kisim ripot bilong ol hevi na givim i go long opis bilong em.

Mista Kaumas i tokaut olsem bihainim ol ripot em i kisim, level bilong wara i wok long go antap yet. Na tu ol eria na ples we level bilong wara i no bikpela na go antap tumas long las tupela wik i go pinis, i wok long surik i go antap nau.

Wanpela gutpela eksampel, Mista Kaumas i tok, taim hevi stap long tupela wik i go pinis, level bilong wara long ol eria na ples long Apa Sepik i no bin bikpela tumas. Tasol bihainim ripot i kam long opis bilong em, level bilong wara i wok long surik i go antap nau long dispela wik.

Mista Kaumas i tok bikpela astingting bilong komiti bilong em, em long karim aut wok long lukim olsem ol pipel i kisim o i gat gutpela na klipela wara long dring na kukim kaikai bilong ol. Na tu long banisim ol long kisim sik.

"Ol pipel bilong Sepik wara i no nupela long hevi bilong level bilong wara i go antap kamap bikpela. Ol i gat save na ekspiens long dispela samting. Wok bilong komiti bilong mi em long lukim olsem ol i gat gutpela wara bilong dring na kukim kaikai," Mista Kaumas i tok.

Em i tok Nesenel Disasta na Imejensi Sevis i givim pinis sampela mani go long komiti bilong em long karim aut wok. Long provinsal level, Seketeri bilong Dipatmen Bilong Is Sepik Bella Seiloni, i givim tu sampela mani go long komiti bilong em. Dispela mani, em i tok, i lepova mani bilong 1992 taim Sepik wara i tait na ol pipel i bungim bikpela hevi.

Tasol Mista Kaumas i tokaut olsem sapos level bilong wara i no slek hariap, komiti bilong em bai nidim sampela moa mani long karim aut wok. Bikos mak bilong mani we komiti gat long nau yet i no bikpela tumas.

Traibunel kamap long sekim Posai na Nilkare

SIEF Jastis Sir Arnold Amet, long aste Trinde, April 12, i apoinim o makim pinis tupela Suprim na Nesenel Kot Jas na 4-pela majistret long skelim na glasim tupela memba bilong nesenel Palamen.

Tupela memba ya em olpela Provinsal Afeas na Viles Sevis minista John Nilkare (Memba bilong Gumine) na olpela Minista Bilong Hom Afeas, Yut na Rilisen na nau Fores minista Andrew Posai (Memba bilong Kandrian/Glouster).

Pablik Prosekjuta na Ombudsmen Komisnin



• Andrew Posai

putim tupela memba ya i go long han bilong Lidasip Traibunel. Dispela i bihainim ol ripot olsem tupela i kamapim sampela paul na krangi pasin taim



• John Nilkare

tupela i holim wok olsem minista. Long harim ol asua bilong Mista Nilkare, Sief Jastis Sir Arnold i makim Deputi Sief Jastis bilong Suprim na

Nesenel Kot, Sir Mari Kapi olsem siaman bilong traibunel. Na tupela memba em Seri Seneka (wanpela prinsipal majistret) na Richard Koronai (wanpela prinsipal majistret).

Long sait bilong Mista Posai, Sief Jastis Sir Arnold i makim Jastis Kubulan Los, wanpela Jas bilong Suprim na Nesenel Kot olsem siaman. Na tupela memba bilong traibunel em Raphael Appa (wanpela prinsipal majistret) na Mandik Kapin (wanpela prinsipal majistret).

Putim was long Birua Man long neks wik Fonde

Kantri bilong mipela, Papua Niugini, em i wanpela naispela kantri stret long wol. Ol turis i kam long olgeta hap bilong graun long lukim kantri bilong mipela. Na tu, kantri bilong mipela i gat planti tokpela na kastom, winim ol arapela kantri long wol. Tasol i gat planti raskol pasin tu. Em bai hat long ol pipel long rausim ol dispela pasin nogut. Tasol i gat wanpela man, husat i mekim sampela samting long helpim rausim ol pasin nogut ya.

Mipela i no inap tokim yu long wanem hap mama i karim dispela man. Bikos papamama bilong em, tupela i dai long birua long ka, taim em i yangpela yet. Ating em i bilong nambis, ating em i bilong Hailans. Nem bilong em Peter Arakuna.

Bikos papamama bilong Peter indai, em save lukim kandre

bilong em long kisim skol. Yolanda em nem bilong kandre bilong em. Tasol Yolanda i no trupela kandre bilong Peter. Peter save kolim em kandre, bikos em save rispektim em (Yolanda). Yolanda save stap bilong em yet. Na em i wanpela gutpela man. Em i save long mejik. Na save yusim mejik bilong em long toktok long ol pipel.

Yolanda save olsem Peter i no wanpela "man nating". Em i wanpela lida. Na i ken mekim kantri bilong mipela i kamap wanpela gutpela ples. Yolanda i wet long lukim taim Peter bai redi long klinim Papua Niugini. Nau em i taim. Bikos Peter bai pait egens birua pasin na ol man nogut long bringim gutpela pasin, Yolanda bai kolim em "Birua Man".

Peter bai kamap birua bilong

olgeta raskol. Peter i no save pret long birua. Em bai bungim ol lain nogut olsem Scar-face, husat i wanpela biknem raskol stret. Scar-face em sampela lain i katim pes bilong em long bus naip. Olsem na em i gat bikpela mak bilong sua i drai pinis long pes bilong em.

Putim was nau long Birua Man, taim em i kamap long dispela niuspepa long Fonde April 20. Sapos yu laik, yu ken joinim Birua Man klab, long mekim PNG i kamap gutpela ples bilong stap amamas.

Wantok i makim Pidgin Publications na bringim stori bilong Birua Man long yupela. **Birua Man** em i no wanpela pabliken bilong Word Publishing Kampani, husat save putim aut **Wantok**.

Nesenel kot rausim kot salens bilong Skate

i kam long pes 1

bihainim lo bikos taim palamen i makim Spika long 30 Ogas, ol i kirap gen na makim Praim Minista tu long dispela taim. Em i tok ileksen bilong Praim Minista i mas kamap long narapela de bihain long ileksen bilong Spika.

Olsem na ripot bilong Bill Skate i askim nesenel kot long rausim dispela ileksen bilong Praim Minista Sir Julius Chan na Spika, Rabbie Namaliu long 30 Ogas, 1994. Bikos dispela i no bihainim Seksen 142(3) bilong mama lo.

Em i askim nesenel kot tu long tokaut sapos olpela Praim Minista, Paias Winqti i ken stap yet

olsem Praim Minista inap ol i makim nupela Praim Min' ta bihainim mama lo bilong Papua Niugini.

Em i askim tu olsem ol lain husat i bin kamap memba bilong Nesenel Eksekutiv Kaunsil (NEC) long dispela taim i no bihainim lo. Bikos dispela gavman i no bihainim lo long kamapim kain samting olsem.

Ripot bilong Bill Skate i askim nesenel kot long givim oda long spika, Rabbie Namaliu long holim wanpela spesel palamen kibung bilong makim gen Praim Minista na Spika.

Tasol nesenel kot i go egensim dispela ripot bilong Bill Skate husat em olpela spika bilong palamen na nau deputi lida bilong Oposisen.



WANTOK

NIUSPEPA BILONG OL PAPUA NIUGINI STRET

Gavman i mas pinisim gut wok

Nesenel kot i tokaut pinis long gavman bilong Sir Julius Chan na Chris Haiveta bai i stap yet long pawa. Dispela i gutpela step i go fowet long gavman i ken sanap yet na karim aut ol wok na polisi bilong em. Bikos ol dispela plen i bilong sevim ol pipel bilong Papua Niugini. Stat long independens bilong kantri i kam, kantri bilong mipe. a bin i go insait long planti senis long gavman we planti sevis na helpim i no bin go gut long ol pipel.

Long dispela as, i moa gutpela long gavman i mas gat sans long stap longpela taim liklik long karimaut tru ol sevis na wok bilong em long sevim ol pipel. Ol pipel yet i ken skelim wok bilong ol lida na wokim senis long taim bilong resenel ileksen.

Nau i gat planti samting i kamap long kantri olsem long senis bilong Provinsal Gavman sistem we palamen bai kamapim long mun Jun, nupela Trensisenel Gavman bilong ol pipel long Bogenvil, 1995 baset nau tasol gavman i brukim na ol planti arapela samting moa we nesenel gavman i mas stretim gut.

WANTOK

NIUSPEPA BILONG OL PAPUA NIUGINI STRET

P.O. Box 1982 BOROKO
telepon Namba: 25 2500
Feks Namba: 25 2579

PE BILONG WANPELA YIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na NuSilan	K92.00
Esia pasifik na Japan	K123.00
Amerika na Yurop	K180.00

BTG bai wok strong long bringim gutpela sindaun

NUPELA primia bilong Not Solomons provins, Theodore Miriung i tok nupela gavman "Wokabout Gavman" (BTG) bai wok strong long bringim gutpela sindaun na amamas i go bek long ailan Bogenvil na ol pipel bilong em. Dispela em join gavman bilong nesenel na provinsal gavman.

Insait long toktok bilong Mista Miriung em i kolim dispela BTG gavman olsem Wokabout Gavman. Em i tokim olgeta manmeri na nesenel gavman lida wantaim ol bikman tu olsem bai ol i wok strong long painim gutpela ansa bilong Bogenvil.

Em i tok long dispela wik yet bai ol nupela lida bilong dispela gavman i sindaun na stretim ol tok-tok. Ol bai bungim nesenel gavman long 1 Me na toktok long ol polisi we i no bin kamap bipo na ol rot na senis we i mas kamap, Mista Miriung i tok.

Em i tokaut olsem ol pipel bilong Bogenvil na nupela gavman i mas mekim kamap ol senis long graun long rot bilong painim gutpela sindaun na senis na bungim olgeta lain wantaim gen we Bogenvil i ken senis gut.

Mista Miriung i tok nau olsem dispela nupela gavman i kamap we ol pipel i bin laikim long i mas kamap. Olsem na dispela gavman bai wok i go fowet long stretim gen ples na sindaun bilong ol pipel. Na long kamapim ol dispela, em i askim strong long nesenel gavman long givim mani bilong mekim ol dispela wok.

Em tok mipela i no laik toktok na kolim nating nem bilong mani o sek mani long pepa o promis nating. Em i tok ol i mas kisim mani tru tru bilong mekim wok long en.

Praim Minista, Sir Julius Chan i tokaut long bihain olsem K43,000 i redi long go insait long edministresen bilong Bogenvil long helpim wok bilong dispela nupela gavman (BTG). Em i tokaut tu olsem i gat narapela K143,000 i redi long go insait long opis bilong primia long skelim i go long 8-pela interum atoriti long ailan. Dispela mani i kam aninit long Lokel Gavman grents.

Mista Miriung i toktok yet long lukluk i go moa insait long as tru bilong dispela pait na hevi long Bogenvil i bin kamap long en. Olsem na em i tok i mas gat rot yet long toktok long stretim as tingting bilong dispela hevi long Bogenvil i bin kamap long en.

Nupela primia i tok insait long dispela nupela gavman, i gat rot i op pinis long i ken bungim ol lida bilong BRA olsem Kauona, Ona na Kabui wantaim ol lida bilong ol long kam bung na toktok wantaim. Tasol dispelabung bai kamap gut sapos i gat gutpela luksave na tok kliia namel long PNG soldia, resistens paitman na ol BRA rebel.

Long dispela taim Mista Sam Tulo husat bai i stap yet long ol seketeri bilong BTG i tok dispela gavman i makim nupela rot bilong painim gutpela sindaun na amamas long Bogenvil.

Em i askim olgeta Bogenvil manmeri long sanap bung wantaim gen na stretim ol samting na kisim bek gutpela sindaun long provins.

Ol manmeri i kisim bagarap inap, inap em inap", Mista Tulo i toktok long dispela bikipela bung ya..

Olpela BRA lida em nupela primia

VERONICA HATUTASI i raitim

OL pipel bilong Not Solomon provins i makim pinis nupela primia bilong ol insait long nupela Bogenvil Trensisenel Gavman (BTG) long dispela wik. Primia em Theodore Miriung husat em wanpela ekting nesenel kot jas na wanpela loya tu. Em i bin wanpela lida bilong ol Bogenvil paitman (BRA).

Long dispela wik Mande ol i bin kolim nem bilong ol lida i go insait long dispela nupela gavman wantaim bikipela amamas na pati we ol manmeri bilong Bogenvil i kam bung na lukim.

Mista Miriung i gat 30 memba insait long asembli na namba tu primia em olpela Buka

Interum Atoriti Siaman, Thomas Anis.

Tripela konstituensi insait long Bogenvil i no gat memba bilong ol yet. Ol dispela konstituensi em Koromira Koianu, Arawa Wes na Eivo loro. Ol dispela eria em ol dispela lida bilong BRA i kam long em. Ol lida bilong BRA olsem Sam Kauona, Joseph Kabui na Francis Ona i save kam long en.

I bin gat askim i go long ol dispela lain lida bilong BRA long i kam long dispela de bilong witnessim nupela gavman bilong Bogenvil. Tasol ol i no kamap.

Ol i tok ol i no laikim wanpela samting tasol ful pawa i go long ol pipel bilong Bogenvil

yet. Ol i tok dispela BTG em wanpela giaman samting bilong PNG gavman long putim Bogenvil i go aninit long han bilong em yet.

Planti manmeri bilong Bogenvil i lukim Mista Miriung olsem wanpela man husat inap stap namel long ol BRA lida na nesenel gavman long toktok na painim gutpela rot bilong stretim bek Bogenvil.

Mista Miriung i bin win long 16 vot olgeta egensim ol arapela tripela lain husat i resis long dispela sia bilong primia. Ol arapela lain ya em Gerard Sinato husat em olpela deputi primia long olpela provinsal gavman, Thomas Anis na Ignatius Namake bilong Siwai konstituensi.



• Nupela primia bilong Not Solomon Theodore Miriung wantaim meri bilong em. Bikman i sanap long baksait wantaim aiglas em deputi primia, Thomas Anis.

Planti manmeri tru i bin kamap na amamas long lukim dispela nupela gavman bilong Bogenvil i kamap long Mande long dispela wik. I gat tok pret olsem ol paitman bilong BRA i laik bagarapim dispela bikipela de, tasol ol plisman na soldia i holim strongpela was long graun na raun tu antap long balus.

Moa long 2,000 manmeri bilong Not Solomon provins i bin kamap long lukim dispela bikipela amamas de na holim ol tumbuna singsing na amamas wantaim ol lida bilong gavman na arapela lida husat i kamap tu.

Kros bilong planti meri no stap insait long BTG

INSAIT long dispela Bogenvil Trensisenel Gavman (BTG), Agnes Titus em wanpela meri tasol husat i makim ol meri long dispela nupela gavman.

Misis Titus em presiden bilong Provinsal Kaunsil ov Women wantaim yut na sios. Em i nau i kamap asembli memba bilong BTG wantaim ol arapela memba long dispela wik taim ol nesenel gavman lida, mausman bilong arapela kantri na het bilong sios i kamap long lukim nupela gavman i kamap.

Misis Titus i tok sapos i gat moa meri insait tu long dispela gavman bai orait. Bikos planti meri long Bogenvil i bin mekim planti bikipela

samting long traim painim gutpela sindaun i go bek long provins.

Em i tok planti taim ol meri i bin mekim bikipela muv long tok-tok na askim ol BRA rebel long kamaut ples kliia na sindaun toktok wantaim long stretim hevi na ol meri i bin wok insait long ples long bungim wantaim gut na stretim hevi na ol samting.

Tasol wok bilong ol meri i mas kisim mani long karim ol wok bilong em gut long wok klostu wantaim ol sios, gavman, sekuriti fos, resisten grup, BRA na komyuniti olgeta.

Long las yia long mun Julai, Misis Titus i tok ol meri i bin wok strong tru long karimaut ol wok program bilong ol i

go insait long wok bilong bung wantaim na kamapim gutpela sindaun gen long komyuniti. Ol i no gat mani na samting bilong mekim wok wantaim, tasol ol i givim laip bilong ol yet long mekim ol dispela samting.

Em i askim gavman na ol arapela grup tu long givim helpim wantaim mani long kari-maut wok bilong ol meri gut long dispela program bilong stretim gen Bogenvil.

Misis Titus i tok dispela nupela BTG i mas kamap long go bihainim laik na tingting bilong ol manmeri long kamapim gen gutpela sindaun na amamas long Bogenvil.



YUPELA I SAVE KAIKAI MIT, LEM-FLEPS, SOSIS LONG OLGETA STUA, NA YU SAVE GO BAIM, EM MI TASOL!!

YES! YES!!

VOTE BIA VOTE BIA

YUPELA I SAVE KAIKAI SOSIS BILONG HUSAT?!

YU YET!!



BIABIA BUCHERY MEAT-LEM-FLEPS-SOSIS

YUPELA I SAVE KAIKAI MIT, BILONG HUSAT?!

BIABIA TASOL!!

YUPELA I SAVE KAIKAI LEM-FLEPS BILONG HUSAT?!

BIABIA TASOL!!

27 ples man skul long raitim na holim ripot Sandaun lida sapotim John Momis

ARI GUH DANDEE I raitim

MOA long 27 man insait long ol ples long Wau distrik, Morobe provins i bin sindaun long wanpela kos bilong raitim ol ripot na holim rekot long ol wok na senis insait long ples.

Dispela kos i bin kamap long las mun we Asisten Seketeri bilong Morobe Provinsal Afeas na Viles Sevis, Brian Mogu i bin

go na holim. Em i bin bungim ol man long ol ples olsem Biaru, Biangai, Tekotu, Watut na ol ples arere tu wantaim.

Mista Mogu i bin tokaut long stat bilong kos olsem dispela wok bilong raitim ripot na holim rekot em bikpela samting bilong helpim gavman. Gavman i ken kisim gutpela save long

wanem kain hevi i save stap long ples, na wanem kain wok ol i mas mekim long stretim gut sindaun long ples.

Mista Mogu husat em kos kodineta long dispela kos i tok bihain taim bai kantri i go bikpela na planti senis bai kamap. Olsem na ol lain long ples i mas save long raitim ripot na redim rekot bilong ol i stap long kisim gutpela sevis na helpim long bihain.

Em i tok bai i gat bikpela wok tru bilong ol lain ya. Olsem na ol i no liklik man insait long ples tasol. Nogat, ol bai kamap olsem ol teknikel wokman tru bilong gavman we ol bai givim toksave long gavman long wanem samting i wok long kamap insait long ples.

Dispela samting inap givim tingting i go long gavman long bringim sevis i go long ol pipel bilong ples, Mista Mogu i tok.

MEMBA bilong Oksapmin long Sandaun provinsal asembli, Ulivian Ameneng i sapotim muv bilong papa bilong provinsal gavman insait long kantri, John Momis.

Mista Momis i tokaut long las kibung bilong palamen olsem kantri i no redi yet long kisim ol senis long wok bilong provinsal gavman insait long kantri. Bikos sapos ol senis i kamap nau, dispela bai bringim moa hevi long kantri.

Mista Ameneng em i Distrik Sevis minista long Sandaun provinsal gavman. Em i tok sapos ol Nesenel Memba i givim namba tu vot long kibung bilong Palamen long mun Julai, PNG bai bungim bikpela hevi long man. Bikos nesenel gav-

man i mas painim mani long baim pinis pe bilong ol provinsal memba, na tu bilong planti pablik sevan long ol provins. Dispela bai min olsem hevi bilong mani kantri i bin bungim bai kamap bikpela gen.

"Mi no bilip nesenel gavman i base-tim dispela K17.5 milien em i tok long baim mipela ol provinsal politisien. Dispela tingting i kam bihain. Na kra i bilong ol tisa bilong mipela insait long kantri, gavman i no baim ol tisa yet. Na em bai kisim mani we na baim mipela olgeta wokman bilong provinsal gavman," em i tok.

Mista Ameneng i askim olgeta Nesenel Memba long tingting gut, na givim namba tu vot bilong ol long mun Julai.

Aloitch laikim provinsal gavman, tasol wantaim senis long ol wok

FELIX RAMRAM I raitim

PRIMIA Aloitch i tok Sandaun provinsal gavman i sapotim tripela arapela provinsal gavman bilong Momase rijon long i no sapotim ol senis. Bikos Ol i laik lukim olsem Papua Niugini i mas stap olsem wanpela kantri.

Em i mekim dispela toktok long lukluk raun bilong Amerika Embaseda, Richard Teare wantaim meri

bilong em i go long hap.

Em i tok bikpela sapot bilong Momase rijon em long lukim olsem provinsal gavman i stap yet long Papua Niugini. Tasol sampela senis i mas kamap long wok bilong provinsal gavman. Na dispela em i wanpela rot tasol bilong bringim gut sevis i go long ol pipel long wanwan ples.

Mista Aloitch i tok

nupela senis i no inap mekim dispela. Bikos ol bikman husat save stap long Mosbi tasol i mekim dispela senis.

Na ol yet i no stap long provins, o wok long provinsal gavman long painimaut sapos provinsal gavman i gutpela o nogat. Dispela em long taim provinsal gavman i kamap long 18 yia i go pinis, i kam inap nau.

Mista Tearce i bekim olsem toktok bilong provinsal gavman i kaamp bikpela nau long kantri.



Ol lain kisim namba bilong Kwin .

Gavana Jenerel Sir Wiwa Korowl i sanap namba tri long lephan. Em i sanap wantaim ol manmeri i kisim namba bilong kwin long dispela yia. Wanpela bikman husat i kisim namba em Seketeri bilong Foren Afeas Dipatmen, Gabriel Dusava. Lukim ful stori bilong ol long neks wik. Foto: Daniel Mona.

Namba 7 tokples pri skul kamap long Madang

NOBO - Nob eria bilong Madang provins i gat tokples pri skul nau bilong helpim ol pikinini husat i gat 7-pela krismas long rit na rait.

Skul ya i bin stat long las yia tasol. Tasol i gat hevi long ol tisa long mani o pe bilong ol.

Kodineta bilong ol tokples pri skul long provins, Itbram Hiuk i tokim Wantok olsem tru ol tisa i painim hevi long mani. Tasol ol i no givap. Ol i wok long skulim yet ol pikinini.

Nobo Nob em i namba 7 ples insait long provins long i gat tokples pri skul.

Simbu Media Yunit bai kisim nupela komyuta

MICHAEL KOMA I raitim

WANPELA Media na Infomesen Sevis Yunit tasol bilong Dipatmen bilong Simbu na Simbu Provinsal Gavman bai klostu kisim wanpela nupela komyuta.

Dispela bai kamap bihainim askim bilong Polisi Plening na Infomesen Minista, na Memba bilong Kundiawa konstituensi, Matthew Siune. Bihainim dispela askim, provinsal kabinet i bin kibung long Desemba las yia. Na oraitim long givim K40,000.

Wantaim dispela mani bai ol i baim wanpela Apple Macintosh Komyuta long FT Wimble kampani long Mosbi. Dispela komyuta masin i ken mekim ol kala wok tu.


Ekting Media Kodineta Koma Kuman i tok taim dispela masin i kamap, Media na Infomesen Sevis Yunit bai putim aut yet Simbu Nius, ol printing wok bilong provinsal gavman, na ol arapela ausait prin wok long mekim mani bilong Simbu provinsal gavman.

Mista Kuman i askim tu het o bosman bilong wanwan divisen long provins long noken go long Goroka na Simbu long mekim wok bilong ol. Bikos ol i ken yusim nau komyuta masin bilong Media na Infomesen Sevis Yunit.

Simbu Media Yunit opis i stap long Warasimbu long trening senta bilong Dipatmen bilong Simbu. Ol wokman meri bilong yunit em Koma Kuman (Ekting Media Kodineta), John Nillis (Dakrum Teknisen na Ofset Printa), Robert Siune (Grapik Atis) na Michael Koma, (Nius ripota ta na Edita bilong Simbu Nius, niusleta bilong provins.)

Toksave i go nau long ol manmeri save ritim Simbu Nius olsem niusleta ya bai kam aut klostu nau, bikos long nupela komyuta ya. Las niusleta i bin kam aut long Septemba 1991.

TRIPELA FLEIVA



TRAIPELA KIK!

"EASTER TRADING HOURS"

STEAMSHIPS TOWN

Thursday	13th April	8:00am - 6:30pm
Good Friday	14th April	Closed
Saturday	15th April	8:00am - 5:00pm
Sunday	16th April	8:00am - 1:00pm
Easter Monday	17th April	8:00am - 1:00pm

STEAMSHIPS BOROKO

Thursday	13th April	8:00am - 6:00pm
Good Friday	14th April	Closed
Saturday	15th April	8:00am - 1:00pm
Sunday	16th April	Closed
Easter Monday	17th April	Closed

STOP 'N' SHOP

Thursday	13th April	8:00am - 6:30pm
Good Friday	14th April	Closed
Saturday	15th April	8:00am - 3:00pm
Sunday	16th April	8:00am - 1:00pm
Easter Monday	17th April	8:00am - 1:00pm

FAMILY STORE BOROKO

Thursday	13th April	8:00am - 6:00pm
Good Friday	14th April	Closed
Saturday	15th April	8:00am - 5:00pm
Sunday	16th April	9:00am - 1:00pm
Easter Monday	17th April	9:00am - 1:00pm

FAMILY STORE TOWN

Thursday	13th April	8:00am - 6:00pm
Good Friday	14th April	Closed
Saturday	15th April	8:00am - 1:00pm
Sunday	16th April	Closed
Easter Monday	17th April	Closed

FAMILY STORE ERIMA

Thursday	13th April	8:30am - 6:30pm
Good Friday	14th April	Closed
Saturday	15th April	8:00am - 3:00pm
Sunday	16th April	9:00am - 1:00pm
Easter Monday	17th April	Closed

TERRITORY CELLARS AND LIQUOR BARN

Thursday	13th April	10:00am - 6:00pm
Good Friday	14th April	Closed
Saturday	15th April	10:00am - 3:00pm
Sunday	16th April	Closed
Easter Monday	17th April	Closed

TU MINIT TINGTING


BIKPELA DE BILONG WIN

IŒTA em i wanpela spesel de bilong win, bikos i luk olsem Jisas na olgeta tok na wok bilong em i bin lus olgeta long Gut Fraide. Tasol nau em i kirap bek long matmat na olgeta birua bilong em i kuk tru.

Sapos yumi lukim wanpela pilai ragbi o soka, yumi save kalap nogut tru sapos wanpela tim i bin bagarap olgeta long pilai. Na long lasminit bilong gem, em i sutim tripela gol...na em i winim pilai. Man! Dispela tim i hepi tru na olgeta sapota bilong tim i amamas tru; na olgeta manmeri nating i lukim pilai, ol i paitim han tru long wina.

Long Ista, Jisas i bin mekim olsem tasol. Bihain ol birua i ting matmat i bin pinisim ol wari bilong ol, nau Jisas i kirap long matmat na i wokabaut na i tok-tok na i kaikai gen wantaim ol gutpren bilong em.

I gat wanpela stori i makim aida bilong Ista. Long Trinde bilong Holi Wik, wanpela pris long Amerika i go long haus lotu na em i painim wanpela meri i nildaun i pre na i krai nogut tru. Em i askim meri, "Yu gat wanem bikpela wari?" Meri i opim poketbuk bilong em na i kamautim wanpela pas na i tok, "Mi bin kisim dispela toksave tude long moningtaim." Pris i



FRANK MIHALIC i raltim

ritim dispela tok i stap long pas: "Ami i laik tok sore long yu, long wanem, asde pikinini bilong yu i lus pinis long pait." Mama sanap i stap na krai moa moa yet; na pris i promis bai em i helpim em long beten.

Long neks de na long Gut Fraide, mama ya i stap planti aua long haus lotu. Em i luk narakain, em i luk lapun nau. Em i olsem Maria i sanap aninit long diwai kros bilong Jisas long Gut Fraide. Tude em i Gut Fraide long bel na lewa bilong em. Em i bel kaskas na krai sore.

Tasol long Sarere nait em i kamap narakain olgeta. Long

lotu bilong paia bilong Ista, pris i lukim dispela mama i smail na i lap na i hepi tru. Em i bin senis olgeta. Mama i no gat tok; em i kamap long pris tasol na i putim wanpela pas long han bilong em. Dispela nupela pas i tok olsem: "Pikinini bilong yu i no dai; em i stap kalabus tasol." Meri ya i krai nau - tasol em i krai hepi tasol.

Dispela meri, dispela mama i save long trupela mining bilong Ista, long wanem, pikinini bilong em tu i bin kam bek long laip.

Long taim Gut Fraide i pinis, ol aposel ol i olsem dispela meri i lusim pikinini bilong em. Ol i givap nau; laip bilong ol na wok bilong ol i gat mining nau; sampela i wok long go bek long ples. Tasol nau Jisas i kirap bek long matmat, na ol i kalap nogut tru. Nau ol i hot gen long bihainim em; nau ol i bilipim tok bilong em. Nau ol i lukim, tru tumas Jisas em i God. Gut Fraide i no bin soim Jisas em i God. Long wanem, yumi olgeta i save dai. Dai em i samting nating. Tasol kirap bek long indai - em i samting bilong pawa bilong God tasol. Olsem Sen Pol i tok long Filipai 3:10 - "Krais i bin kirap bek long matmat, na em i gat bikpela strong, na mi

laik save tru long dispela strong bilong em. Mi laik poroanim em long pasin bilong karim pen. Na mi laik holim wankain tingting olsem em i bin holim long taim em i dai, na mi ting mi tu mi bai kirap bek long matmat."

Bikos Jisas i win long Ista, yumi save pinis olsem: ol man nogut na ol samting nogut i NO inap long win tru. Ol bai win inap sotpela taim tasol, na bihain bai ol gutpela samting bilong God i daunim ol. Ista i soim olsem: pen na sore na wari na hatwok bai kisim pe bilong en. Tru tumas!

Astingting tru bilong ymi olgeta Kristen em hia: Jisas i kirap bek long matmat. Ol arapela bilip i hangamap long dispela tasol. Olsem Sen Pol i tok long 1 Kor 15:17 - "Sapos God i no bin kirapim Krais, orait, bilip bilong yupela i no inap helpim yupela. Yupela i stap yet long sin bilong yupela."

Krais i bin wokim tupela bikpela promis: em bai kirap bek, na yumi tu bai kirap bek. Orait, em i bin inapim namba wan promis. Na wanpela de, tru tumas, bai em inapim namba tru promis: bai long wanpela de yumi tu i kirap bek long matmat. Dispela em i bikpela aida i pulim yumi ol Kristen long stap gut na mekim gutpela pasin. Olgeta Ista i mas strongim dispela as bilip bilong yumi.

Tingim Jisas Krais long Pam Sande

PAULUS TALI i raltim

LAS wik em i Pam Sande. Ol manmeri bilong Katolik na Lutheran sios i tingim stori long Nupela Testamen. Stori ya em long de Jisas i yusim donki long kamap long Jerusalem.

Long dispela de tu, Jisas i katim hevi bilong mipela ol Kristen manmeri na pikinini.

Bikpela lotu i bin kamap long Batolmyu Lutheran kongrigesen Lae long tingim dispela de. Man i go pas long Was Sipsip progrem bilong Evanjelikel Lutheran Sios bilong Papua Niugini (ELC-PNG), Sakey Ronuc i autim Gutnius bilong God long Pam Sande.

Mista Ronuc i tok mipela kristen mas luksave long de bilong Pam Sande. Em i min long wanem rot. Planti hevi bilong dispela graun mipela karim i kam, na Jisas Krais i karim olgeta hevi bilong mipela.

Ronuc i toktok long stori bilong Olpela Testamen. Em i tok long singsing bilong Moses, yes ol Kristen manmeri bilong Krais. Planti singsing bilong God, em i gat mining. Na tu em i bilong apim nem bilong Bikpela.

Olsem na mipela ol Kristen i mas daunim mipela yet. Na kamap olsem man nating. Na wok namel long ol Kristen na haiden long soim tok tru bilong Bikpela Jisas Krais.



TOYOTA DYNA

THE TOUGHEST MIDDLEWEIGHT TRUCK IN ITS CLASS

Built Tough, Toyota Dyna Trucks give you an excellent choice, with either petrol or diesel power, long or short wheel base, cab/chassis, flat bed, dump truck and the latest styled extra-wide cab with mighty 3.7 lt. direct injection diesel power. We also offer a wide range of Dyna Special Purpose Vehicles, including Agitator Trucks, Fuel Tankers, Panel Vans, Crane Trucks, and Refuse Collector Trucks. When it comes to the Middleweights, you can't beat Toyota Dyna.



TOYOTA
Ela Motors

PORT MORESBY 229400 • LAE 422322 • RABAU 921988 • MADANG 822188 • GOROKA 721844 • MT HAGEN 521888 WEWAK 862255
KAVIENG 942132 • KIMBE 935155 • TABUBIL 589060 • VANIMO 871254 • PORGERA 579367
ALOTAU : WALTERS WORKSHOP PH 611174



Haiti Trensfe... Presiden Jean-Bertrand Aristide bilong Haiti i welkamim US presiden Bill Clinton long kantri bilong. Clinto i go long Haiti long lukim ol seremoni we ol ami bilong US bai givim olgeta wok bilong lukautim Haiti i go long han bilong Yunaited Nesen (UN).

OL LIKLIK NIUS

Muslim grup kilim 53 manmeri

MANILA: TOKTOK i sut i go long wanpela mulsim grup long Manila em nem bilong ol i hait nambaut yet long kilim 53 manmeri long wanpela taun bilong Philippines ol i kolim Ipil long las wik. Grup ya ol i kolim ol yet Islamic Command Council bilong Moro Nesenel Liberesen Fran i laikim olsem ol i mas gat wanpela Muslim stet bilong ol yet. Ol lain ya husat i laikim kisim indipendens long ol yet i tokaut long wanpela stetmen olsem dispela ol samting em ol yet i mekim long helpim ol long kisim indipendens. Tasol taim dispela dai bilong 53 manmeri i kamap, presiden Fidel Ramos i sutim toktok long narapela grup olgeta. Ol lain Muslim ya i tok olsem ol dispela kain pasin bai go het yet inap gavman i givim indipendens long ol.

Winnie kotim Mandela

Johannesburg: Meri bilong presiden Nelson Mandela bilong Saut Afrika, Winnie Mandela i kotim man bilong em long rausim em long posisen bilong em long kabinet long tupela wik i go pinis. Ol ripot long Saut Afrika i tok olsem meri ya wantaim ol loya bilong em i kotim Mandela na em i mas givim bek wok bilong em olsem namba tu minista bilong Ats, Kalsa na Sains. Eksen bilong Winnie Mandela i kisim sapot bilong lida bilong Zulu Inkatha Freedom Pati (IFP) husat i stap tu olsem Minista Hom Afeas long gavman bilong Saut Afrika. Winnie i askim kot long tokaut olsem eksen bilong man bilong em i no stretpela na presiden i mas tokaut long wanem as na em i rausim em.

Polis painim Kago Kalt Lida

TOKYO: PLIS i qok long painim nau wanpela kalt lida husat i go pas long wanpela wok bilong mekim ol gan i karim marasin nogut we i kilim ol bikpela plis opisal aninit long rot bilong ol tren. Wanpela ripot i tok olsem ol plisman nau bai painim Aum Shinri Kyo na Shoko Ashara. Tasol ol dispela nem Ashara i kamap long tikek bilong balus olsem ol bai go long Moscow long Rasia. Ol plis i kamap long ples balus long sekim tasol nogat wanpela Ashara i bin kamap na kalap long balus. Ashara husat i bin tokaut long em yet olsem em wanpela god na tok tu olsem Wol Wo 3 bai kamap long 1997 em nau ol plis i painim em long dai bilong 11-pela pipel aninit long ol rot bilong tren. Long dispela taim tu 5,500 manmeri i bin kisim sik long dispela marasin nogut bilong em.

PLO bai rausim ol Militen Grup


GAZA SITI: SIAMAN bilong PLO Yasser Arafat i tokaut olsem em wantaim ol lain bilong em i wok hat tru longtraim na rausim ol militen grup i wok long stat insait long Gaza na bagarapim ol laip bilong ol manmeri. Dispela toktok i bin kamaut bihain long ol plisman bilong Palestine i mekim wanpela sekyurit operesen na holim 200 militen bihain long tupela taim bom i pairap na kilim 8-pela manmeri olgeta. Jastis minista bilong Palestine Abu Middein i sapotim toktok bilong Arafat na tok olsem ol bai rausim olgeta samting long ol lain ya olsem ol gan na bom long pinisim olgeta militen grup long Gaza.



2-MINUTE NOODLES

BRICKGAME COMPETITION

1000 ELECTRONIC BRICKGAMES TO BE WON



TO ENTER, SEND COMPLETED ENTRY FORM WITH 3 EMPTY MAGGI 2-MINUTE NOODLES PACKETS IN A STANDARD SIZED ENVELOPE TO:

MAGGI 2-MINUTE NOODLES
BRICK GAME COMPETITION
LOCKED MAIL BAG
BOROKO N.C.D

- TERMS AND CONDITIONS:
1. Information on how to participate and prizes form part of these terms and conditions.
 2. Entry is open to all residents of PNG except employees of Nestle and their families, its associated companies and agencies.
 3. No responsibility is accepted for lost, misdirected or delayed mail.
 4. 100 Brickgames to be won weekly for 10 weeks. All entries must be received not later than 12:00 noon on Friday for the same week's draw under Police supervision.
 5. Winners will be notified by registered mail and names will be published in the Post Courier every Monday.

NAME: _____

ADDRESS: _____

PHONE: _____

Fast to cook, Good to eat.

6. Prizes must be taken as offered and are not redeemable.
7. Competition commences on 20 March 1995 and closes on 26 May 1995.
8. In the event of any dispute the decision of the promoter (Nestle) is final and no correspondence will be entered into. All entries become the property of the promoter (Nestle).



OL WANSOLWARA NIUS

Pasifik mangi mekim penpren


MOGMOG, Maikronesia: Wanpela meri long Carlifonia husat i ting olsem nogat man bai kisim pas bilong em i kalap nogut tru taim em i kisim bekim bilong dispela pas long wanpela liklik mangi Maikronesia. Amy Takeuchi husat i putim pas bilong em insait long wanpela botol na tromoi long Amerika i kam kamap long wanpela liklik mangi long Saut Pasifik bihain long tripela yia olgeta. Nem bilong mangi ya Loyola Mallamai i kisim dispela pas na i bekim long Mas 17 na tok, "Gritingsa i kam long ailen bilong Mogmog," Loyola i raitim wantaim helpim bilong mama bilong em. "Mi wantaim papa i go painim pis na mi painim dispela leta bilong yu em yu tromoi long solwara na kam."

Gutpela rot long lukim Samoa

APIA: Ol trenspot atoriti long Apia i wok long painim ol draiva bilong bas husat i putim ol traipela spika insait long bas na pilaiaim ol musik i save kamap long ol nait klab. Na long wankain taim tu ol i save pasim rot na spit nogut tru. Ol bas ya em ol yet i mekim long stail bilong China em ol man bai sindaun na lukluk i go outsait na i no lukluk long ol yet. Lo tu i tok olsem ol bas ya i mas karim 33 pasindia. Tasol ol i save karimmoa long 33 pasindia. Trenspot Kontrol Bod seketeri Misis Tupuola i tok olsem nau yet ol bas i wok long kisim moa man long wanem ol draiva i save pret long lusim ol man nogut bai pait i bruk. Em i tok tu olsem nau yet ol bas draiva i wok long resis long mekim musik bilong ol i kamap gut na tu husat bai musik bilong em i pairap strong tru. Ol trenspot atoriti i mekim bikpela wok nau long lukim olsem dispela pasin i mas pinis.

US Nevi pairapim ol bom

MARSHAL ISLANDS: Wanpela US Navy Bom tim long Guam i pairapim planti tausen bom na ol motar bilong Wol Wo 2 na ol narapela samting bilong pait long ol liklik ailen long Marshall Ailens. Gavman bilong Marshall ailens i bin askim ol USA long helpim bilong ol long mekim dispela wok. Moa long 50 bom wea wanpela i traipela tru inap long 350 kilogram em tim ya i bin pairapim na rausim long tupela wik bilong ol long stap long ailen. Planti bilong dispela ol bom bilong wol wo 2 em ol i painim long ol liklik ailen i stap outsait long Majuro Atol, kapitel siti bilong Marshall Ailen. Samting olsem 80 pe sen bilong ol bom ya em bilong ol Japanese.



Antap: Taim bilong pait...


Ol ami bilong Anjara long Midel Is i sanap long lain arere long ol tren i karim ol tenka bilong mekim bikpela pait wantaim ol Kurdish Rebel bilong Irak.



Lephan: Papa i dai... Wanpela liklik mangi Rawanda husat i ranawe long ples bilong em i sindaun arere long papa bilong em husat i dai pinis. Ol kain bikpela pait olsem long ol kantri long Afrika olsem Rawanda na Somalia i no pinis yet. na daunbilo em wanpela olupela ami man bilong China husat i pait long Not Vietnam i mas long makim 20 aniveseri bilong ol Komnis long kisim Da Nang, siti bilong Not Vietnam.

SECOND HAND CLOTHING

(SOLD IN UNOPENED BALES, NO RETURNS)



SECOND HAND CLOTHING
50KG BALES
MIXED ASSORTMENT.

K169.00




ASSOCIATED DISTRIBUTORS

**GEREHU
PORT MORESBY**

26 1243




• Ol mama bilong Morobe i mas long makim bikipela de bilong ol meri long wol. Dispela em long namba 24 de bilong mun Mas, 1995.




• Poto i soim Kiburu Lodge long biktaun bilong Sauten Hailans provins, Mendi. Wok i kamap nau long mekim hap ya i go bikipela.



• Dispela em stail bilong ol bikman yet. Ol putim wantaim han long wokim promis bilong ol.



• Tupela wokman ya i mekimsave long mekim kapenta wok ausait long wanpela bikipela haus long Mosbi taun.



• Wokman ya i wasim wol bilong Pacific Placer, wanpela bikipela longpela haus long Mosbi taun. Papa bilong ol kain haus olsem laikim olsem haus i mas stap klin oltaim.



• Dispela em Lae maket. Kas ya i mekimsave long baim kainkain kaikai stret.

Tripela Sauten Hailans lida sapatim senis long provinsal gavman sistem

**LEO WAFIWA
i raitim'**

BIKPELA tok amamas i go long gavman na ol oposisen memba long Palamen long bung wantaim, na vot long ol senis em bai kamap long wok bilong provinsal gavman insait long papua Niugini.

Dispela tok amamas i kam long olupela primia bilong Sauten Hailans, Tegi Ebel, olupela

bai kamap long mun Julai, taim palamen i bung gen.

Tripela lida i tok ol pipel bilong Sauten Hailans i salutim Praim Minista Sir Julius Chan long mekim ol dispela strongpela disisen.

Ol i tok taim provinsal gavman i bin kamap, ol nesenel gavman bilong bipo i mas kisim asua long servis i no go gut long ol pipel long ples. Hevi i kamap long provinsal gavman we i

Ol i tok dispela sistem i bagarapim tu tingting bilong ol yangpela pipel, husat nau i nogat rispek long ol bikman na lida.

Taim provinsal gavman i kamap i kam inap nau, bikpela kros o toktok pait save kamap namel long ol nesenel na provinsal gavman memba. Na dispela i mekim hat long ol provins long develop gut.

Nau wantaim dispela senis em bai kamap,

Taim provinsal gavman i kam inap nau, bikpela tok pait o kros save kamap namel long ol nesenel na provinsal memba. Na dispela i mekim hat long ol provins long develop gut.

memba bilong Tarina Pori, Matiabe Yuwi OBE na Presiden bilong Nipa Lokol Gavman Kaunsil, John Kmabe. Ol i salim dispela tok amamas bihain long palamen i bung long stat bilong dispela mun, na mekim namba wan vot long dispela bikpela senis. Namba tu riting na las vot bilong dispela senis

no mekim ol gutpela disisen. Na planti bilong ol dispela disisen i kos bikpela mani tumas, na i no karim gutpela kaikai.

Ol i tok dispela provinsal gavman sistem i feil long luksave long pasin na kalsa bilong ol pipel. Na tu i no luksave long we ol pipel yet i ken stretim wanwan hevi bilong ol.

dispela tripela lida long Sauten Hailans i laik lukim moa gutpela senis long wok developmen i go long ol pipel long ples.

Ol i askim nau olgeta kaunsil na nesenel memba bilong Palamen long wokbung wantaim long kamapim developmen, na bringim moa gutpela senis long Papua Niugini.

Sir Julius tok papamama gat wok bilong redim pikinini kisim save

PRAIM Minista Sir Julius Chan i tok wok bilong papamama long lukautim gut pikinini taim ol i kamap bikpela em bikpela samting long redim ol i bungim salens bilong bihain taim.

Olsem gro na developmen long kantri bilong mipela i strong long gutpela disisen ol lida i mekim, wok bilong papamama long disiplinim ol pikinini bai ol i rdi long bihain taim bilong em i bikpela samting tu," Sir Julius i tk olsem Brisben, Australia long Epril 5, taim em i soim pes long greduesen bilong pikinini bilong em, Mark Chan. Mark i greduet long Griffith Yunivesiti.

"Save Mark i kisim olgeta ol arapela Papua Niugini manmeri i kamap tasol long hatwok, bikpela samting tu em disiplin na kea em papamama i givim long," em i tok.

Em i tok famili i amamas long save Mark i kisim. Tasol em i tok yunivesiti digri em i liklik samting. Bikpela samting long laip em


yusim dispela save long mekim gut wanem kain wok yu mekim i karim kaikai.

Yangpela Mark i gat 23 krismas. Na em i greduet wantaim Basela Digri long Intanesenel Bisnis Rilesen. Mark i namba tri long famili bilong Sir Julius.

Praim Minista na Ledi Chan i gat 4-pela pikinini. Bikpela pikinini meri, Vanesa i marit long Helmut Pelgen. Helmut em i bikpela pikinini man bilong biknem bisnisman bilong Lae, Sir Harry Pelgen.

Vanesa i karim pinis wanpela pikinini man. Nem bilong pikinini em Cherone. Cherone em i namba wan tumbuna bilong Sir Julius Chan na Ledi Chan.

Byron, bikpela pikinini man bilong Sir Julius na Ledi Chan i wok olsem wanpela masial ay kodineta. Namba tri na las bon pikinini man em Toea, husat i bin kamap long Kina de, Epril 19, 1975. Em i stat wok trening nau olsem wanpela selsman long Rabaul.



• Toea (lephan) i amamas long brata bilong em Mark husat i greduet long Griffith Yunivesiti long Australia wantaim Basela Digri long Intanesenel Bisnis Rilesen.


Paradise Bisket Holimpasim Prais

Kampani bilong mekim olgeta Paradise Bisket i holimpasim nau prais bilong ol.

Dispela i min olsem feveret ol Paradise bisket bilong yu olsem Nambawan Bisket, Beef Cracker, Chicken Cracker, Scotch Finger na Coconut Crunch em ol pes jois nau bilong yu.

Olsem na tingim, neks taim yu go soping, Paradise Biskets i gutpela long famili bilong yu.





Kas bilong ol Morobe kaukau • Poto i soim beg kaukau i pulap na kapsait long Lae maket. Morobe em wanpela provins long nambis husat save saplaim kaukau long Mosbi. Mekim na planti manmeri save laikim kaukau bilong Morobe. Na tu prais bilong ol i go antap tumas.

OIDA bai salim 24 PNG manmeri long Saina.

GODGRIED YASSAFAR i raitim

LONG dispela yia, 24 Papua Niugini man bai go long Saina long kisim ol sotpela teknikel kos.

Opis bilong wanpela oganaisesen ol i kolim Opis Bilong Intanesenel Developmen Asisten (OIDA, we i gat opis long Papua Niugini na i kam aninit long Dipatmen Bilong Fainens na Plening, i paitim toktok wantaim gavman bilong Saina stretim rot na ol arapela samting long dispela 24 man i ken go long Saina na kisim kos.

Namba wan tupela man i lusim pinis Papua Niugini long las wik Fraide, Epril 7, na go long Saina. Tupela man ya em Jimmy

Wayongi bilong Morobe Provins na Alex Oa bilong sentral Provins.

Mista Wayongi wok olsem wanpela pawa ensinina wantaim Papua Niugini Pos na Telekomunikesen (PTC). Na Mista Oa i wok olsem wanpela meknikel ensinina wantaim Papua Niugini lektrisit Komisin (Elcom).

Tupela man ya bai kisim kos bilong liklik haidro-pawa stat long dispela wik Mande, Epril 10 i go inap long Me 25 dispela yia.

Prinsipal Progam Opisa bilong OIDA, Christopher Taylor i tok dispela ol kos dispela 24 man bai kisim long Saina i kamap aninit long wanpela trening

progrem bilong Saina ol i kolim Teknikel Koporesen namel long ol Developing Kantri (TCDC).

Mista Taylor i tok stat long namel long 1993 na 1994, 10-pela Papua Niugini man tasol i bin go long Saina aninit long dispela progrem long kisim kos. Tasol long dispela yia, 150 man insait long olgeta hap bilong kantri aplai go long OIDA long go long Saina na kisim kos. Dispela i min olsem, Mista Taylor i tok, planti pipel i luksave long gutpela kaikai o wok kamap bilong ol kos i kam aninit long dispela progrem.

Mista Taylor i tok sampela kos we Saina i putim kamap aninit long TCDC progrem bilong en em agrikalsa,

forestri, fiseris, animol hasbendri, maining, marasin, helt kea na lait industri.

Bihain long ol pipel i aplai long go na kisim kos long Saina na mipela tokorait long aplikesen bilong ol, mipela (OIDA) i save paitim toktok wantaim gavman bilong Saina, aninit long Embasi bilong Saina long Papua Niugini, na stretim ol toktok na arapela samting. Bihain long dispela mipela i save paitim toktok wantaim ol ovasis oganaisesen ol i s e m Ekonomik na Sosel Komisin bilong Esia Pasifik (ESCAP), Yunaited Nesen Developmen Progrem (UNDP) long givim fainensal helpim long salim ol man i go long Saina long kisim kos.

Sapanda pipel gat rot nau

ARI GUH DANDEE i raitim

OL pipel bilong Sapanda long Watut eria bilong Morobe provins nau bai i no inap pilim hevi long ol kain sevis i go long ples bilong ol. Bikos ol i gat pinis wanpela nupela rot i go insait long ples bilong ol, na joinim olsem wanpela biktaun Lae.

Mausman bilong ol, Petrus Sang Yang i tok em i amamas tru long dispela developmen o senis. Bikos ol pipel i ken yusim nau rot long go long Lae na salim gaden kaikai bilong ol. Na tu ol bisnis wok i ken go insait long ples.

Rot ya i kamap wantaim helpim mani i kam long Memba bilong Bulolo long Palamen, Samson Napo. Rot i kos K80,000 long wokim. Na Mista Napo givim dispela mani i go long Monzup Trucking kampani long wokim rot na pinisim kwik.

Dispela em i namba rot we i stat long Pararowa na i go long Sapanda. Namba tu rot bai stat long

Sapanda, na go olgeta long Nauti. Ol pipel i lukluk yet long Memba Napo long sapotim kamap bilong namba tu rot.

Nau yet ol pipel i amamas tru. Na salim bikpela tok amamas bilong ol i go long Memba Napo. Ol i tok dispela i soim olsem Mista Napo em i man bilong tingim sindaun na laip bilong ol pipel bilong em long ples.

Monzup em i wanpela konstraksen kampani em ol Papua Niugini yet i papa long en. Bos bilong Monzup, Namalu Gidion i tok em i amamas tru long ol wokman bilong em long pinisim wok long rot hariap. Na dispela i bihainim wok mak na plen bilong kampani.

Em i tok em i amamas long Mista Napo i lukluk na givim kontrak long ol PNG pipel. Bikos ol pipel yet bai wok hariap na pinisim wok hariap. Na dispela bai sevim taim na mani.

Lokol bisnisman ya nau i singaut long nesenel na provinsal gavman long lukluk gut, na givim kontrak wok long ol kampani bilong PNG stret.

Suzuki kam bek long sekim Koil ailan

GODFRIED YASSAFAR i raitim

BIKNEM envairomentalis insait long wol, Dokta David Suzuki kam pinis na stap insait nau long kantri-Papua Niugini.

Dokta Suzuki em i wanpela man husat i givim em yet long wok bilong karim aut ol awenes kempen na progrem long skulim ol pipel long olgeta hap long wol long lukautim envairomen bilong ol.

Long tude Fonde, Epril 13, Dokta Suzuki bai holim wanpela bikpela forum o bung wantaim ol non gavman oganaisesen (NGO). Dispela forum bai kamap long Yunivesiti Bilong Papua Niugini long Mosbi.

Insait long dispela forum, Dokta Suzuki bai toktok long ol hevi na bagarap we i ken kamap long envairomen bihainim ol bikpela wok developmen olsem loging operesen na maining insait long kantri.

Em bai toktok tu long wanem ol rot i gutpela long bihainim o yusim long abrusim ol bagarap na hevi we i ken

kamap long envairomen.

Long Fraide moning, Epril 14, Dokta Suzuki bai lusim Mosbi na go long Wewak, Is Sepik Provins.

Taim em i go kamap long Wewak, em bai go lukluk raun long wanpela liklik ailan long Is Sepik Provins ol i kolim Koil. Bikos i gat luksave na ripot i stap olsem solwara i wok long brukim nau dispela liklik ailan.

Ripot i kam long opis bilong Is Sepik Kaunsil Bilong ol Meri (ESCOW) i tok olsem Dokta Suzuki bai go na lukluk raun tu long Hawain loging eria, Nesenel Pak long Wom na ples o eria insait long Wewak taun we ol taun komisin i yusim long tromoi pipia.

Long Sarere, Epril 15, em bai holim wanpela bikpela bung wantaim ol bikmanmeri bilong provinsal gavman, Dipatmen Bilong Is Sepik na tu ol arapela manmeri na pipel bilong provins. Dispela bung bai kamap long Prins Charles oval long 1 klok long apinun.

Long Sande, Epril 16, em bai lusim Wewak na kam bek long Mosbi.

Tupela tisa meri lusim Mosbi Inta



• Het tisa bilong Mosbi Intanesenel skul, Chris Bowman i tok gutbai long tupela tisa meri, Del Lindgren na Maureen Wallace. Narapela tisa Mike Cheeves i lukluk i stap.

Tupela tisa meri i lusim skul nau, bihain long tupela i tis long longpela taim.

TIMBERSAWS

**NEW
TOKEN**

"IN THE BEAM SAWMILL SYSTEM"
PORTABLE SAWMILL
WILL BE DEMONSTRATED AT THE
TIMBER INDUSTRY TRAINING COLLEGE, BUIMO RD,
LAE FROM FRIDAY 5TH
TO TUESDAY 9TH MAY, 1995.

ALL WELCOME

PRICES START AT K16,000.00
OPTIONS INCLUDE:- AUTOMATIC FEED AND TRAILER

FOR FURTHER INFORMATION CONTACT
TIMBERSAWS (PNG) PTY. LTD
15 LAURABADA AVE: LAE. PAPUA NEW GUINEA

PHONE: 42 7015 FAX: 42 7673 P.O. BOX 318, LAE.

PNG LAIPSTAIL

PK tasol i save givim gutpela smel long maus o buai tu?

LONG tokples bilong ol pipel bilong Hawain, Boiken, Yangoru na Kubalia long Is Sepik Provins, buai ol i save kolim olsem HUASI. Ol pipel bilong Bukawa na Salamaua long Morobe Provins BU. Ol pipel bilong Kieta long Not Solomon Provins i save kolim MOIS. Ol pipel bilong Manus i save kolim PAMEI. Orait ol pipel bilong Kerema i save kolim FERE na ol pipel Imbongu eria long Sauten Hailans Provins i save kolim UNJOH MONGO na ol pipel bilong ples Kayan long hap bilong Bogia insait long Madang Provins i save kolim buai long tokples bilong ol BO. Insait long wanwan ples o eria long kantri bilong mipela, ol pipel bilong dispela ples, eria o komyuniti gat

tokples nem long buai. Maskim ol pipel bilong Hailans rijon i nogat buai (tasol ol i gat wel buai bilong bus ol i kolim Kafifi) ol i gat nem long buai long tokples bilong ol. Maskim buai gat kankain o planti nem long tokples bilong ol mipela ol pipel bilong Papua Niugini, buai gat wanpela wok tasol-dispela wok em bilong kaikai wantaim daka na kambang. Wankain olsem buai, wanwan ples o eria i gat nem bilong daka na kambang. Long kalsa na laipstail bilong mipela long kantri bilong mipela, ol pipel i save planim buai arere long haus, ples na tu taim ol i wokim nupela gaden. Pastaim long wok ekonomi kamap bikpela na ol pipel i luksave long mani na tu wok bilong

mani, ol pipel i no save planim buai long kisim na salim long kisim mani. Ol i save planim long kisim na kaikai o senisim buai wantaim ol arapela lain wanpela bilong ol long kisim ol samting we saplai i no bikpela o gutpela tumas long eria bilong ol-eksampel-ol kaikai olsem saksak na banana, ol samting olsem sel bilong kina o skin bilong kundu palai long wokim kundu, brus, sel bilong siki-rapim kokonas, bilum o basket na tu ol arapela samting. Long kastam bilong planti ples na eria long Mamose na Niugini Ailan rijon, wanpela yangpela man o meri mas karim bilum. Na insait long bilum em i mas i gat buai, kambang na daka. Dispela em long soim olsem



• Tude buai kamap olsem wanpela kes krop we planti manmeri save salim na kisim mani long helpim ol yet na famili bilong ol. Tasol ol lain bilong mipela long bipo i no save planim buai long kisim na salim long kisim mani.

em i kamap bikpela pinis. Sapos wanpela yangpela man o meri no karim buai, daka na kambang long bilum bilong em, ol bikman na bikmeri long ples bai daunim poin bilong em.

Long tude, buai kamap olsem wanpela gaden kaikai o kes krop bilong salim na kisim mani. Bikos long dispela as, planti pipel i wok long planim buai long salim. I no olsem bipo we ol pipel i save planim buai long kaikai.

Planti manmeri long tude i no save kaikai buai o i stop long kaikai buai. Bikos ol helt atortitokaut olsem buai ken kamapim sik olsem kensa bilong maus. Sampela pipel i stop bikos ol i kamap memba bilong ol sios we i tambuim pasin bilong kaikai buai na smok. Ol arapela stopim pasin bilong kaikai buai bikos ol i save spenim bikpela mani tumas long baim buai. I gat planti astingting na ol pipel i save stop long kaikai buai.

Ol tumbuna, papa, mama, kandre na ol arapela wanpela bilong mipela long olya i go pinis (eksampel-30 o 40 yla go pinis) i save kaikai buai long wanem kain talm tru?

Ansa bilong dispela askim i luk olsem wanpela tasol. Na ansa em ol i save kaikai buai long olgeta de. Na i no long wanpela spesel de, bung o seremoni tasol. Eksampel-ol i no save kaikai buai tasol long taim ol bikman bilong ples i sapim wanpela nupela garamut na bringim i kam aut long ples.

Long wanpela televisen komesel bilong wanpela loli ol i kolim PK, i gat ol hap toktok we i tok olsem buai no gutpela. Ol manmeri husat i kamap long dispela televisen komesel i tok buai no gutpela long helt. Ol i tok tu olsem sapos yu kaikai buai tumas, yu ken kisim kensa bilong maus. Long wankain komesel, wanpela meri husat i save pilai tok ol lain bilong mipela long bipo i save kaikai buai long ol spesel de, bung na seremoni tasol.

Bihainim dispela hap toktok bilong dispela meri, Wantok i teliponim planti manmeri (lain husat i save kaikai buai na tu ol lain husat i no save kaikai buai) na ol i tok olsem dispela hap toktok bilong dispela meri ya i no trupela. Ol i tokaut olsem ol papa na tumbuna bilong mipela long bipo i no save kaikai buai long ol spesel o bikpela bung na seremoni

tasol. Nogat. Ol i save kaikai long olgeta taim. Gutpela eksampel em buai ken stap insait long maus bilong wanpela man Sepik taim em i mekimsave long sikirapim saksak. Long wankain taim, buai ken stap insait long maus bilong wanpela man Tolai taim em i katim kopra.

"PK em i samting bilong waitman na tu i kam insait long kantri aste tasol. Buai stap long ples na kantri bilong mipela bipo yet i kam inap nau. Ol tumbuna na papa bilong mipela long bipo i no kisim buai long wanpela arapela kantri na kisim i kam insait long kantri na ples bilong mipela. Na kain toktok we dispela netbal pilaia i wokim i no gutpela tumas," wanpela meri we Wantok i ringim em long kisim tingting bilong em i tok.


Long kalsa bilong planti pipel insait long Mamose na Niugini Ailan rijon, buai em i wanpela samting we ol i yusim long kamapim wanbel pasin o pasin belisi taim ol i laik stretim kros o pait namel long tupela grup. Dispela i min olsem ol i kam bung wantaim na sindaun kaikai buai na paitim toktok na warkurari long stretim hevi. Arapela bikpela samting long kalsa bilong ol

pipel bilong Mamose na Niugini Ailan rijon em ol i yusim buai olsem wanpela samting bilong welkamim ol manmeri long haus bilong ol. Eksampel-taim wanpela man i kam kamap long haus bilong wanpela man o famili, namba wan samting bihain long toktok bilong welkam na sekan, papa bilong dispela famili save kaikai buai wantaim man i kam long haus. Na i no dispela samting bilong waitman ol i kolim PK.

Planti manmeri long ples i tok olsem buai em i wanpela samting bilong kisim gutpela tingting. Bikos buai long ol i olsem wanpela marasin bilong kliaim tingting long wokim disisen, toktok na mekim wok.

I tru olsem sapos buai ken kamapim sik kensa bilong maus. Tasol sik kensa bilong maus i save kamap long wanpela man o meri sapos em i no lukautim gut pasin bilong em long kaikai buai. Na tu kambang gutpela kambang em i ken kisim kensa bilong maus. Planti manmeri husat i save kaikai buai tok kambang ol i kukim long sel bilong kina i gutpela.

Mipela i mas luksave olsem PK em i samting bilong ol waitman.



• Kain ol lapun billong ples olsem i save buai em i bun bilong em. Bikos em i bikpela wantaim buai.

COLOR

Yunien bilong ol Anglikan mama helpim ol yet

NEVILLE CHOI i raitim

"BIKPELA astingting bilong mipela em long promotim Kristen rilisen insait long marit na famili laip."

Dispela hap toktok i kam long wanpela grup o oganaisesen bilong wanpela lain grup bilong ol meri insait long Mosbi siti.

Dispela grup bilong ol meri bilong Anglikan sios. Na nem bilong grup ya em Sen John Anglikan Peris Mamas Yunien (Anglican Parish Mother's Union).

Dispela grup bilong ol singel mama bilong Anglikan sios i kam aninit long bikpela mama grup bilong ol we hetkwata bilong en i stap long London. Na ol i kolim olsem Meri Samas Haus (Mary Summers House). Hetkwata i kisim dispela nem bihainim meri husat i kamapim dispela yunien-Mary Summer.

Dispela yunien bilong

"Dispela Sen John Anglikan Peris Mamas Yunien insait long Pot Mosbi em i wanpela liklik hap bilong wanpela bikpela oganaisesen insait long wol husat i save helpim ol mama."

ol mama bilong Anglikan sios i gat opis o brens long olgeta hap insait long wol. Ol bikpela opis bilong yunien i stap long Nu Silan, Saut Afrika, klostu long olgeta hap bilong Saut Pasifik na Papua Niugini.

Sen John Anglikan Peris Mamas Yunien i stap nau long namba 27 yia bilong en. Na long nau yet, yunien i gat 11 memba na tripela mama husat i no kamap trupela memba yet tasol i wok long stap long probesen.

Dispela tripela singel mama husat i stap long probesen i gat wanpela yia long soim na tokaut olsem ol i laik joinim yunien. Na tu ol i mas tokaut olsem ol i givim ol yet long yunien. Bikpela samting i olsem ol i mas save long Mama Yunien beten na i mas redi long karim aut wok long lukim olsem 5-pela astingting bilong yunien i karim kaikai. Bihain long wanpela yia, wanpela mama husat i stap long probesen i ken kamap trupela na ful memba bilong yunien.

Taim wanpela mama i kamap trupela na ful memba bilong yunien, em i ken lainim na kisim skul long wokim ol samting we i kam aninit long trening program bilong ol memba.

Presiden bilong yunien, Gladys Puls na wanpela arapela memba i save yusim mani bilong yunien long baim ol samting we i save helpim ol mama ya long lainim ol samting.

Seketeri bilong yunien, Vicky Gaigo i makim maus bilong presiden na tok olsem yunien i wok long karim aut gutpela wok long helpim ol mama long lainim ol nupela samting.

Vicky i tok Sen John Anglikan Peris Mamas Yunien i wok long mekim gutpela na impoten wok long ol mama. Olsem na planti moa mama i mas harim o kisim toksave bilong dispela yunien.

"Dispela yunien bilong ol mama i gutpela na moa impoten. Moa mama i mas joinim na kamap memba bilong yunien, Vicky Gaigo i tok.

Long nau yet, Sen

John Anglikan Peris Mamas Yunien i save sapatim em yet. Dispela i min olsem ol mama o memba bilong yunien i save karim aut ol liklik wok long kisim sampela mani long karim aut wok bilong yunien.

Sampela taim yunien i save kisim liklik fainensal helpim i kam long dioses bilong Anglikan sios insait long Pot Mosbi. Wanpela bikpela rot ol mama i save kisim mani bilong ol em ol i save kukim kaikai na salim. Long las yia ol mama ya i kisim K1500 taim ol i kukim kaikai na salim long wanpela bung o seremoni ol i kolim feit.

BIKPELA ASTINGTING BILONG MIPELA EM LONG PROMOTIM KRISTEN RILISEN INSAIT LONG MARIT NA FAMILI LAIP.

Long ol singel mama insait long Mosbi siti husat i memba bilong Anglikan sios, Sen John Anglikan Peris Mamas Yunien i wanpela ples we ol i ken lainim ol samting long helpim ol yet long lukautim famili bilong ol.

Dispela Sen John Anglikan Peris Mamas Yunien grup insait long Pot Mosbi em i wanpela liklik hap bilong wanpela bikpela oganaisesen insait long wol husat i save helpim ol mama insait long wol long developim kainkain save long helpim ol yet na famili bilong ol.



• Tripela mama o memba bilong yunien i wok soim sampela samting we ol i lainim na wokim.

"Long ol singel mama insait long Mosbi siti husat i memba bilong Anglikan sios, Sen John Anglikan Peris Mamas Yunien i wanpela ples we ol i ken lainim ol samting long helpim ol yet long lukautim famili bilong ol."

BIKPELA ASTINGTING BILONG MIPELA EM LONG PROMOTIM KRISTEN RILISEN INSAIT LONG MARIT NA FAMILI LAIP.

Vicky i tokaut olsem ol i wok long plenim long holim autris program wantaim ol arapela Mamas Yunien brens long ol arapela kantri. Astingting em long bung na senisim ol save na aidia bilong helpim ol yet.

"Autris program i save helpim mipela tu long lainim ol samting, laipstail na tu serim ekspiriens bilong mipela olgeta long helpim mipela yet. Na tu long dispela taim, mipela i save lainim kalsa, kastam na tredisen bilong wanpela na arapela," Vicky i tok.

SKRUIIM TOK

Lep i go long rait

- 2. Luteran, Katolik na Engliken em tripela.
- 5. Ol man i save mekim olsem long taim ol i amamas.
- 7. Dispela i ken kamap long taim skin i bruk.
- 9. Ples i baut.
- 11. Ol pepa i tok save long wok bilong wanpela man.
- 13. Kaikai maus.
- 15. De bihain long tude.
- 17. John Guise, Barry Hollaway na Pita Lus i gat dispela namba.
- 19. Yumi (long tok Inglis).
- 21. Meri i pasim rot bilong karim pikinini.
- 25. Ples we ol balus i save pundaun.
- 26. Bilong opim dua.
- 27. I no inap long harim toktok.
- 28. Tanim redio long


- harim ol brotkas.
- 29. Arnold....em wanpela saveman bilong Es Irian husat i dai pinis.
- 30. Raitim long buk o niuspepa.
- 32. Tony Siaguru em i memba bilong Mosbi Not...long Palamen.
- 34. Moningtaim.
- 35. Nokaut long bok-sen.
- 38. Wanpela kain diwai.
- 39. Olpela memba bilong Westen Hailans rijonal long Palamen.
- 41. No ken go.
- 42.Wingti.

Antap i go daun

- 1. Ples bilong givim sut.
- 2. Samting inap tru long yu.
- 3. Iorait.
- 4. I no longpela.

- 5. Samting i save givim lait.
- 6. Pasifik Ailan Rejimen.
- 8. Ingran.
- 10. Sir Julius Chan i memba bilong dispela ilektoret.
- 12. Long taim man i brukim tru lewa bai yu tok olsem, "Mi.....bilong yu."
- 14. Jisas em i nambawan wasman bilong ol.....
- 16. Supka.
- 18. Wanpela distrik long Milen Be Provins.

- 20. Ol man i katim diwai na karim i go arere long ples.
- 22. Mekim samting i sap.
- 23. Naispela singsing na nois em ol mambu na kundu na gita samting i save kamapim.
- 24. Bulsit.
- 31. Wanpela tul bilong ol kamda.
- 33. Wanpela kain diwai.
- 36. Ples i kol bai dispela samting i kamap.
- 37. Baklain.
- 40. I no pas.



ANSA BILONG SKRUIIM TOK LONG PES 19

Olgeta de pes bilong Winjama Bis Motel



• Brata ya i wok long holim dispela pisin kaving na painim man long salim.

OLGETA de, bihain long 11 klok na 12 klok, ol wokmanmeri bilong Winjama Bis Motel long Wewak taun, Is Sepik Provins, i save lukim sampela manmeri save karim ol kaving bilong

putim long dispela hap we i gat gras long en. Na sindaun stori na wetim ol manmeri olsem ol ovasis turis na tu sampela lokol turis husat i go stap long Winjama long baim

MARLENE ALMAN i raitim

wetim mani long kam kamap long yu, sori tumas, yu bai no inap lukim pes bilong wanpela K50 i wokabaut i kam kamap long yu. Nogat tru. Yu mas wokhat long kisim na putim i go insait long poket bilong yu.

Sapos i gat ol manmeri go na stap long Winjama Bis Motel, ol lain ya bai laki long kisim liklik mani. Sapos ol manmeri no go na stap long motel, em bai nogat. Ol i save go na sindaun 3-pela o 4-pela aua olgeta na wetim ol manmeri long baim kaving bilong ol. Sapos nogat, ol i save lusim dispela hap we i gat gras long en na go bek long haus bilong ol.

Wok bilong sapim kaving, wokim basket na bis long salim na kisim mani em i wan-

ol kaving bilong em. Sapos em i laki em i save salim wanpela kaving bilong em insait long tupela wik.

Em i tok maket bilong kaving insait long provins i no gutpela tumas. Bikos i nogat planti manmeri gat laik long baim kaving.

"Watpo na ol lida bilong mipela long provins i no mekim wanpela wok o samting long helpim mipela long salim ol kaving bilong mipela? Mipela i nogat save long bringim ol manmeri kam insait long provins long baim ol kaving na arapela samting bilong mipela. Ol lida i gat save na bilong wanem as tru na ol i no laik helpim mipela?, dispela lapun man i askim.

Wanpela lapun meri tokim Wantok olsem em i wari tru bikos save em i gat long wokim ol samting bai go wantaim em taim em i dai.

Em i tok em i bin kisim dispela save long mama bilong em. Tasol ol pikinini bilong em i no luksave olsem ol i ken lainim na kisim dispela save long em taim em i stap laip yet. Bikos dispela save i gat ekonomik velyu long kamapim mani.

"Dispela i mekim mi wari na tingting planti. Ol lida bilong mipela i wok long toktok long kamapim ol bikpela projek olsem maining, fising na loging. Mipela i ken kirapim na ranim ol liklik projek we mipela i no nidim bikpela mani o masin long karim aut wok. Mipela i ken kamapim bikpela mani sapos mipela i givim moa taim na inap mani long ranim ol liklik projek," dispela lapun meri tokim Wantok.

pela bikpela wok na rot we planti pipel bilong hap bilong Sepik wara insait long Is Sepik Provins i wok long karim aut long kisim mani. Tasol ol i luksave olsem maket bilong kaikai bilong wokhat bilong ol i no gutpela.

Mi toktok wantaim sampela bilong ol dispela lain pipel. Taim mi toktok wantaim ol, mi askim ol long ol i ting wanem tru long maket we ol i ken salim ol kaving na arapela samting bilong ol.

Wanpela lapun man i tokaut olsem long olgeta de, em i save kamap long Winjama wantaim

Wanpela gutpela rot long mekim dispela lain manmeri long salim kaving bilong ol em long promotim turisim indastri insait long provins. Bikos Is Sepik Provins i gat bikpela luksave long turisim. Na tu i gat bikpela luksave na biknem long ol ovasis kantri long sait bilong i gat kainkain kalsa na pasin tumbuna.

Sapos ol provinsal atoriti olsem provinsal gavman, turis bod na tu ol arapela lain i ken wokbung wantaim na kirapim na promotim turisim indastri, ating planti pipel bilong Sepik wara eria bai salim planti kaving bilong ol. Long wankain taim, planti ovasis manmeri bai amamas long go long Is Sepik Provins. Na dispela bai givim moa mani go long ol pipel, provinsal gavman na ol bisnis oganaisesen insait long provins.

Mipela i no ken sindaun na wetim ol turis long kam insait long provins. Nogat. Ol atoriti long provinsal levul i mas paitim toktok na wokbung wantaim. Na long promotim turisim indastri long provins, ol i mas spenim mani. Long wanem, sapos ol i no spenim mani, nogat turis bai go long provins. Ol i mas spenim mani na opim rot bilong ol turis long go kamap long provins. Long wankain taim, ol pipel bilong mipela long Sepik wara eria bai salim kaving na kisim liklik mani.

Tingim! Ol i save givim bikpela taim bilong ol long sindaun na sapim kaving na wokim ol basket, bilum, bis na ol arapela samting. Ol i luksave olsem ol dispela samting bai givim ol liklik mani. Tasol driman bilong ol i go nating. Bikos ol i no salim kaikai bilong hatwok bilong ol.



□ PORO bilong Kanage em maritman. Em i save wok long Air Niugini balus olsem "air steward". Air Niugini balus i go pundaun long Rabaul na em bungim wanpela meri na kisim blok long hap. Meri bilong em stap wet long Mosbi i go nogat na kisim balus i go long Rabaul. Kanage harim na tok save long poro bilong em husat i kam wetim namba wan meri wantaim ol pikinini long ples balus. Namba wan meri i lusim Mosbi tasol i no karim wanpela kago. Em go tasol long Gateway supamakot stua na baim wanpela tinpis. Balus i go pundaun stret na poro bilong Kanage ron i kam long karim liklik boi bilong em wantaim namba wan meri. Tasol em kalap nogut taim tinpis i pas long het bilong em.

Barike Traders,
Rabaul, E.N.B.P.

□ WANWOK bilong Kanage go stap long ples bilong meri bilong em long Hoskins. Em i go silp long haus sik rum namba 1066 i stap na tambu bilong em i kam long lukim em. Tambu lukim em na askim, "Tambu, bipo yu pat nogut tru tasol nau yu slek olgeta. Yu kalkal wanem na yu slek." Wanwok bilong Kanage kirap na bekim, "Tambu, man yu no save olsem Hoskins em ples bilong kotkot. Mi kalkal drai singapo wantaim kotkot na olgeta samting i go slek olgeta."

Theo Pukam,
Kimbe, W.N.B.P.

□ TUPELA turis bilong Japan i go long Wewak na kisim wanpela ka wantaim wanpela boi Siau kompaun olsem wasman bilong tupela. Ol i stat raun long Yarapos, i kam go olgeta long Brandi, kam bek long Kreer Heights, katim i go long olpela Sepik Timba na kisim baksait rot i go olsem long Mongniol komyuniti skul bilong go long taun. Long skul nau na wasman askim tupela turis, "Hei Japanese, what's your impression of Wewak town?" Nau wanpela turis i bekim, "Oh, very nice country, Wewak...ummmm!! Excuse me Nugini, what's the smell coming from river bush?" Wasman i bekim, "Oh Japanese, this is Mangro Park. Over there is Mangro kompaun and down there is Ailan kompaun." Tasol turis bilong Japan i bekim, "Aieeee...in my country, no bush in towns. Everywhere is buildings and houses." Em nau wasman ya i belhat olgeta na kirap bikmaus, "Hei Japan yu tinpis! Yu don't tok bilas, this is my paradise land. The ples is bagarap, the bisnis is bagarap, the people is bagarap and that is why it is called Gawi Bagarap Kantri." Tupela turis harim na no gat toktok.

Kreer Boys of Wewak,
Is Sepik Province.

□ Wanpela taim Kanage wantaim poro bilong em i spak nogut tru. Ol i laik go bek long haus na Kanage i draivim ka.

Man ol i no plial plial long spit. Ka i ran olsem smok balus stret. Poro bilong Kanage i pret na i laik tokim Kanage long Is. Tasol em spak na tang bilong em i abrus. Em singaut olsem, "Kanage! Kanage! Holim strong!"

Kanage i harim olsem na ting poro bilong em i amamas long em i spit.

Ol givim sistl i go na i laik go daun long maunten.

Kanage i laik tromol lek antap long brek tasol em i abrus na tromol antap long eksereta. Man ol i kamautim olgeta lain saksak long arere bilong rot.

Cyrril A Kondong
WEWAK



• Mama ya i wok long salim sampela bilum na bis long kisim liklik mani long helpim em yet na famill bilong em.

ol i kam na putim long wanpela hap gras arere long motel. Dispela hap eria we i gat gras i stap samting olsem 6-pela o 7-pela mita longwe long wasan long nambis bilong Winjama.

I gat luksave i stap olsem i no nau tasol dispela grup manmeri save bringim ol kaving bilong ol i go long salim arere long Winjama Bis Motel. Nogat ya. Ol i statim dispela wok long sampela yia i go pinis. Na i kam inap long nau yet, ol i wok long mekim yet.

Ol i save karim ol kaving bilong ol i go na



• Papa ya i karim dispela pukpuk kaving na painim man long salim.

Hatwok bilong meri Bogenvil long painim pikinini bilong em

EMILY MATASORORO I raitim

BIKPELA hevi long Bogenvil i kamapim planti arapela hevi long laip, sindaun na wokabout bilong ol manmeri. Planti manmeri na pikinini dai long han na sotgan bilong ol sekyuriti fos na paitman bilong Bogenvil Revoluseneri Ami (BRA). Planti manmeri lusim haus, gaden, wanpisin na ples bilong ol.

Wanwan lapun man, meri na pikinini gat stori bilong ol yet long dispela hevi long Bogenvil. Stori toktok long laip, wokabout na sindaun bilong ol stat long 1989 taim hevi kamap bikpela i kam inap long nau.

Wankain tasol ol mama i gat stori bilong ol. Stori bilong ol i toktok long ol i lusim man, pikinini, susa, kandre o wanpela arapela wanpisin bilong em. Wanpela mama husat i gat bikpela na stori we bai kamapim wari long planti arapela mama em Mrs Seeto. Dispela stori toktok long Mrs Seeto i lusim pikinini man bilong em na hatwok bilong em long painim pikinini man bilong em.

Mrs Seeto i bilong ples Kobuan namel long Kieta na Arawa. Stat long Disemba 5 las yia, em i bin traim hat tru long painim pikinini man bilong em Shane Seeto. Laspela taim ol manmeri lukim Shane em long wankain de (Disemba 5) taim ol sekyuriti fos i kisim em long ken bilong ol Papua Niugini Difens Fos long Tokunari Osi. Shane em i namba wan pikinini man bilong Joseph Hoi Qui Seeto. Na famili bilong em i save stap long Bogenvil pastaim long hevi kamap. Seeto famili gat ol haus na ol komesel propeti long Not Solomon Provins we ol i rentim ol manmeri na bisnis oganaisesen.

Invesmen bilong ol i givim ol gutpela laip. Tasol taim hevi kamap, ol i lusim olgeta samting na invesmen bilong ol. Na ol i lusim Arawa na go stap long Rabaul. Taim famili bilong Seeto i lusim Arawa na go long Rabaul, Shane i no bin go. Em i stap-bek long ples long lukautim lapun bubu (tumbuna) meri bilong em.

Bihain long sampela yia ol i stap wantaim ol pren na wantok long Rabaul, Seeto famili i go bek long Arawa long las yia na traim kirapim gen nupela

laip. Mrs Seeto i lusim Rabaul na go pas long Bogenvil long stretim haus na tu ol arapela samting.

Seeto famili wok long tingting olsem ol bai go bek na bung wantaim. Na lukim wanpela na arapela gen na stap amamas wantaim. Tasol ol i no luksave olsem i gat hevi bai kamap long givim ol wari na belpen gen. Ol i no save olsem taim ol i go kamap long Bogenvil, ol bai kisim toksave olsem Shane i lus pinis.

Shane i amamas tru long lukim na bungim mama bilong em taim emi go kamap long Arawa. Tasol em i no save stap tumas wantaim mama bilong em. Em i save stap wantaim na was bilong lapun tumbuna meri bilong m long ples Karakung.

Stori bilong Shane i lus i go olsem long Disemba 5 las yia, Shane i lusim lusim tumbuna meri bilong em i stap long ples Karakung na em i kalap long motobai bilong em na i go daun long Arawa long kisim marasin na sut long sua i stap long lep lek bilong em. Em i go

kamap long Arawa taun na kisim fiul bilong motobai na tekov i go long Arawa klinik.

Pastaim long ol em i kisim sut na marasin, wanpela wantok bilong em (Patrick Diuai) i tokim em olsem ol Difens Fos soldia i wok long painim em. Em i no save long watpo na ol soldia i wok long painim em. Tasol wanpela tingting i kamap long em i tokim em olsem em i mas lusim Arawa klinik na go bek long ples.

Em nau em i kalap long motobai na lusim klinik na tekov i go bek long ples. Tasol pastaim long em i go longwe, ol soldia husat i wok long wetim em long sait bilong rot i stopim em. Ol i tromoi han na givim wokim sain na siknel long em i mas stop. Em i ron i kam kamap long sait bilong ol soldia na ol i tokim em long stopim ensin bilong motobai bilong em.

Ol manmeri lukim olsem ol soldia i stopim em na ol i kam bung. Long wanem ples ol soldia i stopim em i no longwe long klinik. Ol soldia i tokim Shane long pusim motobai bilong em i go long Tokunari Osi kem we i stap sampela handet

mita long ples ol i stopim em.

Bihain long dispela, mama bilong Shane i kisim toksave. Em nau tupela sief (bikman) bilong ples Kimbirai nem bilong tupela Kamoka na Dino i bihainim mama bilong Shane i go long Difens hetkwata long Loloho.

Taim ol i go kamap long Loloho, ol Difens opisa i salim em i go long Tokunari Osi kem. Long hap Kepten Paul Kaliop bilong PNGDF i askim em sampela kwesten long sekap na save sapos famili bilong em i klostu long wanpela biknem BRA paitman bilong Toboroi. Nem bilong dispela biknem BRA paitman ya em Dominic.

Kepten Paul i tokim Mrs Seeto olsem ol i lusim pikinini man bilong em na salim em i go long haus long Seksen 10. Harim i harim olsem na amamas na go long ples long lukim Shane. Em i go kamap na painim olsem Shane i no stap. Ol lain husat i stap long ples i tokim em olsem ol i no lukim Shane i kam kamap long haus.

Dispela i stat bilong taim we Mrs Seeto i painim pikinini man

bilong em Shane we ol sekyuriti fos i bilip olsem i wanpela BRA paitman.

Mrs Seeto i sekim olgeta hap na eria long pikinini man bilong em. Em i no malolo, sindaun gut, kaikai na slip gut. Wari pulapim bel na tingting bilong em na em i wok long go het long painim Shane. Em i stat long Tokunari Osi kem we ol sekyuriti fos i kisim Shane i go long askim em. Long hia Kepten Kaliop i tokim em olsem Shane i ranawe i go long Kongara maunten. Olsem na em (Mrs Seeto) i mas go na sekap wantaim ol wantok sapos ol i haitim em.

Mrs Seeto i tok olsem Kepten Kaliop i tokim em olsem Shane i bin stap insait wantaim sampela BRA paitman long sutim tupela soldia long Kobuan long Disemba 1.

Tasol Mrs Seeto i tokim Kepten Kaliop olsem Shane i bin stap long ples Kivoarai dispela taim na wok long kukim sol wantaim ol bikman bilong ples. Ol bikman bilong ples tu i tokaut olsem Shane i bin stap wantaim ol dispela taim.

Mrs Seeto i tingting i go nogat na em i go

bek long sekim gen Tokunari Osi ken. Taim em i go kamap, wanpela man nem bilong em Mathew Ona i tokim Mrs Seeto olsem i bin lukim motobai bilong Shane long kem. Taim Mrs Seeto i go long sekim motobai, motobai i no stap.

Kepten Kaliop i singautim Mrs Seeto i go long opis bilong em na tokim em long birua we ol i bilip Shane i stap insait tu long en. Na Kepten Kaliop i askim em sapos Shane i save long wanpela gripela bas we ol Difens Fos soldia i bin draivim na tripela yangpela man i stap insait long en.

Bihain long sampela taim, tupela soldia i holim sotgan na kisim Mrs Seeto i kam ausait na tokim em long lusim kem na go.

Em i go stap na long Trinde, Disemba 7, em i go bek long kem na askim Kepten Kaliop sapos Shane i stap laip yet. Em i go bek bihain long em i kisim toksave olsem Shane i no dai. Long Sarere, Disemba 10, toksave i go kamap olsem ol i painim bodi bilong Shane long Arawa nambis long fran bilong Elkom opis.

Mrs Seeto i askim PNGDF opis long Loloho long inap em i kisim bodi bilong Shane. Na ol PNGDF opisa i tokim em olsem bodi bilong Shane bai go kamap long opis bilong opis bilong BRA long Arawa. Tasol long nait emi kisim toksave olsem bodi bilong Shane i go long ples.

Long dispela nait, bodi bilong tripela yangpela man i kamap. Tasol bodi bilong Shane i no stap namel long dispela tripela bodi.


Em i toktok strong na askim ol plisman long Loloho long kisim bodi bilong Shane. Tasol ol i no helpim em. Olsem na em i go bek long Kepten Kaliop. Tasol Kepten Kaliop i tokim em olsem em i no lukim bodi bilong Shane na tu em i no save long wanpela samting. Em i save long arapela tripela bodi tasol.

Long Mande, Disemba 12, em i stap long ples na kisim toksave olsem bodi bilong tripela man, we i go bagarap olgeta i go kamap. Tripela bodi ya i stap insait long bokis.

Long Tunde, Disemba 13, olpela BRA man tasol nau em i kamap primia bilong Bogenvil Trensesenel Gavman, Theodore Miriung i tokim em olsem soldia bai giamanim em na tok olsem Shane i no dai. Tasol em i wok long hait na stap.

Mekim i go nogat na em i kamap wantaim wanpela tingting-em long dikim ples we ol i bin panim dispela tripela bodi. Na sekim sapos Shane i wanpela bilong ol. Wantaim helpim bilong tupela wantok, ol i dikim dispela ples we ol i bin planim na bihainim rausim dispela tripela bodi. Ol i dikim na painim ol hap skin na T-siot we i gat blut i pas long ol. Ol i dikim i go daun moa moa yet tasol ol i no painim wanpela samting. Mekim i go nogat na ol i lusim na go long ples.

I kam inap nau, Mrs Seeto wantaim famili bilong em i askim ol plisman long helpim ol tasol ol i no kisim wanpela helpim i kam long ol plisman. Olsem na Mrs Seeto i ting olsem long putim stori bilong em aut long midia bai helpim em wantaim famili bilong em long painim bodi bilong Shane. Na ol i ken stretim bodi bilong em gut na planim long gutpela na stretpela rot.



46 yia i go pinis long yangpela bilong em, tasol nau lapun pinis...

Dispela foto i soim lapun bisop bilong Wewak, Bisop Leo Arkfeld i sindaun na mekim wanpela hap tok na ol famili memba bilong em i lap na smail. Dispela em long 1949 long Panama, Iowa long Amerika, taim em i kisim namba olsem bisop. Ol famili memba bilong em: (Lephan i go long raithan) Susa Sylvia, Susa Florence, Mama Mary, Papa George, Susa Sally na Susa Rita.

Drag em i wanem samting tru ya?



Dispela hap tok "DRAG" em i wanpela hap tok we, long nau yet, mipela i save harim planti taim-bikpela tru em mipela i save ritim long ol niuspepa. Planti ripot i save kamap long ol niuspepa aninit long ol hettok olsem: Man i go long kalabus long sas bilong drag o Ol plisman i arestim man i gat drag.

Tasol trupela mining bilong drag em i wanem samting?

Dispela hap tok *drag* i min olsem ol marasin o kemikel we mipela i kisim long banisim mipela yet long kisim sik o pinisim sik we mipela i kisim.

Ol marasin olsem aspirin, klorokwin na kwinin em ol drag. Sapos yu kisim dairia, wanpela nes o dokta i ken givim yu wanpela marasin long pinisim dispela sik. I gat planti bilong ol dispela kain marasin. Na olgeta i kam aninit long biknem drag. Long planti kantri long Yurop na Amerika, ol i save kolim ol kemis stua olsem *Drag Stua-stua* we ol i save salim kainkain marasin.

Long tude o nau yet, dispela hap tok drag i min o toktok long sampela marasin o kemikel we ol manmeri yusim krangi long rot o wok we ol i no sapos long yusim.

Ol drag o marasin we mipela i yusim aninit long supavisen o skul toktok bilong wanpela nes o dokta i gutpela long mipela. Sapos mipela i kisim malaria na kisim klorokwin na aspirin long stretpela rot, dispela i gutpela long mipela. Bikos dispela tupela marasin bai stopim o pinisim sik.

I gat planti marasin na kemikel we i ken pinisim sik na long wankain taim, i ken givim o kamapim gutpela filing long bodi bilong mipela. Na i ken rausim wari, pain na hevi bilong laip. Sampela taim ol dokta i save yusim ol dispela marasin long stretpela rot long karim aut wok bilong ol.

Eksampel-Sapos wanpela man i kisim operesen long bodi bilong em, em bai pilim pen taim em i kirap bihain long operesen. Long stopim pen, dokta i ken yusim wanpela marasin ol i kolim *mofin (morphine)* long givim sut long stopim pen.

Mofin bai rausim o stopim pen long sampela aua. Na bai mekim dispela man i pilim gutpela long bodi bilong em. Long sampela aua, em bai no inap wari o tingting long operesen i kamap long bodi bilong em. Mofin bai helpim tu ples we dokta i operetim long en long kamap orait gen.

Tasol mofin bai no inap stap long bodi oltaim oltaim. Bihain long sampela aua, marasin ya bai lus o pinis na pen bai kamap gen.

Sapos wanpela man i yusim mofin ausait long operesen o aninit long skul toktok bilong wanpela dokta bikos long medikel hevi olsem tasol em i yusim long kisim gutpela na naispela filing long bodi bilong em, long rausim o lusim tingting long ol wari em i gat, dispela i min olsem man ya i no yusim dispela drag (marasin) long stretpela rot o samting. Em i yusim dispela drag krangi.

Kokein (cocaine) tu i wanpela marasin we ol dokta i save yusim long stretim, stopim o banisim ol medikel hevi. Long planti yia i go pinis, sapos wanpela man i gat sik long ai bilong em we i nidim operesen, ol dokta i painim hat. Bikos ai em i wanpela pat bilong bodi we i narakain long ol arapela pat.

Bihainim dispela hevi, ol dokta i luksave olsem sapos ol i putim kokein (tanim wantaim wara) i go insait long ai ken kilim o stopim pen. Na ol i ken operetim ai na man bai no inap pilim pen. Bihain long operesen, kokein i pinis na ai kamap gutpela gen.

Tasol kokein i ken kamapim gutpela filing long bodi. Sapos wanpela man i yusim kokein long kisim gutpela filing long bodi bilong em, em i

"Long tude o nau yet, dispela hap tok drag i min o toktok long sampela marasin o kemikel we ol manmeri save yusim long rot o wok we ol i no sapos long yusim.

Ol drag o marasin mipela i yusim aninit long supavisen o skul toktok bilong wanpela nes o dokta i gutpela long mipela. Sapos mipela i kisim malaria na kisim klorokwin na aspirin long stretpela rot, dispela i gutpela long mipela. Bikos dispela tupela marasin bai stopim o pinisim sik.'

I gat planti marasin na kemikel we i ken pinisim sik na long wankain taim, i ken givim o kamapim gutpela filing long bodi bilong mipela. Na i ken rausim wari, pen na hevi long laip. Sampela taim ol dokta i save yusim ol dispela marasin long stretpela rot long karim aut wok bilong ol."



yusim kokein krangi o long krangi pasin.

Long nau yet, mipela i save harim planti o ritim planti ripot long *mariwana*. Mariwana em i wanpela liklik plan (diwai)-wankain olsem ol plawa diwai-we i gat saintifik nem ol i kolim *KanabisSativa*. Planti yia i go pinis, ol dokta i save yusim dispela plan olsem wanpela marasin long stopim ol sik. Mariwana i wanpela drag tu we i save mekim wanpela man i pilim narakain, les, amamas o lusim tingting long ol wari bilong em. Bikos long dispela astingting, na tu bikos ol save-man bilong marasin i painim ol nupela marasin, ol dokta i stopim wok bilong yusim mariwana.

Olsem na taim ol niuspepa i tok olsem ol plisman i holimpasim wanpela man bikos em i holim o i gat drag nogut, dispela i no min olsem dispela man i gat o holim ol marasin olsem aspirin o klorokwin. Tasol bikos em i holim ol drag nogut olsem mariwana, mofin, kokein na planti arapela drag nogut. Drag we planti pipel long nau yet i wok long yusim insait long Papua Niugini em mariwana. Na mariwana em i drag we planti pipel insait long wol long tude i wok long yusim o kisim.

I gat wanpela arapela hap tok we i toktok o karamapim pasin bilong yusim krangi ol drag. Dispela hap tok ol i kolim *nakotiks (narcotics)*.

Nakotiks i min olsem wanpela drag o marasin we i ken mekim wanpela man i pilim olsem em i laik slip o i ken rausim pen long bodi bilong em.

Taim wanpela dokta o arapela saveman bilong marasin i toktok long nakotiks, em i toktok long wanpela drag olsem mofin. Mofin em i wanpela trupela nakotik. Bikos mofin i save mekim wanpela man i pilim slip na tu i save rausim pen. Ol dokta i save long planti kain nakotik marasin long ol yia i go pinis.

Tasol nau long dispela taim, nakotiks i toktok long ol drag we ol pipel i yusim krangi we lo i no oraitim. I gat wanpela drag ol i kolim *amfetamin* we i no wanpela nakotik. Dispela drag i ken kam aninit long nakotik bikos ol pipel i save yusim amfetamin krangi.

Orait taim mipela i harim dispela nem Nesanel nakotiks Biro, dispela nem i toktok long gavman opis o oganaisesen we gavman i putim kamap long *lukluk i go insait long pasin bilong yusim ol drag krangi*.

Drag i bikpela na impoten samting long laip bilong mipela. Ol tumbuna papa bilong mipela long bipo i luksave olsemi gat sampela diwai, gras na tu ol arapela samting bilong bus we i ken stopim na pinisim ol sik. Dispela ol samting i save kamapim kainkain samting long bodi bilong ol manmeri. Ol i yusim ol dispela samting long planti yia tru long helpim ol yet long stopim na pinisim sik.

I kam inap long tude, ol saveman olsem ol saintis na tu ol arapela lain i karim aut wok sekap long yusim ol dispela samting long kamapim kainkain marasin na kemikel we i ken helpim ol manmeri.

Bodi bilong mipela i gat kainkain samting i stap insait long en. Na bodi bilong mipela i kam long Papa God. Mipela i nidim drag long laip bilong mipela long helpim mipela long banisim ol sik long kisim mipela. Tasol bikpela samting na astingting i olsem mipela i mas yusim ol dispela drag long gutpela na stretpela rot na we. Na i no long yusim ol dispela drag krangi.

"Taim wanpela dokta o arapela saveman bilong marasin i toktok long nakotiks, em i toktok long wanpela drag olsem mofin. Mofin em i wanpela trupela drag."

Plantu pipel i painim hat tru long stap insait laip bilong tude. Plantu kainkain hevi na wari kamap long mipela we mipela i no inap long stretim. Olsem plantu manmeri save painim rot na rot long rausim ol dispela hevi na wari long laip bilong ol. Bia em i wanpela drag-olsem na ol pipel i save dringim long rausim ol wari na hevi bilong ol. Plantu manmeri save yusim bia krangi. Wanpela samting i kamap tu long ol arapela drag.

Olsem na em i gutpela long mipela long luksave na save long wanem samting i ken kamap bihainim pasin bilong mipela long yusim krangi ol drag. Sapos mipela i no luksave gut long ol dispela drag, ol i ken kamapim kainkain hevi long lai, sindaun na wokabout bilong mipela long bihainim taim.

MUSIK NA TELEWISEN

PAPUA NIUGINI



Hollie Maea tok gutbai long Oeka

RODNEY KAMUS
i raitim

BIKNEM Mosbi pawa ben Hollie Maea i tok gutbai nau long Robert Oeka-man husat i bin lukautim na go pas long ol long planti yia.

Long tok gutbai long em, ol i katim namba 9 kaset bilong ol we i no longtaim bai lusim Chin H Meen Studio long Mosbi na stap long ples bilong salim kaset long ol stua insait long kantri.

Taitel bilong dispela nupela kaset bilong ol "Freedom na Glori" em ol yangpela ben memba bilong Hollie Maea i katim wantaim Robert. Bihain long dispela kaset, em bai lusim ol na kamap wanpela solo atis.


Oeka husat i stap wantaim Hollie Maea inap long 14-pela yia olgeta bai lusim dispela ben long givim spes long planti yangpela manki husat i laik joinim dispela ben.

Oeka i bin go pas long ben long 1987 taim ben lida Basil Greg i lusim ol na kamap wanpela solo atis. Long sait bilong wok tasol mekim na Basil Greg i lusim Hollie Maea na go wok long CHM studio long Rabaul na em i kamap wanpela solo atis.

Ol yangpela ben memba long Hollie

CHM
970

HOLLIE MAEA
FREEDOM NA GLORY
VOL.9



Maea i tok olsem gutpela sapot bilong Oeka na long sanap strong wantaim ol long holim ben i kam inap nau i bikpela samting tru.

"Oeka i olsem pos bilong haus i sanap na karim haus i kam hap nau. Sapos em i no stap, ating Hollie Maea ben bai lus longtaim yet," ol i tok. Robert i sore long lusim ben tasol em i tok: "I gat wanwan taim long laip bilong wanpela man o meri we yu mas mekim sampela kain bikpela disisen tru."

Olsem man i go pas long dispela ben bihain

long Basil Greg i lusim ol, Oeka i givim bikpela tenkyu i go long Basil Greg long go pas long kamapim dispela ben. Long dispela taim tu ol lain i sapotim Basil em Dika Dai, Oscar Kari, Gary Vaibua na Steve Kairi. Ol dispela lain i sapotim gut tru Hollie Maea long kamap wanpela biknem ben insait long kantri. Dispela nupela kaset bilong ol em bai kamap klostu nau em planti singsing i stap long tokples Toaripi bilong Kerema, Motu, Lolo, tok pisin na tokples Hula.

Laspela kaset bilong

Robert wantaim Hollie Maea i winim tru ol narapela kaset we ol i bin katim. Long wanem dispela kaset i gat kankain stail singsing i stap insait we ol i yusim ol nupela masin bilong CHM studio long katim o rekotim.

Robert Oeka i tok olsem: "Mi salim bikpela tok amamas bilong mi go long ol gutpela sapota bilong mi long taim mi stap wantaim Hollie Maea. Sapos sapot bilong yupela i nogat, bai mi no inap kamap long mak we mi stap nau."

I KAM LONG Ela Motors OL WIL BILONG NESEN

AUSTRALIA TOP TEN SINGLES

The Australian top 10 singles, as rated by ARIA, with last week's position in brackets:

- 1 (1) Another Night M.C Sar and the Real McCoy (BMG)
- 2 (2) The Hit List Cliff Richard (EMI)
- 3 (10) Dookie Green Day (WARNER)
- 4 (5) No Need to Argue The Cranberries (ISL/POL)
- 5 (1) Hi Fi Way You Am I (roo/WAR)
- 6 (4) Smash Offspring (SHOCK)
- 7 (9) The Celts Enya (WARNER)
- 8 (6) Pulp Fiction Soundtrack (MCA)
- 9 (12) Vitalogy Pearl Jam (EPI/SONY)
- 10 (3) Janet Janet Jackson (VIR/EMI)

LONDON TOP TEN SINGLES

- 1 (1) Think Twice Celine Dion/Epic
- 2 (5) Don't Give Me Your Life Alex Party/Systematic
- 3 (2) I've Got A Little Something For You MN8/Columbia
- 4 (16) Push The Feeling On '95 Nightcrawlers/frrr
- 5 (21) The Bomb! (These Sounds Fall..) Bucketheads Positiva
- 6 (3) No More I Love You's Annie Lenno/RCA
- 7 (8) Reach Up Perfecto Allstarz/Perfecto
- 8 (7) Set Me Free N-Trance/All Around The World
- 9 (4) Bedtime Story Madonna/Maverick
- 10 (-) Wake Up Boo! The Boo Radleys/Creation

USA TOP TEN SINGLES

- 1 (1) Creep TLC LaFace Gold
- 2 (2) On Bended Knee Boyz II Men Motown
- 3 (3) Another Night Real McCoy Arista Gold
- 4 (5) Take a Bow Madonna Maverick-Sire
- 5 (4) Always Bon Jovi Mercury Gold
- 6 (7) You Gotta Be Des'ree Music
- 7 (8) Before I Let You Go Blackstreet Interscope
- 8 (9) Sukiyaki 4 PM Next Plateau
- 9 (6) Here Comes the Hotstepper Ini Kamoze Columbia Platinum
- 10 (10) I'm the Only One Melissa Etheridge Island

EMTV TELEWISEN

THURSDAY 13TH APRIL, 1995		SATURDAY 15TH APRIL, 1995	
5.30 STATION OPEN	5.47 STATION OPEN	12.00 PROGRAM HIGHLIGHTS	12.00 PROGRAM HIGHLIGHTS
5.47 TRANSMISSION OPEN	7.00 TODAY SHOW	12.27 TRANSMISSION OPEN	12.27 TRANSMISSION OPEN
6.00 ITN NEWS	9.00 STATION CLOSE	12.30 EASTER SPECIAL	12.30 EASTER SPECIAL
7.00 TODAY SHOW	9.01 STATION RE-OPEN	1.00 WIDE WORLD OF SPORT	1.00 WIDE WORLD OF SPORT
9.00 STATION CLOSE	9.30 EMTV TEST PATTERN	5.00 BEYOND 2000	5.00 BEYOND 2000
9.30 EMTV TEST PATTERN	2.20 PROGRAM HIGHLIGHTS	5.27 EMTV TOK SAVE	5.27 EMTV TOK SAVE
2.30 PROGRAM HIGHLIGHTS	2.53 TRANSMISSION RESUME	6.00 NATIONAL EMTV NEWS	6.00 NATIONAL EMTV NEWS
3.00 KIDS KONA	2.54 EMTV TOK SAVE	6.30 HEY HEY ITS SATURDAY	6.30 HEY HEY ITS SATURDAY
4.00 KARATE KID	3.00 SPECIAL	8.30 NCDC NEWS	8.30 NCDC NEWS
4.30 HOT SCIENCE	3.30 "The Lamb Of God"	8.50 EMTV TOK SAVE	8.50 EMTV TOK SAVE
5.00 WONDER WORLD	SPECIAL EASTER	9.00 WRESTLING	9.00 WRESTLING
5.30 HOME AND AWAY (G)	DRAMER	10.00 GILLETTE	10.00 GILLETTE
6.00 NATIONAL EMTV (G)	KIDS KONA	10.30 EASTER SPECIAL	10.30 EASTER SPECIAL
NEWS	HOT SCIENCE	EASTER VIRGIL	EASTER VIRGIL
6.30 A CURRENT AFFAIR (G)	5.00 WONDER WORLD	LITERATURE	LITERATURE
7.00 SALE OF THE CENTURY	5.29 EMTV NEWS BREAK	12.27 MEDIATION WITH	12.27 MEDIATION WITH
7.28 LOTTO DRAW	5.30 HOME AND AWAY	PASTOR WALO ARNI	PASTOR WALO ARNI
7.30 NEIGHBOURS	6.00 NATIONAL EMTV NEWS	12.30 STATION CLOSE	12.30 STATION CLOSE
8.00 FIZZ	6.30 A CURRENT AFFAIRS	SUNDAY 16TH APRIL, 1995	SUNDAY 16TH APRIL, 1995
9.00 RESCUE 911	7.00 SALE OF THE CENTURY	7.00 PROGRAM HIGHLIGHTS	7.00 PROGRAM HIGHLIGHTS
9.30 THE FOOTY SHOW	7.28 LOTTO DRAW	7.32 TRANSMISSION OPEN	7.32 TRANSMISSION OPEN
10.30 SPECIAL MAMA BILONG	7.30 NEIGHBOURS	SPECIAL: BREAKING	SPECIAL: BREAKING
OLGETA	8.00 AUSTRALIA'S FUNNIEST	THE CHAIN	THE CHAIN
11.57 MEDITATION WITH	HOME VIDEO SHOW	7.52 CHIT CHAT WITH SIR	7.52 CHIT CHAT WITH SIR
PASTOR WALO ARNI	FRIDAY NIGHT FOOTBALL	PAULIAS MATANE	PAULIAS MATANE
12.00 STATION CLOSE	11.00 RAVEN	8.00 BUSINESS SUNDAY	8.00 BUSINESS SUNDAY
FRIDAY 14TH APRIL, 1995	12.27 MEDITATION WITH	9.00 SUNDAY	9.00 SUNDAY
PROGRAM HIGHLIGHTS	PASTOR WALO ARNI	11.00 WIDE WORLD OF	11.00 WIDE WORLD OF
5.30 PROGRAM HIGHLIGHTS	12.30 STATION CLOSE		



SPORTS
THE FOOTY SHOW
1.00 GOLF SHOW
1.30 LUMEN 2000
2.00 BONANZA
3.00 MOVIE
4.00 SPORTS SUNDAY
6.00 NATIONAL EMTV NEWS
6.30 SUNDAY NIGHT
7.30 60-MINUTES
8.30 SING WITH JOY
9.00 MOVIE
10.50 CHIT CHAT WITH SIR
10.55 PAULIAS MATANE
11.00 EMTV TOK SAVE
11.57 CHURCHES MAGAZINE
12.00 MEDITATION WITH
PASTOR WALO ARNI
STATION CLOSE


PNG TOP TWENTY

AS AT 8/4/95

NO.	SONG	ARTIST
1 (1)	Dust Over Rabaul	Wong/Bowman
3 (2)	Kantri Blong Yumi	Reks Band
2 (3)	Tariga lau	Painim Wok
4 (4)	Rabaul I Tapunang	Charles Kivovon
5 (5)	Confuse Mangi	JR. Kopex
6 (6)	Pulim Win	Greg/Telek
8 (7)	Swit Heart	Painim Wok
7 (8)	Rabaul Town	Barike
9 (9)	If I Have To Stop	Valleywoods
16 (10)	Hungara Singa	Hornetts
10 (11)	Island Bougainville	Crew 5
14 (12)	Kavailiu	EMFO Band
15 (13)	PMV Driver	Advantage Band
12 (14)	Malagir	Painim Wok
13 (15)	Lus Lain	Greg/Telek
18 (16)	Tutu Maragina	Hitsy Golou
20 (17)	Lalohadai	Dokona Manoka
11 (18)	Missing you	Crew 5
17 (19)	Leva Blong Mi	Painim Wok
0 (20)	Rama Eno	Tarikana

• Ratings based on requests on Radio Kalang and not cassette sales.

ELA MOTORS - OL WIL BILONG NESEN



Big Bro REBO



BIKBOS KARIM REBO GOLANG LONG AILANDA TREVOLDS!!!



YUMI DRING PASTAIM NA EI-HAIN ODARIM KAIKAI, AHE

ATING EM GUTPELA AIDIA.. MI TESTI LIK-LIK..



...MI AMAMAS TRU LONG OL WOKAS BILONG YU.. OLGETA WOK I AP TUDET NA!!!

OH, YES! MI LAIK TOKIM YU LONG OL YAH..



...INAP YU GIWIM SAMPELA BONAS LONG HATWOK BILONG OL? OLI..

NO WAKIS REBO! BAI MI SALIM MEMO IGO LONG EDMIN OPIS..



OH, TENKIU TRU, BOSS.. MI AMAMAS TRU!

NO KEN WARI TUMAS MAI SAN!



NA YU TU MAS KISIM SAMPELA MAKMAK TU LONGI HATWOK BILONG YU..

ER..NO KEN WARI TUMAS LONGI MI!



Spak MAIK



OL POLIS I STOPIM MINISTA MAIK LONG ROT..

BAI MI TOKTOK GUT LONG OL.. MI MAS EKSPLENIM DISPELA SITUESON!



MINISTA, YU SANE OUSEM KLOSTU YU KOSIM BIKPELA EKSIDEN LONG HAP?

Y-YES.. MI LAIK AVOIDIM OL RASKOL YAH.. MAN, OL I LAIK KILIM MI O WANEM?



DRAVA! INAP YU KAM LONG BAKSAIT PASTAIM?

OKE, BOSS!



OUSEM WANEM LONG WINSKRIN YAH? NA BILONG WANEM YU NO RIPOTIM DISPELA META?

EM YAH MI TOK YAH! OL RASKOL I BUNGIM MI NA BRUKIM GLAS NA OL I RAUNIM MI! KLOSTU MI DAI!!



KARIM KAR I GO NA LUEIM I STAP LONG TREFIK STESIN LONGI 4-MAIL, OKE?


YES! OKE, MI GO NALI!



MINISTA MAIK DRAIN ISI ISI IGO I STAP NA OL LAIN LONG TIPA TRAK I SPOTIM EM..

EM KAR TASOL, YAH!! KLOSTU BAMIM YUMI, YAH! TETE EM BAI PAIA!

**WE WISH
EVERYONE A
HAPPY EASTER**



IT'S PEPSI IN PNG

Ol hailans no ken pulim buai long maket No ken rausim ol pablik sevis woka

Dia Edita,
Mi laik komplem long pasin ol hailans manmeri i save mekim long ol trangu manmeri bilong Papua na Morobe husat i save kam salim buai long taun.
Taim ol manmeri i karim buai i kam longwe yet, bai yu lukim ol hailans bai i no isi long ron i go long ol na raunim ol long pulim buai.
Mi lukim dispela pasin i no stret bikos trangu ol manmeri ya i karim buai i kam longwe tru na i no kisim gut win yet na ol hailans manmeri i go bung bung raunim ol pinis.
Dispela kain pasin na ol i no save baim gut buai long ol trangu manmeri bilong ples. Sampela bai giaman bung bung na pulim nating buai

na karim i go nating o ol bai strong na tok buai i no gutpela o bikpela na bai baim long liklik prais.
Mi tokim yupela stret sapos yupela i gat buai long ples bilong yupela, bai yupela i pilim tru dispela samting we ol arapela bai mekim long yu.
Mi save olsem yupela i no baim buai bilong go na kaikai. Yupela i save baim buai tasol long go bek na salim long ol rot, arere long stua na ol liklik maket long setelmen. Olsem na stap isi na ol papa bilong buai i ken lainim gut buai orait yu baim.
Em tasol komplem bilong mi na husat arapela i laik bekim em laik tasol.

**GOZU YAPU
BULOLO**

No ken singautim mani long ol arapela

Dia Edita,
Mi laik komplem long pasin ol yangpela manki i save mekim long sanap arere nabaut long ol stua long taun.
Ol i save sanap olsem sekyuriti long dua bilong ol bikpela stua na was long ol manmeri i save go insait long baim ol samting long stua.
Mi lukim dispela pasin i no gutpela tru bikos dispela i save pretim ol turangu mama na ol yangpela meri husat i laik go insait long ol stua na baim kaikai.
Ol manki i save giaman

pas pas wantaim ol arapela manmeri na subim han i go insait long bilum o basket bilong ol na pulim mani bilong ol.
Sampela taim ol manki i save laik kamap olsem ol bikhet man na askim ol turangu mama na ol manmeri long givim ol mani. Taim wanpela man o meri i givim ol 20 toea o 50 toea pinis, ol i no inap long go. Ol bai sanap yet na askim ol arapela yet long traim kisim moa mani.
Mi lukim dispela kain pasin i no gutpela tru bikos dispela i givim

sem long ol papamama na famili bilong mi.
Traim na lusim dispela kain pasin na go bek long ples o mekim sampela gutpela wok arere long haus na kisim mani long en.
No ken sanap arere long stua na giaman pulim o askim ol arapela long mani.
Em tasol komplem bilong mi.

**DABOL BOND
MOSBI**

Putim plis stesin long Jimi distrik

Dia Edita,
Mi laik autim wari bilong mi i go long long planti raskel pasin nau i wok long kamap long Jumi distrik insait long Western hailans provins.

Planti taim ol raskel man i save sanap long dispela hap rot wantaim ol sotgan na hensapim ol haiwe na kisim mani na ol samting bilong ol manmeri.
Ol i save bagarapim tu ol meri na kisim ol samting bilong planti manmeri we i no gut-

Dia Edita,
Mi laik autim komplem bilong mi i go long dispela samting em nesenel gavman i laik kamapim long daunim namba bilong ol pablik sevis wokman na wokmeri insait long kantri.
Mi ting gavman bilong mipela i mas longlong pinis olsem na ol i laik mekim ol dispela kain senis we i no gutpela tru long developmen bilong dispela kantri.
Sapos yu lukluk insait gut long wok bilong ol pablik sevis, ol tasol i as tru bilong bringim sevis na developmen i go long ol manmeri bilong dispela kantri.
Ol i save mekim wok tru tru bilong kamapim kantri i go gut.
Nau yumi harim olsem dispela gavman i laik katim daun namba

bilong ol pablik sevis woka long sevim mani.
Sapos nesenel gavman i laik sevim mani, orait em i mas stapim ol ovasis raun, katim potnait pe na alawens bilong ol na stapim EDF mani bilong wanwan memba.
Mi lukim olsem ol gavman memba yet i wok long westim olgeta mani bilong dispela kantri olsem na mani i sot. I no rong bilong ol pipel o ol pablik sevis woka. Paus em gavman yet i holim.
Mi egensim tru tingting bilong nesenel gavman long mekim dispela samting bikos dispela i min bai planti wokman na wokmeri bai i no gat wok bilong mekim. Ol bai kamap pasindia

nating na mekim ol kain kain trabel we inap apim lo na oda problem bilong kantri i go antap moa.
Plis ol lida bilong mipela, yupela mas opim gut ai na lukluk pas-taim orait bihain yupela toktok na kamapim ol kain sevis olsem. Dispela kain senis em olsem ol man i no gat gutpela save na tingting bilong glasim ol hevi na samting insait long kantri bilong mipela.

Em tasol komplem bilong mi na husat arapela i laik egensim o sapatim em welkam tasol. Mi bai amamas tasol long lukim.

**JACK ABAN
LAE**

Lapun Somare mas tekova gen

Dia Edita,
Mi laik autim liklik wari bilong i go long arapela manmeri bilong Papua Niugini i ken lukim.
Wari bilong mi em dispela kantri bilong mipela long PNG nau i no ron gut bikos long planti pasin bikhet gridi na pasin bilong paulim mani.
Long dispela as mipela ol gras rut manmeri bilong les i no klia bai kantri bilong mipela i ron gut o no gat.
Mi harim long redio na ritim long niuspepa olsem man bilong PNG i wok long pinis na gavman i traim long panim mani we em i wok long apim prais bilong ol kaikai na samting bilong stau i go antap moa.
Dispela kain pasin i wok long givim hat taim tru long ol manmeri bilong ples bikos ol i save wok hat tru long panim mani.

Dispela kain pasin i soim tu olsem dispela gavman bilong PNG i no gat gutpela na klia tingting long ranim kantri.
Long dispela as, mi ting lapun Somare yet i mas kam bek na ranim kanti gen bikos em yet i bin plenim dispela kantri long kisim independens.
Na wanem kain wok na rot em bai i go insait i bin stap long het bilong em yet.
Olsem na lapun Sir Michael Somare i mas kam bek na ranim kantri gen na stretim sampela hevi we nau i kamap na i stap.
Em tasol bel hevi bilong mi na husat arapela i laik sapatim o egensim em laik tasol. Salim tingting bilong yu tu i kam long Wantok niuspepa na bai mi ken lukim tu.

**INDEX KARIAGO
GOROKA**

Sekyuriti gad kamap olsem plisman

Dia Edita,
Mi laik komplem long pasin bilong ol wokman bilong Yama Sekyuriti Sevis long Lae we ol i save mekim long taun na hap ol i save was long en.
Ol dispela sekyuriti i save soim olsem ol i save gut tru long olgeta samting bilong kampani o ol wok insait long dipatmen. Olsem na sapos yu wanpela ples man o ausait man i gat apoinmen o i laik go lukim ol long stretim hevi bilong yu, ol dispela sekyuriti i save senisim mipela gut tru long dua bilong opis.
Mi lukim dispela samting na mi save laik sapos bos bilong kampani o gavman opis ya i givim em tok orait bilong askim ol kastoma long dua na sekim ol bilum na hanbek bilong ol.
Ol dispela sekyuriti save so op tumas na soim olsem ol i wankain olsem plis fos. Ol tu bai stailim yunifom bilong ol na toktok long turangu ol manmeri olsem ol i plisman.

**SONNY SANDRE
MENDI**

Oposisen tu i save pundaun wankain olsem gavman

Dia Edita,
Mi laik komplem long dispela gavman bilong mipela long Papua Niugini tude.
Mi oltaim save ritim niuspepa na harim long redio long kain kain samting dispela gavman i save mekim na kamapim.

Wanpela bikpela samting mi yet save skelim em ol lain bilong oposisen i save was olgeta taim long gavman sait. Sapos wanpela samting we gavman i mekim na i no stret, bai ol i latim paia stret na kukim tru gavman long floa bilong palamen.

Ol i save was gut tru long egensim gavman long olgeta samting em i laik kamapim long dispela

kantri.
Taim oposisen i glasim olsem nesenel gavman i no ranim gut kantri, em i save kisim sans long holim vot i no gat bilip long sensim gavman.

Mi lukim dispela pasin i kamap planti taim pinis na mi save tingting tasol olsem oposisen bai ranim gut kantri taim ol i tekova long gavman.
Tasol no gat, olgeta toktok bilong ol na plen ol i kamapim long tekova long gavman i save go popaia gen.
Ol i save kirap no gut long lukim ol bikpela mani na alawens bilong gavman na lusim tingting olgeta long ol samting em i laik kamapim taim em i stap long

oposisen sait na toktok long mekim kamap.
Mi lukim ol dispela samting i kamap na mi no save sapos ol lida bilong yumi long Papua Niugini i save gat het tu o no gat?.

I no gutpela long yumi kisim independens pinis na yumi wok long paul nabaut yet. Ating i moa gutpela long yumi stap aninit long narapela kantri long lukautim yumi.
Em tasol wari bilong mi na mi bai amamas long lukim ol arapela gutpela tingting bilong yupela.

**JACKWYN TAZIMO
LAE**

Husat i laik salim pas i kam long edita mas raitim stret nem na salim i kam long disperla adres: Pas i go long Edita, P.O.Box 1982, Boroko, NCD.



**NEM: Dennis Pon
KRISMAS: 22 (man)
ADRES: PO Box 917, Kimbe W.N.B.P.
LAIKIM: Pilal gita, pilal ragbi, go troiling long solwara, harim lotu, wokim pen pren wantaim ol arapela.**

**NEM: Philomeana Janice Jaol
KRISMAS: 24 (meri)
ADRES: c/ PO Box 67, Aitape, Sandaun provins
LAIKIM: Pilal volibal, stori wantaim pren, harim gospel musik, pilal basketbal, laikim tok pilal, laikim long mekim pren wantaim ol yangpela manmeri krismas insait long 20 na 25.**

**NEM: Apewa Fueva Kerena
KRISMAS: 24 (man)
ADRES: Morata Troops, PO Box 3243, Boroko, NCD
LAIKIM: Pilal soka, ragbi, senisim poto, draivim ka, raun wantaim ol pren long arapela provins.**

**NEM: Jonah Vezea
KRISMAS: 19 (man)
ADRES: PO Box 4127, Boroko, NCD
LAIKIM: Pilal gita, ragbi tas, pilal soka, lukim EMTV mekim musik, raitim pas long ol pren, senisim ol poto, go lotu na wokim gaden.**

**NEM: Francis Tavian
KRISMAS: 20 (man)
ADRES: DOV Construction, PO Box 125, Vanimo, Sandaun provins
LAIKIM: Lukim EM TV, pilal ragbi, raitim pas, pilal soka, mekim prenpren long olgeta hap bilong PNG, pilal basketbal na ol arapela spot tu.**



Rausim EDF mani long ol memba

Dia Edita,

Mi save ritim long niuspepa planti taim long ol toktok bilong ol nesanel memba i save kisim EDF mani bilong yusim long ilektret bilong ol. Na mi no save amamas tru.

Bikos mi save olsem planti memba i no save yusim gut dispela mani long wok bilong em stret long ol ilektret bilong ol.

Planti taim nesanel gavman i save disela EDF mani tasol-planti tiam ol memba i no save yusim strtim long ol wok projek.

Olsem na moabeta gavman i no ken givim aut dispela mani long ol bikos ol i lain bilong bulsit na kusai nabaut long ol pipel.

Mi bin lukim olsem wanpela nesanel memba tasol em Bart Philemon memba bilong Lae i save yusim gut tru dispela EDF mani bilong em. Olsem na mi ting kain man olsem i askim long kisim EDF em orait. Tasol olgeta arapela maski long ol bikos ol i lain bilong paulim gut tru ol manmeri long dispela EDF mani.

Mi laik sapotim pas bilong brata

Paulus Malane long tingting bilong em olsem i gutpela sapos nesanel gavman i givim dispela EDF mani i go long provinsal gavman long kisim na yusim long ol wok projek. Bikos dispela provinsal gavman i stap moa klostu long ol pipel na ol pipel i ken kisim mani ya moa isi na yusim long ol projek.

Em tasol tingting bilong mi na husat arapela i laik sapot em welkam tasol.

MOAN KAMI
LAE

Ginson Saonu em rait lida

Dia Edita,

Mi laik egensim pas bilong brata Jayson Penzu i bin kamap long Wantok olsem memba bilong Kabwum Ginson Saonu i no gutpela lida. Bikos em i man bilong kalap kalap long kain kain pati.

Brata mi laik tokim yu stret olsem yu mas save gut long wanem samting yu toktok long en na i no ken opim maus nating nating long ol man i lukim na bilipim.

Nau Ginson Saonu i mekim bikipela wok tru long bringim sampela sevis na sevis i go long ol pipel bilong Kabwum. Planti memba bilong Kabwum long bipo i no save mekim olsem. Ol i olsem ol longlong man tasol we i no save long hevi bilong ol pipel.

Nau Ginson i go insait long palamen na sampela gutpela senis i kamap we nau ol pipel i laikim tru na amamas long memba.

Brata Jayson yu tok long Ginson i save kalap kalap long pati em i no tru. Ginson em wanpela independen memba na i no gat wanpela pati i

endosim em. Olsem na wanem sait em i laik sanap em em i mas mekim long interes bilong ol pipel bilong em tasol.

Brata mi ken tok olsem ating yu no bin go raun long Kabwum olsem na yu no lukim ol sampela samting em memba i mekim long hap.

Ating yu raun tasol long taun na harim mauswara na gris bilong sampela jeles man husat i laik daunim tasol nem bilong Ginson na painim rot long sanap long ileksen.

Lukim gut na toktok na i no ken opim maus nating. Ginson Saonu em nau i kamapim sampela gutpela senis we ol pipel i no bin lukim longpela taim i kam.

Em tasol pas bilong mi long bekim ol toktok bilong brata Jason Penzu long egensim memba bilong Kabwum, Ginson Saonu.

Sapos husat arapela i laik sapotim o egensim mi em laik tasol.

ROMEO BINSON
KABWUM

Musik bilong Momase na Hailans tu i gat kik

Dia Edita,

Mi laik sapotim pas bilong olgeta lain husat i bin rait pinis na komplem long dispela EM TV Fizz progrem long olgeta Fonde nait.

Mi tu i no save wanbel tru long lukim ol musik bilong ol Tolai na Papua sait tasol long olgeta Fonde. Olsem wanem long arapela rijen olsem Momase na Hailans.

Olgeta Fonde nait mipela i save sindaun long lukim dispela musik progrem bilong Fizz na mi no save amamas tru long

lukim ol musik bilong tupela hap rijen tasol.

Yupela ting tupela rijen ya tasol i save pilaim ol gutpela musik? Mobeta yu traim na harim musik bilong mipela long hailans rijen na tu long Momase na skelim. Musik bilong tupela rijen ya tu i gat kik ya.

Planti manmeri long hailans na Momase i save sindaun na lukluk tu long dispela progrem na ol i laikim bai sampela kain musik bilong hap bilong ol i mas kamap bai ol i ken amamas.

Ol i no westim taim bilong ol long sindaun na lukluk long ol arapela ben bilong sampela provins nabaut.

Plis ol manmeri na wokman bilong EM TV i mas skelim gut ol musik na pilaim bikos i no ol Papua na Tolai tasol i save lukim EM TV Fizz musik progrem.

Em tasol komplem bilong mi na husat arapela i laik bekim em laik tasol.

SIMON SIAGA
MADANG

Peter Yama bringim senis long ilektret

Dia Edita,

Mi laik toktok bekim komplem bilong Funng Kubai bilong Madang. Funng Kubai i bin raitim pas long Wantok na kamap long Mas 23 wantaim hetok "PROMIS BILONG PETER YAMA WET YET".

Toktok bilong yu long paitim dua bilong palamen na ol pipel bai opim long beksait i nogat mining stret. Mi no save long mining bilong dispela hap toktok. Sapos Funng Kubai i bin stap long taim eleksen kempein long 1992, em bai harim gut na kisim tru mining bilong toktok bilong Peter Yama.

Ol toktok bilong Funng Kubai i jeles toktok tasol long wanem Peter Yama i wok long mekim ol wok kamap long Sumkar ilektret we ol olpela memba i no mekim wanpela wok yet long en.

Kubai yu save olsem Mista Yama i givim tripela ambulens, tupela kaunsol kar, wokim rot na givim liklik helpim nambaut long ol pipel bilong

Sumkar long 1993 na 1994. Yu stap we na yu no lukim ol dispela samting.

Toktok bilong putim kolta long Karkar ring rot i no wok bilong olpela memba Galeng Leng.

Sapos dispela em i wok bilong Galeng Leng, wok bilong putim kolta bai kamap longtaim yet. Long taim Mista Yama i kisim wok olsem memba bilong Sumkar, mipela i no bin lukim wanpela pepa wok olpela memba i wokim long putim kolta long Karkar ring rot.

Toktok bilong Kubai i olsem liklik pikinini i kros long mama bilong em long taim mama i no baim loli bilong em.

Mipela i klia tu olsem yu wanpela man husat bai sanap long 1997 ileksen. Mista Peter Yama i stap tupela yia tasol na em i wokim planti samting long Sumkar pinis na yu toktok long wanem samting tru.

Charles Loke
Mosbi

Husat i laik salim pas i kam long edita mas raitim stret nem na salim i kam long disperla adres: Pas i go long Edit, P.O.Box 1982, Boroko, NCD.

Tok Yu Karim i gat mining

Dia Edita,

Mi wanpela manki Mendi na mi stap long Hagen taun. Na mi laik autim komplem bilong mi i go long wanpela kain toktok ol meri i save mekim long ol man taim ol i lukim ol o i laik tok pilai long ol.

Wanpela bikipela tok mi save harim olgeta taim long nek bilong ol meri em dispela hap tok, Yu karim ya.

Dispela toktok i gat mining bilong em na ol meri husat i save tok dispela i mas tingting gut na toktok.

Sampela man i save harim tasol na pilim. Tasol sampela man i save harim na insait bilong ol i no save gutpela bikos kain toktok ya i gat as bilong em.

Olgeta hap bai yu ken harim ol meri i singaut long ol man olsem, yu karim

ya. Mi no save sapos ol meri i gat sampela kain tingting bihain long het bilong ol long mekim dispela kain toktok o no gat?. Bikos toktok ya i gat mining bilong em.

I gat trabel na hevi inap kamap long dispela kain toktok olsem na ol meri husat i save tok dispela i mas tingting gut na toktok.

Sapos yupela i tok Yu karim ya long ol man na sapos ol man i givim yupela dispela samting yupela i tok long en bai olsem wanem?. Ating i no gat komplem sapos ol man i givim dispela samting bikos ol meri yet i askim long en.

Em tasol komplem bilong mi na husat i laik sapot o egensim em laik tasol.

JOSEPH YASI
HAGEN

Ol meri paulim maritman

Dia Edita,

Mi wanpela meri Morobe na mi laik autim wari bilong mi i go long pasin ol meri hailans i save mekim long Lae siti. Mi save olsem dispela pasin tu i stap long sampela hap bilong ol bikipela taun olsem Mosbi, Goroka na Rabaul.

Planti meri hailans i save raun nating nating long ol taun na paulim tru ol meri bilong mipela. Ol i save grisim ol long mani na salim nating skin bilong ol.

Mi lukim planti maritman insait long Lae i gat hevi long famili laip bilong ol bikos dispela kain pasin ol paul meri i mekim i bagarapim ol pinis.

Olsem na mi askim Morobe gavman long lukluk insait long dispela kain hevi na traim rausim ol setelmen na blok nabaut insait long siti bai ol kain meri husat i no gat wok na stap nating i mas go bek long ples bilong ol. Mipela ol meri long nambis yet i no save mekim kain pasin

olsem long pulim man bilong narapela meri. Bikos mipela save olsem ol marit na i gat famili.

Tasol ol meri hailans i no save gat dispela kain tingting o sem long mekim dispela kain pasin. Olsem na mi ting ol i mas go bek long ples bilong ol. Em tasol komplem bilong mi na husat arapela i laik bekim em welkam tasol.

KUNGE BIAOLOP
LAE

Madang pulap long bikhet pasin

Dia Edita,

Mi laik komplem long pasin mi save lukim long ol manmeri hailans i save mekim long Madang taun.

Mi lukim planti manmeri hailans moa i pulap long Madang taun na mekim ol kain kain bikhet pasin we ol asples Madang yet i no save mekim long en.

Planti taim bai yu lukim ol hailans i sindaunlong arere bilong stua na rot na mekim save long pilai kas i stap. Ol i no save pret olsem em ples bilong ol pabik manmeri long wok- about i go i kam long stua o maket samting.

Ol i no save wari tu long spetim buai na bagarapim ples. Ol i no inap long lukluk gut long rabis dram na spetim ol buai na pipia bilong ol i go long en. Ol i mekim na ples i go doti olgeta long kain bikhet pasin bilong ol

ya. Arapela bikhet pasin bilong ol tu em ol i save dring bia na spak nabaut long rot olsem ples bilong ol stret. Ol i save bikmaus na mekim nois raun long rot olsem no gat lo i bosim ol.

Ol meri tu bai spak nabaut na giaman grisim ol wokman long salim skin bilong ol na kisim mani.

Mi lukim ol dispela kain pasin i bagarapim tru gutpela nem bilong Madang provins.

Sampela i save go olgeta long ples kana- ka na giaman ol trangu lapun manmeri na pulapim buai long bek bilong ol long K10 tasol. Dispela giaman pasin i wok long go bikipela nau long ol hailans long Madang taun.

Mi laik tok olsem ol hailans husat i save mekim kain bikhet pasin olsem long

Madang i mas traim na yusim gut het bilong ol na stap isi olsem ol lain manmeri bilong Madang yet i save mekim.

No ken traim abusim ol asples na go pas olsem em asples bilong yu na i no gat lo i bosim yu long mekim ol kain pasin olsem.

Mi save olsem mipela ol Madang pipel i no inap long mekim kain pasin olsem sapos mipela i stap long hap bilong hailans.

Olsem na yusim het na stap isi. No gut ol asples i les long kain pasin olsem na bai kamapim hevi long gutpela sindaun bilong ol pipel long Madang taun.

Em tasol komplem bilong mi. Husat i laik bekim o egensim em laik tasol.

KIPS NILMAL
MADANG

Singim song long nem bilong bikipela

Dia Edita,

Mi laik autim wari bilong mi i go long olgeta manmeri husat i save amamas long pilaim gutpela musik long radio kaset o long pawa ben.

Mi save harim olsem ol i save amamas tru long singim ol song long kain kain samting

bilong dispela graun. Ol i singsing long mun, san, ren, solwara, diwai, ol enimol, manmeri na kain kain samting moa istap long graun tude.

Tasol wanpela samting yumi wok long lusim tingting nau em long singim song na apim nem bilong bikipela God papa.

Sapos yu lukim i go bek long buk baibel bilong yu long Jeneses, bai yu lukim olsem God yet i wokim olgeta enimol na ol samting bilong dispela graun. Olsem na yumi mas amamasim God long dispela olgeta samting em i wokim.

DIHIN RUYAP
VANIMO



Sapos yu laik advertais, telepon 25 2500 na askim long

Phone: Miri Aiori Ext. 214, Jack Mahuru Ext. 217, Joe Naime Ext. 218

PABLIK NOTIS

Ramu Sugar Limited will be sending a Recruitment team up to the Highlands Region and then to Madang and Möröbe Provinces from the 10th April to 24th April, 1995. The purpose of these visits will be to recruit seasonal employees who were issued with letters inviting them back for the 1995 crop.

These persons should report to their respective Provincial Labour Offices with their invitation letters on the dates as specified below.

Wabag	10th April 1995
Mendi	11th April
Mt Hagen	12th & 13th April
Kundiawa	18th April
Goroka	19th & 20 April
Kainantu	21st April
Madang	24th April
Lae	25th April

For further details, please contact the Superintendent Personnel Administration or Personnel & Training Manager at Ramu Sugar on telephone number 44 3299.

PUBLIK TOKSAVE RAMU SUGAR LIMITED

Ramu Sugar bai statim 1995 Sugar haves sison long mun Mei dei.

Dispela toksave i go long olgeta Olpela sisionol wokman husat i gat "Pas bilong i kam bek wok" o "Invitation Leta" oli bin kisim long taim ol i pinisim 1994 sison.

Husait i nogat pas bilong i kam bek wok bai mipela ino inap long sainim ol long dispela taim.

Ples bilong kisim man em long ol Provinsol Labour Opis long Hilans, Madang na Lae. Em bai stat long Epril dei 10 i go inap Epril dei 24th. Husait yu i gat pas bilong yu i mas i go long Provinsol Labour Opis long Provins bilong yu long dispela taim

Wabag	10th April 1995
Mendi	11th April
Mt Hagen	12th & 13th April
Kundiawa	18th April
Goroka	19th & 20 April
Kainantu	21st April
Madang	24th April
Lae	25th April

Sapos yu i gat sampela askim long save moa long dispela toksave, ringim Personnel Opis long Ramu Sugar long telipon namba 44 3299.

Tenk yu tru.

Toksave i kam long
Ramu Sugar Personnel Department.

PORT MORESBY CATHOLIC ARCHDIOCESE**GOOD FRIDAY WAY OF CROSS FROM
DON BOSCO TO ERIMA**

1. Don Bosco: JESUS IS CONDEMNED TO DEATH
Venue: Inside the Church - Don Bosco
2. Gabutu: JESUS TAKES UP HIS CROSS
Venue: Don Bosco Gate
3. Hanuabada: JESUS FALLS THE FIRST TIME
Venue: Scrathley Karius (road to Vabukori)
4. Badili: JESUS MEETS HIS AFFLICTED MOTHER
Venue: In front of Badili Church
5. Murray: THE CROSS IS LAID UPON SIMON OF CYRENE
Venue: Behind MSC House
6. Taurama Barracks: VERONICA WIPES JESUS FACE
Venue: Ted Diro school gate
7. Tokarara: JESUS FALLS A SECOND TIME
Venue: Hohola Police station
8. Hohola: JESUS MEETS THE WOMEN OF JERUSALEM
Venue: Side of buttercup bakery
9. Morata: JESUS IS STRIPPED OF HIS GARMENTS
Venue: Opposite Boroko Motors (Kina Mart & SCS)
11. Waigani: JESUS IS NAILED TO THE CROSS
Venue: Ward Strip school gate
12. Gordons police: JESUS DIES ON THE CROSS
Venue: Before Gordon's market
13. Gerehu: THEY BODY OF JESUS IS PLACED IN THE ARMS OF HIS MOTHER
Venue: Erima Church compound

With compliments from the Archdiocese Catholic Youth Council



ENGLIKEN SIOS BILONG PAPUA NIUGINI DAIOSIS BILONG NIUGINI AILAN

TOKTOK BILONG ISTA 1995

Long las wokabaut i go long amamas bilong Ista em Holi wik we i stat long Pam Sande. Sande pastaim long Ista. Em taim bilong tingim dispela de bikpela bilong yumi Jisas i go insait long Jerusalem antap long beksait bilong donki na ol manmeri i tromoi lip bilong diwai na flawa long rot we i makim i kam bilong King long siti. Dispela em bikpela de planti sios i save tingim olsem "Holi Wik" na yumi ken tingim dispela samting i kam inap long las sapa long Fonde apinun, i go long kot na kisim pen na hangamap long diwai kros inap em i dai long Gud Fraide.

Long ol disaipel na arapela husat i bihainim na bilip long Jisas olsem mesia husat bai lusim ol Isrel i go fri na kamapim gen kingdom bilong King David, i lusim dispela bilip bilong ol pinis na planti i lus. Tasol olsem yumi save, God i save wok long kain kain rot bilong em yet olsem na long namba wan Ista moning, Mary Magdalen i bin go long matmat long putim wel long bodi bilong Jisas. Em i painim olsem dua bilong matmat i op olsem na em i ron i go bek na tokim Simon Peter na John husat tu i ron i go long matmat na painim wankain samting. Ol tupela i go antap na tokim ol arapela disaipel long wanem samting ol i lukim. Mary Magdalen i bin namba wan meri we Jisas i kamap long em na kolim nem bilong em; "Mary". Na em bekim na tok "Raboni"- tisa. Mary i bin pulap tru long amamas bikos em i save olsem em mesaia husat i dai long dispela kros na kirap bek long dai. Em i winim strong bilong dai na opim dua i go long laip i stap oltaim oltaim.

Olsem na bikpela toktok bilong yumi long dispela Ista em AMAMAS, amamas

long bikpela husat i dai i kirap bek long matmat. Pas bilong Sen Paul i save toktok long amamas long stap wantaim Krai. "Yumi long em na em long yumi". Na long pas bilong em i go long Pilipia i toktok long amamas bilong kristen long Sapta 4 ves 4; "Amamas long bikpela olgeta taim na mi tok gen amamas". Na i go moa long dispela sapta em i tok mi ken mekim olgeta samting long nem bilong Jisas Krai husat i strongim mi.

Namba tu poin em long serim gutnius. Mary Magdalen i no bin haitim dispela nius bilong Jisas i kirap bek. Em i go na tokim ol arapela tu na serim dispela amamas wantaim ol. Olsem na yumi tu mas redi long serim dispela gutnius olsem Jisas i Krai na em i kirap bek na i soim yumi rot i go long laip i stap gut oltaim oltaim.

Jisas i kirap long dai olsem na yumi mas oraitim em long kirap insait long bel bilong yumi na rausim dispela hevi ston long bel bilong yumi we i save holim em i stap ausait. Yumi ken mekim olsem long bung wantaim ol arapela gen na stap wantaim amamas na gutpela sindaun. Sampela i save tok i gutpela long laikim ol gutpela na i no gutpela laikim ol nogut. Olsem na yumi mas amamas nau long dispela kirap bek long Ista na traim long laikim ol nogut bai yum i ken i gat amamas long bel bilong yumi long olgeta taim. Amamas long save long dispela, olsem Krai i bin promis olsem dai i no pinis bilong laip sapos yumi save long Krai bai yumi tu i kirap wantaim nupela laip wantaim em.

ARCHBISHOP
BEVAN MEREDITH

BUK BILONG OL SEVISIS

CAMPING EQUIPMENT

OL SAMTING BILONG KEM S.K. TOP MAN

Ol nupela klos bilong man i go inap long gupela kwaliti Nikko kemping samting olsem sel haus, beg bilong slip, pekbeks, ol but na'saket. Sapos yu save laikim kwaliti, orait amamasim laip wantaim ol NIKKO PRODAK bilong mipela. Kam na lukim stua bilong mipela-Graun Stua-Monian Haus, Tabari Ples, Boroko. Long kisim bikipela oda: Ringim ROSINA long telipon namba 257074

CONSTRUCTION

OKAPA CONSTRUCTION PTY LTD - 26 1879

I am your handyman in:
Plumbing - roofing, sewerage, hotwater installation, water reticulation and drainage.
Fencing - All types of manual and electrical fencing
Construction - All residential/commercial building repairs/maintenance/constructions

ELECTRONIC

PAPA BILONG OL TV SAPOS TV BILONG YUELA I BAGARAP SEKIM WANTAIM MIPELA

O KAM NA LUKIM MIPELA LONG OLGETA LEKTRIK SAMTING YU LAIKIM.
■ SPARE PARTS ■ TOOLS ■ EQUIPMENT
■ REPAIRS TO T.V.'s, RADIOS, ETC.



We are located at the corner of wards road and Spring Garden Road, Hohola
P.O. BOX 3572 BOROKO, N.C.D. PHONE 25 1952 FAX: 25 4743

HAIR & BEAUTY

TREND'S

We wholesale retail large range of black hair & beauty products. We also sell hair pieces, hair equipment.
Ground Floor
Land Mark Building
Reke St Boroko
Phone/Fax: 255894
PO Box 3239 Boroko

HAIR TREATMENT

We import, distribute and introduce to PNG, exotic and genuine cure for baldness and falling hair. This fabulous chemical defies nature by stimulating and producing hair producing hormones set at the base of hair roots. It is no magic nor miracles, but the end result of many years of intensive scientific research. Write to us now for details:

PNG Sales Manager,
Nationtrade Pty Ltd,
PO Box 1957, LAE

HAIR TREATMENT

Mipela salim marasin bilong groim grass long het kela. Planti man i baim pinis na grass i wok long kamap gen. Yu tu ken baim, yusim, luksave na bilip. Botol marasin i save kam wantaim hap pepa bilong toksave long wei bilong yusim. Tru em i nupela kain samting na planti man ino nap bilip. Tasol yu traim na lukim. Salim K30.00 tasol ikam na bai mipela salim marasin long yu.

ALOISYUSS RUARRI
PNG SALES MANAGER
NATIONTRADE PTY LTD
P.O. BOX 1957 LAE MP

MAIL ORDER



KWIK SALIM P/L
P.O. BOX 2448
BOROKO

FOR PRICE LIST

PHONE: 25 3444
FAX: 25 3390

PLUMBING & MAINTENANCE

CLEARWATER PLUMBING PTY. CONTRACTORS & MAINTENANCE SERVICES FOR ALL YOUR PLUMBING NEEDS.

CONTACT:-
PH; 25 8492

FAX/PH: 323 3472

QUALITY SERVICE
AT
REASONABLE RATES

PRINTING

PUNSIU SIGNWORKS

Painting, Signwriting
and Screen Printing

For more information
call 45 7813

REFRIGERATION & AIRCONDITIONING

FOR FAST GOOD QUALITY SERVICE

Call Bata's refrigeration, airconditioning &
appliance service on Telephone:
25 8074 or Fax: **25 8588**

TIMBER SALES

TRANSWORLD TRADING (PNG) PTY LTD The Blue Truck Timber Company Dia Kastoma,

Mipela i redi long wokim whole-haus baim bilong yu.

Dispela i min olsem mipela bai bringim ol timba, post, nil, ain na ol arapela samting bilong sanapim haus.

Insait long Mosbi yet, mipeia no inap sasim kos bilong ka. Ol ples autsait long Mosbi, kos i no dia. Na sistem i wok olsem: Yu baim. Na bai mipela kisim olgeta samting long haus bilong yu kam.

Ringim mipela long telipon na feks namba
25 5314 (Erima Timber Yard)

USED CLOTHING

Top quality used clothing
Why pay more when you can
PAYLESS

Just arrived new stock brown bales. 160 kgs - 200 kgs mixed clothing @ K4.00 per kg. Shoes and Households on request. Our special on 50 kgs @ 165 still on with (Lucky Draw). Outstation Orders most welcome. We can arrange freight to any Ports in PNG.

We are located at Varahe ST. opposite Hiritano Electrical next to Gabby Fashion

PAYLESS, P.O. Box: 159, Waigani, NCD.
PH: 25 1477, Fax: 23 2898

Yu ken edvetais hia long K10 tasol long wanpela wik. Long painimaut moa long dispela, ringim Augustine, Jack or Joe long telipon namba 25 2500.



LAE BISCUIT CO. PTY. LTD.

***MANUFACTURERS
OF THE
FAMOUS
BIKPELA
STONGPELA
NAVY BISCUIT.***

**“STILL THE BEST
NAVY BISCUIT IN PNG”.**

**KIMBE VOLLEYBALL ASSOCIATION
DRAWS FOR SATURDAY APRIL 15, 1995**

Time	court	Team	vs Team	grade	Officials
1200	1	Chebu	vs KB Lodge	MARes	AOG/KBE High
1230	1	AOG	vs KBE High	MAGr	Chebu/KBE Lodge
0100	1	B/Bees	vs SBLC	MAGr	PI/Kavui
0130	1	P/Indus	vs Kavui	MAGr	B/Bees/SBLC
0200	1	OPIC	vs KBE Lodge	MAGr	Mora2/Metere
0230	1	OPIC	vs HKNS Sec	MARes	OPIC/Lodge
0300	1	Mora2	vs Metere	MARes	OPIC/HKNS Sec
1200	2	21JS	vs Lalekie	WAGr	OPIC/SBLC
1230	2	OPIC	vs SBLC	WAGr	21JS/Lalekie
0100	2	HKNS Sec	vs Labuta	WAGr	PI/KBE High
0130	2	P/Indus	vs KBE High	WARes	STK/Labuta
0200	2	P/Indus	vs KBE Lodge	WAGr	STK/STJ
0230	2	S/Jones	vs Lalekie	WARes	PI/KBE Lodge
0300	2	OPIC	vs StKB/Dods	WARes	STJ/STK

* Admin on bye * WA Grade

RESULTS FOR WEEK 1 OF ROUND ONE AS FOLLOWS.

MEN

Court 1- OPIC & KBE Lodge both lost in forfeit * Reserve grade
 - Kavui def KBE High 2 sets nil - A grade
 - Hoskins Secondary forfeited Meteres - A Reserve
 - SBCL def OPIC 2 sets 1 - A Grade
 - KBE Lodge def AOG 2 sets nil - A Grade
 - Blackbees def Moramora 2 sets nil - A Reserve
 - Blackbees def Pacific Industries 2 sets nil - A Grade

Court 2- WOMENS

- STK Bulldogs forfeited Pacific Industries * - A Reserve
 - 21 Jumpstreet forfeited Labuta * - A Grade
 - OPIC def Lalekie 2 sets nil - A Reserve
 - PIC def Hoskins Secondary 2 sets nil - A Grade
 - KBE High def Sainy Jones 2 sets nil - A Reserve
 - Pacific Industries def SBLC 2 sets 1 - A Grade

* Forfeitures - As we have stress previously, time is time! Draws are out and everyone knows their game time. Same will happen in the coming weeks.

Registration - Team - K20 Deadline 30th April

Player (s) K5.00

Uniforms - 30th of April all teams must be in uniforms

1995 - NATIONAL SOFTBALL CHAMPIONSHIP DRAW

Pool - 1	Men	Pool - 2	Men
1	Port Moresby	1	Lae
2	Madang	2	Goroka
3	Mt. Hagen	3	Alotau
4	Popondetta	4	Kavieng
5	Kimbe	5	Kerowagi
6		6	
7		7	
8		8	
9		9	
10		10	
11		11	
12		12	
13		13	
14		14	
15		15	
16		16	
17		17	
18		18	
19		19	
20		20	
21		21	
22		22	
23		23	
24		24	
25		25	
26		26	
27		27	
28		28	
29		29	
30		30	
31		31	
32		32	
33		33	
34		34	
35		35	
36		36	
37		37	
38		38	
39		39	
40		40	
41		41	
42		42	
43		43	
44		44	
45		45	
46		46	
47		47	
48		48	
49		49	
50		50	
51		51	
52		52	
53		53	
54		54	
55		55	
56		56	
57		57	
58		58	
59		59	
60		60	
61		61	
62		62	
63		63	
64		64	
65		65	
66		66	
67		67	
68		68	
69		69	
70		70	
71		71	
72		72	
73		73	
74		74	
75		75	
76		76	
77		77	
78		78	
79		79	
80		80	
81		81	
82		82	
83		83	
84		84	
85		85	
86		86	
87		87	
88		88	
89		89	
90		90	
91		91	
92		92	
93		93	
94		94	
95		95	
96		96	
97		97	
98		98	
99		99	
100		100	

SYDNEY RUGBY LEAGUE

Last Weekend Results

Illawarra 34 Gold Coast 16, Sydney Bulldogs 42 Western Reds 0, Canberra 17 St George 4, South Queensland 16 North Sydney 12, Manly 26 Auckland 14, Newcastle 26 Penrith 20, Cronulla 30 Sydney Tigers 16, South Sydney 40 Parramatta 18, Brisbane 20 North Queensland 12, Western Suburbs 44 Sydney City 16.

Premiership Table

	W	D	L	F	A	Pts
Manly	5	-	-	162	50	10
Newcastle	5	-	-	157	70	10
Brisbane	5	-	-	139	56	10
Canberra	5	-	-	123	48	10
Bulldogs	4	-	1	131	62	8
Norths	3	-	2	154	76	6
Cronulla	3	-	2	108	60	6
Illawarra	3	-	2	138	119	6
Wests	3	-	2	115	120	6
Sydney City	2	-	3	109	113	4
Penrith	2	-	3	100	119	4
Tigers	2	-	3	102	130	4
W Reds	2	-	3	62	154	4
Auckland	1	-	4	120	151	2
St George	1	-	4	80	120	2
Parramatta	1	-	4	86	132	2
Souths	1	-	4	90	152	2
Gold Coast	1	-	4	72	154	2
S Old	1	-	4	36	128	2
N Old	-	-	5	68	138	0

This Weekend

Friday
 Souths v Sydney City at SFS (7.30pm)
 Western Reds v Sydney Tigers at WACA Ground (6.30pm)
Saturday
 Wests v Newcastle at Campbelltown Sports Ground (2.30pm)
 Gold Coast v Parramatta at Seagulls Stadium (7.30pm)
 Penrith v Cronulla at Penrith Football Stadium (7.30pm)
Sunday
 Sydney Bulldogs v Canberra at Parramatta Stadium (2.30pm)
 Norths v North Queensland at North Sydney Oval (2.30pm)
 Manly v South Queensland at Brookvale Oval (2.30pm)
 Auckland v Illawarra at Ericsson Stadium (2.30pm, NZ)
Monday
 Brisbane v St George at ANZ Stadium (2.30pm)

Madang v	Alotau	Mt. Hagen v	Mendi
Kimbe v	Lae	Kerowagi v	Port Moresby
Alotau v	Goroka	Mendi v	Ramu
Popondetta v	Kimbe	Kavieng v	Kerowagi
Lae v	Madang	P/Moresby v	Mt. Hagen

Popondetta v	Madang	Kavieng v	Mt. Hagen
Kimbe v	Alotau	Kerowagi v	Mendi
Goroka v	Madang	Ramu v	Mt. Hagen
Alotau v	Lae	Mendi v	Port Moresby
Popondetta v	Goroka	Kavieng v	Ramu

**Tournament Draw
Day 1: Friday April 14, 1995.**

Time	Div	Diamond 1	
09.00	M: P1	Ramu vs	Port Moresby
10.30	M: P1	Mt. Hagen vs	Popondetta
12.00	M: P1	Kimbe vs	Madang
13.30	M: P1	P/Moresby vs	Popondetta
15.00	M: P1	Kimbe vs	Ramu
Time	Div	Diamond 2	
09.00	W: P1	Goroka vs	Lae
10.30	W: P1	Alotau vs	Popondetta
12.00	W: P1	Kimbe vs	Madang
13.30	W: P1	Popondetta vs	Lae
15.00	W: P1	Kimbe vs	Goroka
Time	Div	Diamond 3	
09.00	M: P2	Kavieng vs	Kerowagi
10.30	M: P2	Lae vs	Goroka
12.00	M: P2	Alotau vs	Kavieng
13.30	M: P2	Kerowagi vs	Lae
Time	Div	Diamond 4	
09.00	W: P2	Ramu vs	Port Moresby
10.30	W: P2	Mendi vs	Kavieng
12.00	W: P2	Kerowagi vs	Mt. Hagen
13.30	W: P2	Kavieng vs	Port Moresby
15.00	W: P2	Kerowagi vs	Ramu

Day 2: Saturday April 15, 1995.

Time	Div	Diamond 1	
08.00	M: P1	Madang vs	Mt. Hagen
09.30	M: P1	Kimbe vs	Port Moresby
11.00	M: P1	Mt. Hagen vs	Ramu
12.30	M: P1	Popondetta vs	Kimbe
14.00		Official Opening Ceremony	
15.00	M: P1	P/Moresby vs	Lae
Time	Div	Diamond 2	
08.00	W: P1	Madang vs	Alotau
09.30	W: P1	Kimbe vs	Lae
11.00	W: P1	Alotau vs	Goroka
12.30	W: P1	Popondetta vs	Kimbe
14.00		Official Opening Ceremony	
15.00	W: P1	Lae vs	Madang
Time	Div	Diamond 3	
08.00	M: P2	Alotau vs	Lae
09.30	M: P2	Goroka vs	Kavieng
11.00	M: P2	Alotau vs	Kerowagi
12.30	M: P2	P/Moresby vs	Mt. Hagen
14.00		Official Opening Ceremony	
Time	Div	Diamond 4	
08.00	W: P2	Mt. Hagen vs	Mendi
09.30	W: P2	Kerowagi vs	Port Moresby
11.00	W: P2	Mendi vs	Ramu
12.30	W: P2	Kavieng vs	Kerowagi

Day 3: Sunday April 16, 1995.

Time	Div	Diamond 1	
09.00	M: P1	Popondetta vs	Madang
10.30	M: P1	Kimbe vs	Mt. Hagen
12.00	M: P1	Ramu vs	Madang
13.30	M: P1	Mt. Hagen vs	Port Moresby
15.00	M: P1	Popondetta vs	Ramu
Time	Div	Diamond 2	
09.00	W: P1	Popondetta vs	Madang
10.30	W: P1	Kimbe vs	Alotau
12.00	W: P1	Goroka vs	Madang
13.30	W: P1	Alotau vs	Lae
15.00	W: P1	Popondetta vs	Goroka

**CENTRAL PROVINCE RUGBY FOOTBALL LEAGUE
"EASTER CUP CHALLENGE"
MAIN OVAL, SIR HUBERT MURRAY STADIUM
15-17 APRIL, 1995**

DAY ONE SATURDAY 15 APRIL, 1995

"A" GRADE

No.	Team	Vs	Team	Time
1.	Hiri Tigers	vs	Konebada Pan.	8.00
2.	Baruni Eagles	vs	Buria Reds	9.10
3.	Eholasi Eels	vs	St. Pauls Eten	10.20
4.	Abau Warriors	vs	Roku Rokuna	11.30
5.	Kido Lagava	vs	H/bada Hawks	12.40
6.	Muko United	vs	Boera Sailors	1.50
7.	Balawaia Wall.	vs	Koita Cowboys	3.00
8.	Seida Raiders	vs	Hisiu Knights	4.10
9.	Mirikuro B/dogs	vs	Kisere Boars	5.20

- * Thirty minutes each half
- * Five minutes break at half time
- * Five minutes break between games
- * Ten minutes will be allowed before a game is forfeited.

LAHI SOCCER ASSOCIATION

SUNDAY APRIL 15, 1995

TIME	TEAM	VS	TEAM
9.00	Defence	vs	Tosing U19
10.00	Gaziga	vs	Sikambu U19
11.00	Sobou	vs	Sunkist W
12.00	Asiawe	vs	Mairipo W
1.00	Sunkist	vs	Sikambu D1
2.30	Defence	vs	Guria P2
4.00	Asiawe	vs	Rapatona P2

Washout games for these divisions.

Time	Div	Diamond 3	
09.00	M: P2	Kerowagi vs	Goroka
10.30	M: P2	Lae vs	Kavieng
12.00	M: P2	Goroka vs	Alotau
13.30	M: P2	Mendi vs	Port Moresby
Time	Div	Diamond 4	
09.00	W: P2	Kavieng vs	



• Joshua Kouru stretim lek liklik pastim long em i go insait long fil.



• Kas bilong Gold Lotto i kikim bal long las wiken gem insait long Mosbi ragbi lig resis.



• Oi gavman Iida i pilal golf las wiken insait long Spika Kap resis long Mosbi.



**DEPARTMENT OF FOREIGN AFFAIRS AND TRADE CITIZENSHIP ADVISORY COMMITTEE
CITIZENSHIP ADVISORY COMMITTEE MEETING FOR THE NATIONAL CAPITAL DISTRICT**

The following applicants for Papua New Guinea citizenship by naturalisation are advised to present themselves at the

**GRANVILLE MOTEL
SIX MILE**

On Tuesday, 18 April 1995 for interviews with the Citizenship Advisory Committee.

TIME: 8.00 am onwards

TUESDAY, 18 APRIL 1995

LIST OF APPLICANTS FOR PNG CITIZENSHIP BY NATURALISATION

- | | |
|---------------------------------|--|
| 1. AQUINO Cecelia Palaros | 16. MOLLOMB Hilmah |
| 2. BRISSONI Bruna Algeri | 17. OMBIGA John Nemuel (Dr) |
| 3. CHAN John Francis | 18. REID Nevan Dennis |
| 4. CHUNG Yat Yau Jeffrey | 19. SCULTHORN Henry Raymond |
| 5. CRESSERI Angelo | 20. SMYTHE Deborah |
| 6. DAROCH Mr & Mrs Gurmit Singh | 21. SOLAMO Cosme (Jnr) |
| 7. DE WIT Byran Hendrik Charles | 22. SUWAE Eunice |
| 8. FAIRIO Frans | 23. TANG Benson |
| 9. GOH Say Beng (Simon) | 24. TANG Fannie |
| 10. IGARA Fiu Fesaitu Williame | 25. TOUA Mary Geethanjali (Noe) Issac (Dr) |
| 11. IKI Fely Q | 26. VIOLARIS Nicos Alexander |
| 12. KANDAKASI Diana Petronela | 27. WAH Lai Yun Joe |
| 13. LUNG Yu Sun | 28. WONG Sunny |
| 14. MEAURI Elia Sanchez | 29. YUNG Jenny Hu |
| 15. MEE Josephine Anne | 30. YUNG Roland |

Please contact the Director, citizenship secretariat, Josephine Anne Tibu (Mrs) on telephone numbers 27 1016 or 27 1052 and fax number 25 5206 to confirm your attendance and or any enquiries.

AUTHORISED BY:

GABRIEL DUSAVA
Secretary for Foreign Affairs and Trade

FRENCHBAKEHAUS



• CAKES

Weddings & Birthdays
Our speciality25 1266 Pom
42 5349 Lae

PROVINSAL

SOKA NIUS

FRENCHBAKEHAUS



• CAKES

Weddings & Birthdays
Our speciality25 1266 Pom
42 5349 Lae

PMSA givim K1,920 long Hara Kap resis

YAKAM KELO I raltim

TIM bilong man na meri husat i winim Hara Kap soka resis bilong Mosbi Soka Asosiesen (PMSA) long dispela wiken bai kisim K400 prais mani.

Hara Kap soka resis bai stat long dispela wiken na moa long 66 tim i gat nem pinis long

kik long dispela resis. Tasol ol tim husat i no bai afiliesen fi na nominesen fi long dispela wik bai i no inap long pilai.

Ekting seketeri bilong PMSA, Mojeck Selsel i tok PMSA i redim K1,920 prais mani bilong givim i go long ol

tim husat i win long dispela resis. Arapela tim husat i ron namba tu na namba tri bai kisim K150 wantaim tropi bilong ol.

Givim prais mani long ol tim i winim gem long kain resis olsem em wanpela bikpela tingting bilong nupela eksekutiv bilong PMSA long dispela yia. PMSA i gat tingting

long redim ol prais mani long givim i go long ol tonamen o soka resis we bai i kamap. Dispela em long kirapim bel na tingting bilong ol klap na pilaia i ken pilai strong long winim mani.

Mojeck i tok olgeta klap i mas baim K350 afiliesen fi na K50 nominesen fi bilong ol bai ol i ken pilai long Hara

Kap na tu go insait stret long sisen propa long neks wiken.

Hara Kap resis yet i no gat fi bilong em tasol dispela pemen em bilong givim luksave olsem tim i redi long pilai soka long dispela yia.

Hara Kap em wanpela soka resis bilong Mosbi we i bin stat long 1979 we wanpela biknem

soka sapota nem bilong em Hanz Rademacher i bin baim dispela kap long ol man i pilai long en.

Hara Kap resis i bin stop long 1980 inap las yia we PMSA i statim gen. Hanz wantaim famili bilong em i stap nau long Australia.

Rokot i bin soim olsem GFC soka klap i bin winim dispela Hara

Kap long resis bilong ol man na ol meri Guria i winim long resis bilong ol meri. Ol meri i kisim Heidi Kap husat em meri bilong Hanz Rademacher.

Mojeck i tok geit fi long Bisini bai stap wankain yet long K1.00 long olgeta manmeri. Ol liklik pikinini aninit long 12-pela krismas bai i no inap baim geit.



Strongpela banis ya: Em kain stall bilong ol manki Sobou egens PTC long 7 asait soka resis bilong Mosbi. Dispela 7 asait resis i no inap kamap moa bikos nupela eksekutiv bilong PMSA i kamap na i laik stapim dispela.

Olgeta pilai bai go insait nau long Hara Kap soka resis long dispela wiken.

Nupela eksekutiv bilong PMSA i laik kamapim gutpela senis nau long Bisini soka graun na dispela inap puli m moa manmeri long go lukim pilai long wiken.

Ol meri bai laitim paia long anda 17 tonamen

OL meri long Lae Futbol Asosiesen (LFA) na Lahi Soka Asosiesen (LSA) bai holim wanpela bikpela salens long opim gren fainal bilong nesanel anda 17 tonamen long dispela wiken long LFA soka graun.

LFA bai redim wanpela soka tim bilong ol meri long bungim ol susa bilong Lahi. Na dispela bai givim sampela gutpela amamas long ol manmeri long lukim tu pilai bilong ol meri insait nesanel tonamen bilong ol junia.

Tupela asosiesen bilong Lae bai gat gutpela sans long yusim dispela gem bilong ol meri long makim tu skwat bilong ol meri long kik insait long PNGFA Kap salens long dispela yia. LFA soka graun bai pulap long dispela lita wiken long lukim ol yangpela i kam long Madang, Goroka, Hagen, Wabeg, Kaiapit na tupela asosiesen bilong Lae yet.

Wantok i bin luksave olsem ol dispela senta i makim pinis anda 17 skwat bilong ol na i wok long trening strong long kamap long dispela tonamen.

I no gat ripot i kam yet long Nesanel Yut kosa, Ludwig Peka long dispela junia tonamen.

Tasol i gat luksave pinis olsem bihain

long dispela tonamen, bai nesanel yut kosa wantaim ol asisten bilong em bai glasim ol pilaia na makim wanpela junia skwat bilong PNG.

Insait long kalenda bilong PNGFA long dispela yia, bai PNG anda 17 tim i go kik long Vanuatu long mun Me insait long Osenia anda 17 tonamen.

Nesanel Yut kosa, Ludwig Peka i bin tokim Wantok bipo olsem em bai traim long makim 30 pilaia olgeta na holim trening wantaim ol inap em i katim tim i go daun long fainal 22 pilaia.

I gat luksave tu olsem Mosti Soka Asosiesen (PMSA) husat em wanpela bikpela soka asosiesen insait long kantri i no inap salim anda 17 tim i go long dispela tonamen long Lae.

Dispela em bikos PMSA i bin go insait long ol bikpela senis tupela wik i go pinis we i senisim olpela eksekutiv bilong

Presiden Mark Basausau insait long nupela eksekutiv i bin tokaut long las wik olsem PMSA i no inap tingting tumas long redim anda 17 skwat. Dispela i min olsem PMSA bai i no gat anda 17 skwat long go kik long Lae.

Pri sisen resis long Wewak bungim birua

ADDY LAVAKZ I raltim

SOKA gren fainal bilong Wewak pri sisen namel long Wewak Yunaitet na Pasino i bin kamap gut. Bikos pait i kamap na stapim pilai.

Dispela gren fainal bilong Wewak pri sisen i sanap namel long Wewak Yunaitet na Pasino we Pasino i bin skroim tupela gol i go insait long umben bilong Yunaitet.

Pilai i bin go gut long namba tu hap bilong resis we wanpela pilaia bilong Wewak Yunaitet i abrasim long kikim bal na tromoi lek antap long pilai bilong Pasino.

Dispela samting i kirapim tru bel bilong ol sapota na ol i stat bik-

maus i go i kam na i no long taim pait i kamap. Wanpela mausman bilong Pasino soka klap i tok dispela kain pasin Wewak Yunaitet i mekim i no gutpela tru long interes bilong soka long provins.

Bikos Yunaitet em wanpela biknem soka tim long Wewak na tu i save makim Wewak long planti bikpela soka resis insait long PNG. Bikman ya i tok Wewak Yunaitet i gat gutpela spona tu long Henry Ice Block Marapi husat tu em wanpela soka sapota insait long provins. Olsem na kain pasin olsem Wewak Yunaitet i mekim i no gutpela tru long bikos ol i bagara-

pim nem bilong spona na tu daunim sapot bilong ol manmeri husat i save laikim na sapotim ol.

Mausman ya i tok ol eksekutiv bilong Wewak i mas paitim gut toktok long dispela hevi na givim gem i go long Pasino bikos Pasino i bin skorim tupela gol egens Wewak Yunaitet. Gem i bin go tu long namba tu hap bilong pilai na klostu long pinis taim ol sapota bilong Wewak Yunaitet i go insait long pilai graun na kamapim pait.

Pasino i bin winim planti arapela soka tim na go sindaun antap long lata na wetim dispela pri sisen gren fainal.

Goroka soka resis ron bihainim plen

GOROKA Soka Asosiesen (GSA) i askim olgeta klap opisal long baim rejistresen fi bilong ol long 24 Epril. Dispela em taim asosiesen bai sindaun long AGM miting.

Presiden John Wokenuwe i tok olgeta klap opisal na mausman husat bai kamap long dispela AGM i mas kamap wantaim rejistresen na afiliesen fi bilong ol long givim i go long GSA.

Long las wiken GSA i pinisim olgeta soka resis bilong 7 asait long Nesanel Spoting Institut (NSI) pilai graun.

Pilai i bin strong tru namel long tupela tim bilong ol man na meri we no gat skoa i kamap long fultaim. Olsem na ol i go gen long penalti. Insait long resis bilong ol man, ol pawa manki bilong Elcom i soim bikpela strong tru long autim tiket bilong Rapatona.

Elcom husat em wanpela strongpela tim i holim olgeta strong bilong Rapatona long stat

bilong pilai inap longfultaim. Rapatona tu i mekim save long pretim golmak bilong Elcom tasol ol pawa manki tu i gat strong na stapim Rapatona long skorim gol insait long banis bilong ol.

Tupela tim wantaim i dro olsem na ol i go long ekstra taim we no gat skoa i kamap. Olsem na na tupela i go gen long penalti kik na Elcom i nekim Rapatona wantaim 3-2 skoa.

Long resis bilong ol meri, ol telefon meri bilong PTC i katim stret telefon waia bilong ol meri NSI wantaim 2-0 skoa long penalti kik.

Dispela i bin wanpela strongpela gem tru we tupela tim bilong ol meri ya i bin dro long fultaim na i go long ekstra taim we tupela i dro yet. Olsem na referi i givim penalti kik long tupela we ol meri PTC husat i gat moa eksperiens na gutpela pilaia i isi tasol subim tupela gol i go insait long umben bilong NSI. PTC

winim NSI 2-0 long dispela gren fainal bilong Goroka pri sisen 7 asait soka resis.

Propa sisen bilong Goroka bai stat long 29 Epril we bai olgeta tim i statim gen soka resis i go inap long pinis bilong dispela yia.

Presiden John Wokenuwe i laik makim maus bilong asosiesen na tok sori i go long ol klap husat i bin bungim sampela hevi insait long dispela pri sisen 7 asait resis.

John i wok sapos sampela samting we asosiesen i mekim na i kamapim hevi long ol sampela klap, orait Goroka Soka Asosiesen (GSA) i tok sori long dispela.

Long 22-23 Epril, bai soka resis bilong makim sinia men skwat bilong Goroka i kamap. Dispela em soka resis bilong redim Goroka skwat bilong ol man long PNGFA nesanel sempionsip we bai i kamap long Mosbi long dispela yia.

PMSA laik stapim birua long fil

YAKAM KELO i raitim

PRESIDEN bilong Mosbi Soka Asosiesen (PMSA) Mark Basausau i tok wanpela rot bilong stapim ol birua na trabel long kamap long fil em long givim gutpela sapot long referi long ranim gut pilai.

Mark i tok referi i ken ranim gut pilai inap long pinis bilong gem sapos em i amamas long mekim wok bilong

em. Dispela i min olsem ol referi i mas kisim sampela kain mani we em i ken amamas long mekim gut wok bilong em.

Mark i tingting long apim pe bilong ol referi long Mosbi i go antap bihainim level bilong setifiket ol i gat. Ol referi husat i gat Level 1 setifiket bai kisim olsem K15 long referi

insait long wanpela gem. Sapos ol i sanap lainsmen, bai ol i kisim K8.

Mark i tok sapos dispela kain samting i kamap, bai ol referi i ken kisim gutpela mani long olgeta wiken. Wanpela referi i ken kisim K45 long referi insait long tripela gem na antap long dispela em i ken kisim narapela K24 antap long wok bilong lainsmen insait long tripela gem. Wanpela referi inap

bungim olsem K69 olgeta long wanpela wiken.

Mark i tok dispela rot inap mekim referi i amamas long wok bilong em olsem referi na em i ken ranim gut pilai. Na dispela i ken daunim planti pait na hevi we ol referi i save bungim long bipo.

Narapela samting tu em wanwan klap bai baim K50 olsem sekyuriti fi bilong wanwan tim bilong em i go insait long PMSA. Dispela

sekyuriti fi bai i stap inap krismas we husat tim i no bin mekim trabel o birua long taim bilong soka sisen, bai ol i ken kisim bek mani bilong ol.

Sapos wanpela pilai i mekim trabel o tim bilong em i kamapim birua long taim bilong pilai, ol i no inap kisim bek dispela K50 long taim sisen i pinis. Bikos dispela em sekyuriti fi bilong ol long baim kompensesen.

Wanpela klap husat i

gat 4-pela tim bilong sinai man, primia risev, anda 19 na ol meri bai baim K200 olgeta. Wanwan tim em K50.

Mark i tok dispela em sampela kain rot we nupela eksekutiv bilong em long PMSA i tingting long kamapim long bringim gutpela senis na gutpela pilai long Mosbi na tu long kantri.

Mark i tok ol i senisim olpela sistem bilong ol tim insait long wanwan divisen long dispela

ya. Olsem na wanwan divisen long dispela ya bai i gat 14 tim olgeta i pilai insait. Dispela em long primia divisen i go daun olgeta long anda 19 na ol meri.

Presiden i tok dispela tingting em long givim moa sans long planti manmeri i ken pilai soka. Planti manmeri i mas pilai na amamas wantaim na bringim famili bilong ol i kam tu long lukim wiken na lukim pilai.

Nesenel Anda 17 tonamen (Fraide 14-Mande 17) LFA Soka Graun (Lae)

Nem bilong ol asosiesen husat bai salens insait long Nesenel Anda 17 tonamen long Lae long dispela wiken. Bihain long dispela tonamen, bai nesenel yut kosa, Ludwig Peka i sindaun na makim wanpela skwat bilong makim PNG na go pilai insait long Osenia Anda 17 tonamen long Vanuatu long mun me.

Lahi anda 17 skwat

(golkipa) Lewis Baining na Wally John
(fulbek) David Stang, Eugene Abela, Desmond Towika, Allan Yang, Gen Timothy, Ily Tony, Lucas Gaitinao, Tony Koimbo.
(midfil) Authur Ramandga, Richard Senat, Stan Sironuc, Bob Kenkawa, Kevin Walker, Sam Ronuc, Aru Barnabas, Joe Tule.
(straika) Michael Koou, Allan Pala, Danny Mongict, Dickson Samson
(opisal) Addy Fred kosa, Channel Kakehe asisten kosa na Andrew Elcom Tim Menesa.

Madang anda 17 skwat

Godfried Baniaw, Daniel Wato, Elizah Makili, Allan Lalos, Justin Levi, Lui Kaisek, Michael Kami, Aaron Japu, Sangmor Alphonse, Kafui Walong, Wesley Reu, Jonah Pupilang, Berry Kalisa, Naso John, David kaukisa, Ivan Pasiro.
Kosa; Paul Kigg

Goroka anda 17 skwat

(golkipa) Ray Tawi, Sireh John, Taguba Gambu
(fulbek) Justin Tewi, Kelly Pipi, Stanley Dabel, Narogi Thomas, Wako Saine
(midfil) Charles Wal, Norman Sabbath, Mike Timmy
(straika) Johnson Mame, Elizah Stenford, Apong Adrian, Wandakai Londi, Bisim Samson, Yawing Masia, Wasisi Enoch, Timothy Mole
(opisal) John Wokenuwe Tim Menesa, Augustine Tom kosa, Ben Konde na Freddy Siassi asisten kosa.

Ol arapela asosiesen olsem Kaiapit, Gaifawar, LFA na Wabeg i tokaut tu long kamap long dispela nesenel anda 17 tonamen long dispela wiken. Tasol Wantok i no bungim i ol long kisimnem bilong ol manki bilong ol.

Ista Kap soka salens long Popondeta

MOA long 1,000 manmeri i sambai tasol long kamap long Independens Oval na lukluk long bikpela soka salens bilong Ista Kap, nokaut long dispela wiken.

Planti tim i redi tasol long pairapim bun. Sampela nupela klap bai mekim save long dispela taim tu na traim strong bilong ol olpela tim long traim winim dispela a kap.

Ol manki bilong Kaks na Kapit em tupela papa graun klap we tupela i sanap strong yet wantaim ol kain kain stail bilong soka long bipo i kam inap nau.

Tasol ol skul manki bilong Popondeta Agrikalsa Koles i gat bikpela sans tu long winim dispela Ista Kap bikos stail pilai bilong ol skul manki i wok long kamap gutpela na i pulim pinis ai bilong planti sapota na opisal. Ol skul manki bai kamapim wanpela strongpela tim husat inap givim bikpela salens long planti tim long dispela Ista wiken salens.

Planti ol tim i wok long kma insait yet long joinim dispela wiken

resis. Tasol asosiesen bai stapim lista bilong kisim moa nem long Fonde apinun long tude.

Ripot i kam long Popondeta Soka Asosiesen (PSA) i tok Onsena Kantri ba paia

lait stret long dispela Sarere i go inap long mande. Tasol bosman bilong PSA referi, Samuel Basim i tok em i no inap stap wantaim ol long dispela pilai. Tasol em i gat bilip long ol arapela referi bilong

em olsem Donald Danston na Wodman long ranim pilai ya.

I gat ol arapela referi tu i stap we tupela i ken sapotim ol long lukautim ol gem long dispela wiken.



Man no gut ya i kalap i go antap stret na pretim tupela pilai bilong PTC long Mosbi 7 asait pri sisen soka resis.

Ol pilaia i mas pilai long prais

YUSIM mani olsem prais bilong ol tim i winim i wanpela gutpela samting tru bilong kirapim bel bilong pilaia na mekim pilai i go strong moa.

Dispela em tingting nupela presiden bilong Mosbi Soka Asosiesen (PMSA), Mark Basausau i tok long traim mekim insait long Mosbi soka.

Prais insait long raun 1 na 2

Mark i tingting long makim prais mani bilong givim long husat tim i kamap namba wan long poin lata insait long wanwan divisen bilong ol.

Em i makim olsem long raun 1, husat tim i kamap top long lata, bai i kisim olsem K500 na long raun 2 bai i gat narapela K500 bilong tim i kamap namba wan long lata. Dispela i min olsem sapos arapela tim i no kisim dispela prais long raun 1, ol bai

pait strong long kisim long raun 2.

Prais mani long gren fainal


Bai i gat prais tu long ol tim i winim gren fainal bilong dispela ya. Sapos asosiesen i makim olsem K1,000 em prais mani bilong tim i winim gren fainal, dispela bai kirapim tru bel bilong ol pilaia long pilai strong long winim dispela mani.

Klap opisal inap tokim ol pilaia tu long winim dispela mani bikos mani ya inap long go bek gen long asosiesen long baim klap afiliesen na pilaia rejistresen fi bilong ol wan wan.

Tru olsem yu ken lukim bai stail bilong pilai i go narakain olgeta bikos long dispela samting.

Mani i raun long klap na asosiesen

Sapos asosiesen i tingim olsem na kamapim ol kain prais mani



olsem long pilai, ating bai i gat sampela kain bikpela senis i kamap long stail na pasin bilong pilai.

Na dispela mani i no inap long lus nating. Bikos wanwan klap i save baim afiliesen na rejistresen bilong ol i go long asosiesen, orait asosiesen i ken yusim dispela mani gen long givim i go bek long ol klap olsem prais mani bilong winim ol pilai. Tasol bai yu ken lukim olsem dispela mani bai i go bek gen long asosiesen long stat bilong sisen bikos ol klap i mas baim fi

bilong ol long pilai. Olsem na dispela mani i wok long strongim stail bilong pilai na mekim ol tim i resis egensim ol yet long winim.

Pilala tu i gat mani

Sapos asosiesen i no inap long painim wanpela kampani o kisim, helpim bilong gavman long sponsa, ating asosiesen yet i mas yusim mani bilong em yet long mekim ol kain samting olsem.

Dispela em rot bilong ol pilaia i wokim mani long baim ol fi bilong ol. Sapos klap opisal i skelim olsem mani i bikpela tumas, em i ken givim liklik long wanwan pilaia olsem poket mani bilong ol.

Sapos kosa i tokim ol pilaia bilong em long winim dispela gem bai em i rausim K1,000 na skelim long ol pilaia. Tru tru bai yu ken lukim olsem gem bilong

dispela tim bai i narakain olgeta. Bikos ol i save olsem ol i gat pe long kisim bihain long pilai.

Dispela em sampela kain tingting sapos asosiesen i gat strongpela bilip na sanapim dispela olsem mak bilong em na wok bihainim, ating em i ken kamap wantaim gutpela senis long bihain. Soka i ken kamap wanpela bikpela spot tru insait long kantri sapos ol pilaia i pilai long kisim pe bilong ol.

Kain samting olsem i save kamap sapos edministresen bilong asosiesen i sanap strong long en na wok i go fowet long bungim dispela driman. Nupela presiden bilong Mosbi Soka Asosiesen, Mark Basausau i bin toktok liklik long dispela na sapos PMSA i ken statim nau, ating bai em i ken bungim bikpela samting long bihain.

OI PNG Boksa go pait long Filipin

YAKAM KELO i raitim

PAPUA Niugini Amatsa Boksen Yunion (PNGABU) i redi long salim 7-pela paitman i go pait long Filipins long neks wik Mande insait long wanpela bikpela boksen tonamen ol i kolim Meyas Kap.

Dispela em wanpela boksen tonamen we i save kamap olgeta yia long Filipin na Papua Niugini i save go long bipo. Tasol longpela taim PNG i bin lusim

inap dispela yia bikos i no gat inap sponsa na mani bilong salim skwat i go.

Nesenel kosa bilong PNGABU, Raphael Kora i tok bai ol boksa ya i lusim Mosbi long Mande 17 long neks wik na go long Filipins. Olgeta i wok long holim strongpela trening wantaim em long Sen Joseph Hol long Boroko long olgeta apinun. Ol paitman ya em;

Haward Gereao, Henry Kungsi, Steven Kevi, Napholeon Bejin, John Sam, Chavis Kora na Steven Baki.

Raphael i tok olgeta boksa ya i bin holim trening longpela taim i kam na em i gat bilip long ol bai pait strong long dispela tonamen long Filipins.

Bikpela samting em dispela pait i gutpela long givim moa skul long ol boksa bilong mipela long pait insait long intanesenel level. Bikos dispela inap redim ol boksa bilong

mipela long go gen insait long Saut Pasifik Gems long Tahiti long dispela yia, Raphael i tok.

Em i tok nau PNGABU i wok long mekim bikpela wok long redim ol boksa bilong PNG long dispela pait long Filipin na tu long Arafura Festival long Darwin, Australia.

Tupela pait ya em long givim trening na tu helpim PNG tim long redi gut long go insait long Saut Pasifik Gems long Tahiti. Nesenel kosa i tok rot

bilong ol paitman bilong PNG i go long Filipins i orait bikos sampela i gat gutpela sponsa bilong helpim ol. Levi fi bilong go long Filipin i olsem K450 na arapela kos bilong go antap i kamap olsem K700 long wanwan boksa. Ol boksa bilong Arafura Gems bai i kam bung long Mosbi wanpela wik pastaim long olgeta spot manmeri bilong PNG i lusim kantri na i go long Australia.

Ol boksa bilong PNG em Chavis Kora, Henry

Kungsi, Steven Kevi, John Bolamark, Ben Mathew, Michael Kelly, Francis Pasingan na Valentine Selana.

Valentine i stap yet long Buka na John Bolamark, Ben Mathew na Michael Kelly i stap yet long Manus.

Raphael i tok olgeta boksa i orait pinis wantaim K599 levi bilong ol na ol i redi tasol long go daun long Darwin long Arafura Gems. Tasol ol dispela boksa husat i gat nem long go pait long Filipins na tu long Arafura Gems tasol bai tokaut gut

long taim ol Filipin pait i pinis na ol i kam bek.

Nesenel kosa i tok em i save gut long olgeta dispela boksa olsem na taim olgeta i kam bung long Mosbi long neks mun, em bai holim wan wik trening wantaim ol. Na trening bilong em bai bhainim wanwan boksa long wanem level o mak em i stap long en.

Raphael i tok em i kisim ripot i kam long Manus olsem ol tripela paitman ya i wok long holim gut trening i stap. Wankain tu em long Valentine long Buka.



• **Lukaut long Goroka:** Kain rot bilong meri Goroka ya bal pretim ol meri bilong arapela senta long nesenel sofbal sempionsip long Goroka long dispela wiken.

Simbu tu redi long nesenel sofbal taitel

SIMBU Sofbal Asosiesen i makim pinis 40 manmeri long go pilai insait long nesenel sofbal sempionsip long Goroka long dispela wiken.

Ol i makim pinis 20 fainal skwat bilong ol meri na narapela 20 pilai bilong ol man long makim Simbu long dispela taitel.

I bin gat bikpela sofbal resis i kamap pastaim long Kundiawa na bhain long dispela ol i makim skwat bilong go pilai long nesenel sempionsip.

Kosa Marina Wilson i tok asosiesen bai strong tru egensim husat man o meri i no bin kamap gut long trening. Bikos dispela wik em las na fainal trening.

Em i makim ol lain husat i gutpela pilai bilong em olsem Owen Salias (pitsa), Kerry Wapip na Manu Zazi olsem ol arapela gutpela pilai husat i save gut long pilai.

Tim Menesa Philip Viso i askim ol pilai long mekim gut trening bilong ol bikos dispela em bikpela tonamen tru we ol bai pilai egensim ol arapela bikpela senta husat i save pilai gut sofbal. Na tu ol bai pilai egensim ol moa eksperiens manmeri bilong PNG.

Long skwat bilong ol man em; Biku Bubu, Nicholas Tande, Mazuc Maibe, Rou Tande, Bill Tande, Francis Tiut, Manu Zazi, Luagi Denge, Michael Denge, Owen Silas, Kerry Wapip, Marina Wilson, Kawage Kana, William Agua, Gegi Kamilus, Mathias Kamilus.

Skwat bilong ol meri em; Jenny Bubu, Mila Olam, Clare Tande, Thelma Raphael, Sandy Raphael, Lina Wilson, Rita Denge, Ross Teine, Lina Gene, Daka Dekemba, Kareen Tom, Betty Unage, Lucy Peter, Maria Gerrel, Ruth Agum, Maria Agua na Miria Kerry. Kosa em Paul Kimin.

Kaycee na Spiders winimvolibal resis bilong Wewak

ADDY LAVAKZ i raitim

PRI sisen gren fainal resis bilong Wewak volibal long Wewak i bin kamap gut tru long 3 Epril.

Insait long gren fainal resis bilong ol meri; Melanesian Motors na Spiders i bin kamapim gutpela pilai tru we i kirapim bel bilong ol sapota na ol i singaut i go inap long fultaim.

Tasol ol meri Spiders i gat gutpela stail bilong pilai olsem na ol i autim tiket bilong Melanesian Motors long fultaim.

Presiden bilong Wewak Volibal Asosiesen (WVA) Charles Malenki i bin givim aut ol sil na tropi i go long tupela tim ya na ol pilai husat i bin pilai gut tru long dispela taim. Ol meri Spiders i kisim

tropi bilong winim gren fainal na ol meri Melanesian Motors i kisim sil bilong kamap namba 2 long resis.

Insait long taim bilong givim aut ol sil na prais, wanpela meri long Spiders tim bin kisim prais bilong gutpela pilai.

Long gren fainal resis bilong ol man, Kaycee i bungim ol manki Dolphins na tupela traimit bung i go inap long Kaycee autim tiket bilong Dolphins.

Man husat i sanap olsem papa bilong Wewak Volibal Asosiesen na tu i bin lukautim dispela pri sisen volibal gren fainal em Andrew Warisen.

Mosbi man na Lae meri gat sans long holim yet sofbal taitel

HELEN REI i raitim

NESENEL sofbal sempionsip long dispela wiken bai pulim 23 tim long 14 asosiesen olgeta i go bung long Goroka.

Dispela bai wanpela bikpela sofbal resis winim ol arapela sofbal tonamen long bipo bikos namba bilong ol tim long dispela yia i antap moa abrusim ol arapela nesenel sempionsip long bipo.

Ol tim husat bai kamap long dispela sempionsip em; Mosbi man na meri, Lae man na meri, Hagen, Ramu, Popondeta, Kimbe, Madang, Kavieng, Kerowagi, Goroka, Alotau na Mendi.

Mendi em wanpela asosiesen tasol husat bai salim tim bilong ol meri i kam bikos em i save holim tasol sofbal resis bilong ol meri insait long Mendi taun yet.

Long pul bilong ol man, Mosbi i gat bikpela luksave long winim pul1, na Lae i gat sans tu long go pas long pul2 bilong ol man. I gat bilip olsem bai bikpela salens tru i sanap namel long Lae na Mosbi, tasol arapela senta tu inap mekim ol manmeri i kirap no gut.

Mosbi husat em olpela sempion bilong las yia bai pilai strong tru long holim yet taitel bilong em gen long dispela yia. Em i gat sampela yangpela manki husat i no traimit yet dispela kain nesenel tonamen. Tasol wanwan husat i lapun bilong pilai insait long nesenel sempionsip i stap yet na inap stiaim ol yangpela ya long winim taitel na holim yet long Mosbi.

Long resis bilong ol meri; sempion tim bilong las yia em ol meri Lae na ol bai pait strong tru long holim taitel bilong ol gen long dispela yia.

Lae i stap long wankain pul wantaim Goroka, Kavieng, Kerowagi na Alotau na sans bilong ol long go long fainal i gutpela long dispela pul.

Long pul1; bai Mosbi i bungim Madang, Hagen, Popondeta, Kimbe na Ramu na sans bilong Mosbi tu i gutpela long go insait long fainal.


Tasol dispela i no min olsem bai Mosbi na Lae bai lukdaun long ol arapela senta bikos pilai bilong arapela senta tu i ken mekim Mosbi na Lae meri i kirap no gut.

Bai minista bilong Difens, Mathias Ijape i opim dispela nesenel sempionsip long Sarere. Gren fainal bai kamap long Mande.



• **Blokim em::** Susa ya i moa yet long tromol bal long ring. Em netbal resis bilong Mosbi long las wiken. Poto Jack Ami

WANTOK SPOTS



lalibu bai resis long kisim moa posisen long Mendi Muruks tim

JOE KANEKANE i raitim

IALIBU ragbi lig i makim pinis tim bilong em long resis long kisim ol posisen insait long Mendi Muruks tim bilong SP Inta Siti Kap resis.

Gem bilong makim ol pilaia bai kamap long Mendi taun long dispela longpela lsta wiken.

Koroba, Tari, lalibu, Mendi 1 na Mendi 2 bai stap insait long dispela pilai resis we K3000 kes prais wantaim sil i bai go long sempion tim bilong dispela wiken.

Stail pilaia bilong Lae Bombers na Mendi Muruks bipo, Raymond Karl wantaim narapela strongpela fowat pilaia, Limbiye Koiyaye bai go pas long ol boi lalibu. Tim bilong lalibu i gat planti yangpela pilaia i stap insait.

Dispela em i namba wan taim tru long ol bikman bilong Mendi ragbi lig i kamapim dispela aidia we olgeta arapela senta i bin affiliate wantaim PNGR-FL bai stap insait long dispela resis.

IALIBU TIM

1. Nukulu Rimapu
2. Apea Nandali
3. Election Tuku
4. John Mondo
5. Jonathan Rema
6. Nimbo Yoke
7. Robert Nason
8. Raymond Karl(Kepten)
9. Malachy Kusa
10. Andy Aya(VC)
11. Limbiye Koiyaye
12. Rax Waipa
13. Nicholas Lepilepi

Ol opisal em:
Patrick Rama-Tim Menesa
Peter Yerr -Kosa
John Yandowai-Trena
Jessi Kaim-Tim Dokta

Printed and published by Anna Solomon, of Bittern Place, Gordons, at Allotment 2, Section 209, Hohola.

Mosbi laik traim Lae long siti soka salens

YAKAM KELO i raitim

NUPELA eksekutiv bilong Mosbi Soka Asosiesen (PMSA) i laik bungim Lae na Mosbi insait long wanpela soka salens. Ol pilaia bilong Lae bai salens egensim ol pilaia bilong Mosbi.

Nupela PMSA presiden, Mark Basausau i tok dispela em i wanpela tingting bilong eksekutiv bilong em long traim kamapim. Olsem na em bai tok tok gut wantaim tupela soka asosiesen long Lae. Na kisim tingting bilong tupela long dispela.

Mark i tok i gat tupela soka asosiesen long Lae. Em Lahi Soka Asosiesen (LSA) na Lae Futbol Asosiesen (LFA) olsem na tupela asosiesen yet i ken toktok wantaim narapela na kamapim plen bilong ol long makim skwat. Skwat bilong ol


bai pilaim Mosbi.

Tasol Mark i tok laik i stap long tupela yet sapos tupela i laik kamapim wanwan skwat bilong tupela long dispela salens wantaim Mosbi.

PMSA presiden i tok dispela em wanpela gutpela rot bilong ol dispela soka asosiesen i ken traim aut ol junia pilaia bilong ol.

Dispela em i wanpela kain rot bilong kirapim interes bilong ol pilaia na tu pulim moa manmeri long go lukim soka. Bikos dispela em i wanpela kain pilai we i no save kamap bipo na dispela inap senisim stail na interes bilong ol pilaia. Em inap mekim ol pilaia i pilai strong na redi gut long salens wantaim narapela biknem senta.

Mark i tok i no gutpela long yumi pilaim wankain soka tasol



Royals yunien klab gat nupela trening samting

• Tupela poto i soim Royals ragbi yunien tim bilong Mosbi i soim trening samting ya bilong holim skram

long taim bilong pilai.

Poto long antap i soim ol bikpela fowat pilaia i traim strong long pusim dispela samting, na hap bek i traim long tromol bal i go insait long skram.

Masin ya em AIDAB givim ol mani, na ol i givim long Bisop Brothers Ensinerung kampani long Mosbi yet, na kampani i wokim long ol.

Royals em i wanpela namba wan klab insait long Papua Niugini long papa long kain trening samting olsem.

Poto long daunbilo i soim tupela sinia pilai i karim yangpela pilai tru bilong klab, Wilfred Patrick. Em i gat 17 krismas. Tasol em save pilai long A gret tim bilong Royals.

Lukim ful ripot bilong Royals tim long neks wik.

Ol poto: Jack Ami.



LAE
BISCUIT



RAGBI LIG

NIUS

I NO BILONG SALIM

LAE
BISCUIT



MOSBI TROMOI K,3000 PRAIS MANI LONG ISTA PATRON'S KAP

RODNEY KAMUS i raitim

OL A gret tim bilong Mosbi ragbi lig resis bai mekim bikpela pait namel long ol yet long dispela Ista wiken long resis bilong - asait asait long kisim Ista Patron's Kap wantaim prais mani inap long K3,000 olgeta.

Olgeta tim wantaim i gat sans long pilai long ol fainels bilong kap, pleit na bowl fainel. Long wanem i gat tripela tim long wanwan pul.

Insait long dispela resis, ol tim i stap long 4-pela pul olgeta we ol bai pilaim ol yet. Na lida bilong wanwan tim



• Kera Ngaffin

bai go insait long ol kwata fainel. Tim husat i kamap namba tu bai resis long pleit na namba tri tim bai resis long bowl.

Tupela strongpela Mosbi tim, Tarangau na Difens i mekim tupela tim olgeta long dispela resis bilong sevan asait long bringim namba



• Luke Waldiat

bilong ol tim i resis i go antap long 12-pela tim olgeta.

Long pul A em Tarangau 1, Royals na Defence 2. Insait long pul B em West, Paga na Brothers, pul C em Defence 1, Kone na Tarangau 2. Long pul D em Magani, Air Niugini Souths na Post



• Tuksy Karu

Puma. Defence ragbi lig A gret tim bilong Mosbi na Tarangau bai soim strong save na spit bilong ol long dispela wiken Ista Salens Kap sevan asait resis.


Tupela strongpela primia tim bilong Mosbi ya husat i mekim tupela tim olgeta long dispela salens i painim



• Arnold Krewanty

tupela yet long wanpela pul tasol we tupela bai traim strong bilong tupela.

Long pul A, Tarangau 1 bai painim strongpela salens tru i kam long Royals. Na long wankain taim tu bai bungim strongpela salens bilong Difens 2. Tupela tim ya i gat narapela tim gen i stap



• James Naipao

long pul C we Tarangau 2 bai bungim strongpela salens bilong Difens 1 na Kone Tigers.

Tarangau, Difens na Royals i gat ol pilaia we i stap pinis insait long bikpela wol sevan ragbi lig resis long Sidni na dispela ol tim bai kamapim strongpela salens

namel long ol yet long dispela wiken.

Tarangau i gat Elias Paiyo na James Naipao, Royals i gat Michael Toivita na daroa Ben Moide na Difens i gat Kera Ngaffin, Arnold Krewanty, Jack Uraddock, James Miviri na Luke Waldiat.

Tasol Difens i gat moa strong. Long wanem planti bilong ol i gat ekspiriens bilong 7 asait resis. Long stat bilong dispela yia, Difens klab i bin pilai long Babinda Sevans long Australia na ol i kamap namba wan tim bilong dispela resis. Olsem na i luk olsem 'Difens bai kamap wina' bilong dispela Patron's kap resis long dispela wiken.

Paulo resis long kisim 'Ius bal'



• Smok balus winga bilong Royals Paul Paulo i laik kisim 'Ius bal' em fowat bilong em i pundaun long takel egensim Paga Panthers long tuepla wik i go pinis. Ol i dro long dispela gem. I gat billip olsem ol plisman bal kamap wanpela strongpela tim long A gred resis bilong dispela sisen.

**PORT MORESBY FOOTBALL LEAGUE
PATRON'S CUP EASTER SEVENS
SATURDAY 15/4/95**

Pool A	Pool B	Pool C	Pool D
1. Tarangau 1	4. Wests	7. Defence 1	10. Magani
2. Royals	5. Paga	8. Kone	11. ANG Souths
3. Defence 2	6. Brothers	9. Tarangau 2	12. Post Puma

Time	Team	vs	Team	Game
1.00 pm	Tarangau 1	vs	Royals	1
1.20 pm	Wests	vs	Paga	2
1.40 pm	Defence	vs	Kone	3
2.00 pm	Magani	vs	ANG Souths	4
2.20 pm	Royals	vs	Defence 2	5
2.40 pm	Paga	vs	Brothers	6
3.00 pm	Kone	vs	Tarangau	7
3.20 pm	ANG Souths	vs	Post Puma	8
3.40 pm	Tarangau 1	vs	Defence	9
4.00 pm	Wests	vs	Brothers	10
4.20 pm	Defence 1	vs	Tarangau	11
4.40 pm	Magani	vs	Post Puma	12

SUNDAY 16/4/95

1.30 Bowl Semi	3rd Pool A	vs	3rd Pool B	13
1.50 Bowl Semi	3rd Pool C	vs	3rd Pool D	14
2.10 Plate Semi	2nd Pool A	vs	2nd Pool B	15
2.30 Plate Semi	2nd Pool C	vs	2nd Pool D	16
2.50 Cup Semi	1st Pool A	vs	1st Pool B	17
3.10 Cup Semi	1st Pool C	vs	1st Pool D	18
3.30 Bowl Final	Winner 13	vs	Winner 14	19
4.00 Plate Final	Winner 15	vs	Winner 16	20
4.30 Cup Final	Winner 17	vs	Winner 18	21

**PATRON'S CUP EASTER SEVENS
PRIZE MONEY**

Cup Winer	K1,400
Cup Runner up	K600
Plate Winner	K400
Plate Runner Up	K300
Bowl Winner	K200
Bowl Runner Up	K100

Total = K3,000

**LAE RUGBY LEAGUE
BHP STEEL EASTER CHALLENGE**

Pool A	Pool B
1. Tigers	1. United
2. Tarangau	2. Defence
3. Brothers	3. Spiders
4. Angau	4. Royal
	5. Hawks
	6. Panthers

Friday April 14, 1995.

Pool B	Pool A	
(1) 11.00am United	vs	Defence
(2) 12.15pm Spiders	vs	Royal
(3) 1.30pm Hawks	vs	Panthers

2.45pm Brothers	vs	Tarangau
4.00pm Tigers	vs	Tarangau

Saturday April 15, 1995.

Pool A	Pool B	
11.00am Tarangau	vs	Tarangau
12.15pm Tigers	vs	Brothers

(4) 1.30pm Losser of Friday match (2)	vs	Losser of Friday match (3)
(5) 2.45pm Winner of Friday match (3)	vs	Losser of Friday match (1)
(6) 4.00pm Winner of Friday match (1)	vs	Winner of Friday match (2)

Sunday April 16, 1995.

Pool B	Pool A	
(4) 11.00am Losser of Saturday match (5)	vs	Losser of Saturday match (6)
(5) 12.15pm Winner of Saturday match (6)	vs	Losser of Saturday match (4)
(6) 1.30pm Winner of match (4)	vs	Winner of match (5)

Monday April 17, 1995 - Finals

Curtain Raiser Games will be junior grades sevens competition sponsored by Coca-Cola (same rules to apply as seniors competition)

10.30am U17	Tigers	vs	United
10.50am U17	Defence	vs	Brothers
11.10am U17	Spiders	vs	Tarangau
11.30am U17	Royal	vs	Panthers

11.50am U19	Tigers	vs	United
12.10pm U19	Defence	vs	Brothers
12.30pm U19	Spiders	vs	Tarangau
12.50pm U19	Royal	vs	Panthers

Easter Challenge Finals	Runners of Pool A	vs	Runners of Pool A
1.15pm	Runners of Pool A	vs	Runners of Pool A
3.00pm	Runners of Pool A	vs	Winners of Pool A

Gate Fees	Adults	Kids
Friday	K2.00	K1.00
Saturday	K1.00	0.50t
Sunday	K1.00	0.50t
Monday	K2.00	K1.00

**KOIARI RUGBY LEAGUE ASSOCIATION
PROPER SEASON DRAWS
Sunday April 16, 1995.**

Round One - Game One

B Grade	Time	Team	vs	Team
9.00	Brothers	vs	Knights	
9.50	Demas	vs	Tigers	
10.40	Sharks	vs	Mebos	
11.30	Panthers	vs	Broncos	
12.20	Choice	vs	Lakers	

A Grade	Time	Team	vs	Team
1.10	Brothers	vs	Knights	
2.00	Demas	vs	Tigers	
2.25	Sharks	vs	Mebos	
3.20	Panthers	vs	Broncos	
4.10	Choice	vs	Lakers	

Sentrel lig givim K5,000 long Ista Salens

KENNEDY EDENE i raitim

I GAT K5,000 i stap nau long resis long Ista Salens Kap bilong Sentrel Ragbi Futbal Lig (CRFL) Asosiesen long Mosbi. Na 18 klab olgeta bai mekim-save long dispela wiken long kisim prais mani wantaim kap. Dispela resis bilong

Ista salens em ol bai pilaim long bikpela Sir Hubert Murray Stadium long Fraide, Sarere na Sande. Na ol fainels bai kamap long Mande. Prais mani K5,000 em ol bai brukim olsem: Tim i winim gren fainel bai kisim kap wantaim K1,200, tim i

kamap ran ap bai kisim K800, namba tri K550 na namba 4 bai kisim K350 na long namba 5 na i go daun bai kisim K150.

Nau yet ol eksekutiv bilong lig i wok long mekim mama lo bilong tonamen we ol bai givim i go long ol wan-wan tim, bipo long resis i kirap long dispela wiken. Dispela resis bai stap

olsem wanpela nokaut resis we wanem tim i lus i aut olgeta long pilai. Na ol wina tasol bai pilai i go inap long tupela tim tasol i stap long gren fainel.

Man i go pas long lig Paul Aisa nau yet i wok long mekim bikpela singaut i go long wan-wan klab long traime na kontrolim ol pilai, sapota na ol klab opisal.

long afiliet long neks yia.

Long ol arapela nius, CRFL i gat wanpela referi asosiesen bilong ol yet. Na moa long 20 referi i resista wantaim CRFL pinis.

Lig i tokim tu olgeta sponso olsem gutpela pasin em wanpela bikpela samting tru lig bai lukluk long em long dispela yia long lukim olsem ol wanwan klab tu i mas helpim long pinisim ol pasin nogut. Ol i tok olsem dispela pait na trabel pasin i mas pinis long pilai graun we planti sponso i ken lukim na kam insait long sapo-pinis wantaim PNGRFL tim lig.

Dispela em long stapim trabel na i ken pulim planti manmeri i kam insait long lig.

Siaman bilong CRFL Aisa i tok olsem em i mekim sampela toktok pinis wantaim PNGRFL

• Em ol boi nogut bilong Vava Panthers tim bilong nupela Goilala ragbi lig resis long Mosbi. Ol i autim Adda Rocks 8-0 long las wik. Dispela em wanpela nupela resis insait long Mosbi siti. Ol pilai i save kamap long pilai graun bilong Badihagwa Hai skul.



Sogeri Choice bosim Koiari pri sisen resis

KENNEDY EDENE i raitim

Winfield sponsaim gen Lae Lig

ZEPH AIGAL i raitim

LAE Ragbi Futbal Lig (LRFL) i kisim bek sponso bilong Winfield long resis bilong 1995 sisen.

Long wanpela liklik bung long las wik, rijonel menasa bilong Rothmans long Lae, David i tokaut olsem kampani bilong em bai sponsaim gen LRFL long resis bilong dispela yia, na givim ol K10,000 sek mani.

Long tok tenkyu long kampani ya, presiden

bilong LRFL, George Mack i tok olsem LRFL i bin kisim planti samting tru long las 20 yia taim em i stap klostu wantaim Winfield.

Mack i tokaut olsem em i no amamas tumas long ol niusman i no save raitim ol gutpela samting long kampani ya, na ol tripela resis we i no kamap long Lae lig. Long wanem i no bin gat gutpela ripot long ol.

"Mipela i no kisim inap nius long ol samting i kamap long Lae. Dispela i mekim na tripela resis bilong mipela em

long sevan asait, pri sisen resis na ol sponsasip pilai bilong namel long wik," Mack i tok.

LRFL patron na jenerel menasa bilong CIG, Barry Burge i tokaut tu olsem Lae lig i wok long kisim 5 pesen tasol long ol nius na Mosbi i wok long kisim 95 pesen.

Mack i tenkim Winfield long dispela sponsasip bilong ol. Long wanem em i wok long helpim ol yangpela long pilai. Na i no tingting long mekim trabel nambaut long Lae siti.

SOGERI Choice i winim las bikpela pri sisen pilai long Sande taim em ol i nekim Sirinimu Sharks 22-10 long bikpela pilai bilong Koiari pri sisen resis long Mosbi.

Dispela win i putim Choice long 84 poin bihain long ol i winim olgeta 5-pela pilai bilong ol. Ol lain Choice husat i kisim planti gutpela pilai long dispela sisen i redi gut tru nau long daunim ol arapela tim.

Wantaim ol kainkain nupela stail pilai ol i kamapim pinis, Choice i wok long winim pilai bilong ol long olgeta wiken wantaim ol bikpela skoa stret. Long las yia ol i bin stap antap tru long poin wantaim 146. Na Ice Panthers i bin stap baksait wantaim 145 poin.

Sirinimu Sharks husat i kisim 55 poin tasol long las yia i bin holim Choice long hap taim we, Choice i bin go pas long skoa 12-0.

Bihain long 5-pela minit i go insait long namba tu hap, ol fowat pilai bilong Sharks olsem Muri Koiari, Minama larea na Moduba Toms i mekim ol strongpela ron. Na mekim Choice i kisim taim stret. Hatwok bilong ol i karim kaikai taim huka Baradea Sabaea i ron i go insait na putim wanpela trai na skoa i sanap long 6-12.

Bikpela prop Muri i mekim wanpela strongpela ron bihain liklik long dispela trai na brukim banis bilong Choice long bringim skoa i go antap long 12-10. Na dispela i bin laspela trai bilong Sharks.

Choice i tanim bek na salim lapun bilong ol, Samson Nul wantaim David Jerry long bringim skoa bilong Choice i go antap moa yet long 16-10.

Wantaim 5-pela minit tasol i stap, tupela sait wantaim i strong tru. Tasol Choice i strong moa yet na putim wanpela moa trai long bringim fainel skoa i go antap long 22-10.

Long ol narapela pilai, Mebos i winim Country Brothers bihain long Brothers i no kamap long pilai, na Crystal Lakers i winim Domas 20-18. Sirinimu Broncos i nekim Ice Panthers 13-7 na Kereda Knights i wilwilim Hooks Tigers 14-8.

Long dispela wiken bai sisen propa i stat na wanpela nupela tim i kam insait i bringim namba bilong resis ya i go antap long 11-pela tim olgeta. Presentesen bilong pri sisen resis bai kamap long dispela wiken tu.

Long ol arapela nius, Koiari ragbi lig asosiesen i wok long tingting long kirapim referi asosiesen bilong em yet we, ol bai kisim lain bilong ol yet long mekim dispela wok.

Ol i laik kirapim dispela long wanem, asosiesen ya i save kisim ol referi bilong Mosbi lig na sampela arapela man husat i save referi.

PAS I KAM LONG EDITA

Ol Hawks na Bulldogs tasol pulapim Hagen Eagles tim

Dia Edita,

Mi laikim olsem ol ragbi lig selekta bilong makim ol Hagen Eagles tim i mas lukim dispela pas bilong mi na mekim sampela samting.

Dispela Hagen Eagles tim bilong 1995 i no wanpela gutpela tim olgeta. Yupela ol selekta i mas opim ai bilong yupela na lukluk gut na makim Eagles tim. Maski long pulamapim tim long wanpela klab tasol. Dispela Eagles tim em i no bilong tupela klab, Hawks na Bulldogs

tasol, na yupela makim ol pilai long dispela tupela tim tasol. Yupela mas traime na putim sampela nupela pes insait long tim liklik.

I luk olsem yupela i wok long mekim wantok sistem pasin na ol arapela klab insait long Hagen Lig i nogat sans i no wanpela pilai long distimela tim. Traime na mekim wanpela pasin long olgeta klab. Na kisim pilai bilong ol tu.

Hagen em i wanpela bikpela taun na yupela ol selekta i mekim dispela kain pasin bai mipela ol pipel i kisim sem nating.

Traime na putim sampela ol pilai olsem Pora Papa bilong Royals husat i gat ekspiens. Long wanem em i pilai longpela taim tru long fowat posisen. Plis opim ai bilong yupela na putim ol kain man olsem Papa, Makim Pai bilong Royals, Peter Noki bilong Panthers, Paraka Mara bilong Tigers na David Kombra bilong Eels. Bai mi amamas tasol long lukim dispela nupela senis long Eagles tim.

Jr. Johnie Jack Ragbi Fan, Hagen

BHP Ista Kap Salens kamap long Lae Ramu na Madang traim ol Lae tim

MADANG Tarangau na Ramu Hawks bai kirapim bikipela paia tru BHP Ista Kap Salens bilong Lae lig em bai kamap long dispela wiken long Lae ragbi lig graun.

Tupela tim ya, wanpela i makim Madang na narapela i makim Ramu, bai pilai long dispela strongpela resis bilong ol klab insait long Noten Son. Tupela i redi tasol long kisim strongpela salens bilong ol biknem tim bilong Lae.

Sapos tupela tim ya i laik winim dispela bikipela salens kap, tupela i noken pilai isi

RODNEY KAMUS i raitim

wantaim ol Lae tim. Long wanem planti bilong ol tu i laik kamap olsem namba wan klab insait long Noten Son.

Madang Tarangau, wanpela nupela klab bilong Madang Ragbi Futbal Lig (MRFL) i stat tasol long las yia, 1994. Na dispela em bai wanpela bikipela salens bilong ol tru.

Tim ya husat i gat ol pilai em planti bilong ol i wok olsem woda opisa bilong Beon Haus Kalabus na ol sumatin bilong Divine Wod Institute long

Madang. Ol bai givim bikipela salens tru long ol bikipela klab bilong Lae.

Long wankain taim, Lae i mas lukaut long Ramu Hawks tu. Hawks tu em i wanpela strongpela tim long Ramu lig bihain long ol i winim pri sisen resis na i givim tiket bilong ol bilong traim salens long dispela bikipela resis.

Long dispela resis bilong Ista Salens Kap, ol tim i stap insait long tupela pul olgeta.

Madang Tarangau i painim em yet i stap long pul A wantaim Morobe Tigers, Brothers na Lae Tarangau.

Long narapela sait tu, Ramu Hawks i stap namel long pul B wantaim ol strongpela Lae tim olsem United, Difens, Spiders, Royals na Panthers.

Dispela resis bai luk olsem wanpela strongpela tru. Na bai stat long Fraide. Na gren fainel bai kamap long Mande we, tim i winim planti pilai bilong em bai go insait long ol fainel.



• Referi Silas Tarawa i givim penelti long Paga Panthers egensim Royals long Mosbi lig resis.

Okul go pilai long NSW

KUMUL senta John Okul i lusim kantri long las wik Sande na go daun long pilai wantaim wanpela tim bilong Sidni Bulldogs long Australia.

Okul bilong Banz long Westen Hailens husat i save pilai long Lae Bombers na i opim ai bilong ol selekta i wanpela strongpela pilai tru long beklain na dispela i mekim em i winim wanpela ples long Kumul.

Jenerel Menesa bilong Papua Niugini Ragbi Futbal Lig (PNGRFL) Martin Adamson i tokaut olsem ol no bin tokaut long ol toktok bilong Okul hariap long wanem bai kankain ol bikipela toktok i kamap long em.

Adamson i tok olsem as tingting bilong ol long haitim dispela toktok em long wanem nogut planti maneri na sapota i laikim bikipela samting i mas kamap long em olsem ol i bin mekim long Kera Ngaffin na David Buko long pilai wantaim ol Not Kwinslen Cowboys-tasol dispela olgeta toktok i no kamap tru.

Ol i stretim toktok bilong Okul long las wiken tasol na em i kamap long Mosbi long kisim liklik moa toktok na go daun stret long Sidni.

Long Sidni, Okul bai pilai wantaim ol rikrutmen sait bilong Bulldogs long dispela Metropolitan Kap resis. Metropolitan Kap em level aninit long Winfield Lig resis.

Stat long dispela sait, Okul bai traim long pilai strong na go insait long risev gret sait bilong Sidni Bulldogs na sapos em i pilai gutpela moa yet bai em i ken go insait long fes gret sait.

Okul i bin mekim nem bilong em yet long kantri taim em i pilai long PNG Colts egensim ol Frens Rooster long las yia. Long stail pilai bilong em, Okul i stap long risev bilong President 13 na pilai egensim ol Not Kwinslen Young Guns. Okul i opim ai bilong ol selekta yet na em i kisim wanpela ples long risev bilong Kumul long pilai egensim ol Nu Silan Kiwi.

Dolpins opisal no amamas long referi

DANIEL MONA i raitim

TIM husat i go pas long narapela Nesenel Kapitel Distrik Gailala Ragbi Futbal Lig (NCDGRFL), 14 Mail Dolpins i dro 6-6 wantaim bikipela birua bilong ol. UK Bears long namba tu bikipela gem long Badihagwa Hai skul pilai graun long las Sande apinun.

Dolpins husat i wok long go pas long skoa i no inap long holim strong bilong Bears long dispela resis. Maski Dolpins i kirapim strongpela pilai, Bears bai strong tru wantaim takel bilong ol.

Dolpins em ol lain Waitape long Owen Stanley Range.

Trai bilong Dolpins i kam long kepten Jimmy Gilol na John Mark i kikim konvesen. Long sait bilong UK

Bears em Jack Dar- rmark i putim trai na kikim wantaim konvesen kik.

Tim menesa bilong Dolpins, Philip Bodi i tok olsem em i gat bikipela bilip long tim bilong em long winim dispela bikipela pilai. Tasol referi i no tok yesa long wanpela trai bilong ol.

Em i tok olsem long neks pilai bilong ol long dispela wiken, em bai traim long holim ol sem pilai yet long fowat olsem Desmond Fasi na Desmond Aputi. Ol ki pilai olsem John Rabu, Nawa Maru na Lawrence Aputi bai holim yet posisen bilong ol.

Bodi i tok olsem em bai traim long mekim tim bilong em i stap olsem tasol i go inap


sisen i pinis.

Long ol narapela A gret pilai, Manuas i bagarapim sindaun bilong Bulldogs 6-0. Na Avava Panthers i nekim Adda Rocks 10-2. Long bikipela pilai bilong apinun, Apet Reds i dro wantaim Gorobo Cowboys 8-8. Na Bulldogs tu i dro wantaim Vadavada Manuas 4-4.

NCDGRFL i stap nau long namba 8 raun bilong pilai. Na 12-pela tim olgeta i wok long resis long dispela lig.

Ol tim ya em 14 Mail Dolphins, Erom Tigers, Adda Rocks, Kenane Raiders, Gorobo Cowboys, Vadavada Manuas, Teke Norths, Avava Panthrs, MCY Sharks, Apet Reds, Telepe Bulldogs na UK Bears.

Resis ya i bin stat long Februari na i ron gut tru nau.



Ples bilong ol sapota o? • Dispela em ol sapota i sindaun banisim spes bilong ol pilai na opisal wantaim kosa long Lloyd Robson oval. Olsem na taim pait i kamap long fil, ol sapota save ron isi tasol i go insait long fil, na mekim pait i kamap bikipela moa. Las sisen Mosbi lig i fainim sampela klab pinis long dispela.

Tarangau soim pawa bilong 1995 long Goroka

GOROKA Winfield Lig prima tim, Tarangau husat i winim resis bilong las tupela yia i soim pinis olsem ol bai wanpela strongpela tim tru long dispela sisen. Na sapos nogat wanpela tim i winim ol, i luk olsem dispela kap bai stap wantaim ol yet long dispela yia tu. Ol i soim dispela long winim olgeta pri sisen pilai bilong ol we i stat long las mun.

Wantaim ol biknem pilai bilong ol olsem Malum Oiyufa (husat ol i saspandim em), Tom Jones, Tek Yaukave na Joseph Gabriel i no stap ol woda boi i stap aninit long lukaut bilong faiv- eit Fatty Buka, Tom Jones, senta Ivan Mosoca na bikipela prop Mao

long points wantaim Tarangau long dispela pri sisen resis.

Olsem Tarangau, Royals i winim olgeta pri sisen pilai bilong ol. Na i luk olsem ol wantaim Tarangau bai pilaiam gren fainel bilong pri sisen long tupela wik taim.

Na sapos dispela tupela tim i pilai long gren fainel, i luk olsem dispela em ol selekta bai makim ol Lahanis pilai, na wanwan pilai bai kam long ol arapela klab. Royals husat i luk olsem bai kisim spes long Lahanis sait em Tiuyo Evei, John Markham, David Buko, Stanley Gene na spitman Ferdinand Nongkas. Na long sait bilong Tarangau em bai Buka, Mosoca na Mao.

Na long pinisim olgeta samt-

THE BUSHMAN'S

VIEW...
with
SHAPE
METTA



Andrew. Ol dispela pilai i go pas gut tru long ol Tarangau. Na sapos ol i pilai wankain tasol, ol i ken bringim Tarangau i go long gren fainel gen.

Narapela tim husat bai gat gutpela sisen tu em Royals. Ol Royals tu i stap wankain



Roots going strong □ The 3/4 Mile Roots team taking part in the Unagi off-season rugby league competition. Photo: Joe Kanekane.

6-pela klap statim Ramu pri sisen

ZEPH AIGAL i raitim

RAMU Ragbi Futbol Lig (RRFL) i statim pri sisen bilong ol las wiken tasol wantaim 6-pela klab tasol i resis long sisen bilong dispela yia.

Ol 6-pela klab husat i statim dispela sisen na afiliet pinis insait long lig em Ramu Brothers, Royals, Bears, Hawks na Yonki Broncos.

Seketeri bilong RRFL, Yasona Pasake i tok olsem Ramu i afiliet pinis wantaim Papua Niugini Ragbi Futbol Lig (PNGRFL). Na ol lig eksyuketiv i traim long mekim pilaia bilong ol bai kisim moa save na kamapim ol

gutpela pilai long bihain taim.

"Sapos ol kain senta olsem Lae i kam antap na pilai ol poro gen wantaim mipela, em bai mekim ol i pilai moa strong, na planti manmeri bai gat bilip long ol pilaia bilong mipela." Pasake i tok.

"Planti pipel long hia i save laikim ragbi lig, olsem na mipela i traim olgeta samting long mekim pilai ya i kamap bikpela moa long Ramu," Pasake i tok.

Em i tok olsem planti pilai i no kamap long las wiken. Long wanem planti klab i no afiliet wantaim asosiesen yet. Na em i tok olsem ol pilai bai stat long dispela wiken sapos,

olgeta klab i rejista namel long dispela wiken.

Long ol arapela samting, Ramu Hawks bai makim Ramu lig long resis bilong BHP Ista Salens resis long Lae long dispela wiken.

Dispela resis bai stap inap 4-pela de olgeta. I gat tim i kam tu long Madang. Resis ya bai stat long Fraide na pinis long Mande we, ol bai pilaim gren fainel. Wina bilong dispela resis bai kisim mani inap long K2,500.

Dispela resis em planti i save tok olsem wanpela strongpela resis tru insait long Noten Son. Na bai mekim Lae i paia long dispela Ista wiken.

Kiunga lig stat wantaim eksen

IAN KAKARERE i raitim

OL ragbi lig sapota long Kiunga i lukim gutpela ragbi lig pilai tru long las wiken taim 1995 sisen i stat.

Long wanpela bikpela pilai tru long A gret, Tigers i lakim tru long winim pilai bilong ol 6-4 egensim Hawks. Bikpela prop bilong Hawks Judah Kamzi i brukim banis bilong Tigers long putim wanpela trai bilong ol. Tasol gutpela wok bilong Tigers fulbek Kandimun Dacop long kikim gut bal na ol i winim Hawks. Dacop i kikim tripela penelti kik olgeta.

Long kain gutpela stail bilong ol Tigers long pilai long las

wiken i soim olsem ol bai wanpela strongpela tim tru long 1995 sisen. Ol i gat save namel long ol yet we i no mekim ol long pret na tromoi bal nating.

Long sait bilong Hawks, ol i gat bikpela disiplin tru aninit long lukaut bilong kosa bilong ol Alex Togola.

Olpela Mosbi Difens pilaia ya husat i bes nau long Kiunga i givim bikpela sevis tru bilong em i go long ol Hawks.

Ol yangpela Hawks pilaia i makim gut tru ol Tigers wea difens i strong nogut tru na ol Tigers i nogat wanpela sans long kam arere long mak bilong ol.

Olsem olgeta nupela klab, Hawks i nogat gutpela tim wok tumas olsem ol Tigers.

Refri bilong dispela pilai Dewaiya Bidula i mekim dispela pilai i ron hariap tru long lonfusim dispela 10 mita rul.

Long ol narapela pilai Souths i mekim wankain pasin long Magani 6-4. Insait senta bilong Souths Douglas Gegaiya i putim wanpela trai na tu i kik trai bilong em i go insait long helpim tim bilong em long win na 4-pela poin bilong Magani i kam long fulbek Terry Bogawela.

Brothers na Tarangau i no pilai long wanem nogat wanpela pilai i baim rejistresen bilong ol yet.

Long ol narapela administresen nius, bai i gat wanpela spesel miting bilong Kiunga lig long tudei (Fonde) long toktok sapos ragbi lig bai stap yet long Kiunga taun o nogat.

Lig seketeri Kuri Kauma i tok olsem ol wanem klab husat i no kamap long dispela miting em ol bai rausim ol long lig.

Em i tok olsem dispela miting bai toktok long ol pilaia rejistresen we ol pilaia i mas rejista pastaim bipo long ol i pilai.

Nogat nokaut fainal long Wau Bulolo

OLGETA A gret tim insait long Wau/Bulolo Ragbi Futbol Lig i no bin pilaim ol nokaut fainel bilong ol. Bikos Royals tim i bin gat sampela kain hevi we ol i stapim ol pilai long kamap.

Presiden bilong lig, Tony Garap i tokaut olsem Royals i no amamas tumas long ol poin bilong pri sisen em lig i bin mekim. Olsem na ol i stopim olgeta pilai long kamap.

Garap i bin tokim Ragbi Lig Nius olsem dispela hevi i bin kamap long asua bilong ol lig taim ol i

mekim ol poin lata. Dispela hevi i kamap long wanem ol bikman i no holim gut ol poin long rekot, na i no bin klia tumas long poin lata.

Ol lig eksekutyutiv i bin holim wanpela miting long las wiken long stretim ol dispela samting tasol i nogat wanpela opisal bilong Royals klab i bin kamap long lukluk na stretim dispela hevi.

Tasol ol i tingting long stretim dispela hevi long sampela taim long dispela wik, na ol pilai bai i ken go het long dispela wiken.

Luk olsem bai nogat pilai long Wewak long 1995 sisen

RODNEY KAMUS i raitim

WEWAK Ragbi Futbol Lig i no bin kirap bek gen long dispela yia. Long wanem planti klab na ol sapota i no soim bikpela laik bilong ol long dispela pilai long 1995 sisen.

Ol ripot i kam long Wewak long Ragbi Lig Nius i tok olsem ol eksekutyutiv bilong Wewak lig i bin singaut long holim miting tupela taim pinis long stat bilong dispela yia. Tasol i no gat wanpela klab opisal, na ol klab menesmen i bin kamap long dispela miting.

Narapela hevi tu long Wewak lig em ol i no afiliet wantaim Papua Niugini Ragbi Futbol Lig long dispela yia. Olsem na ragbi lig i luk olsem bai no inap go het long Wewak long dispela yia.

Wewak em wanpela senta we i gat nem long 1978 i kam inap long 1984 na i bin kamapim planti ol gutpela pilaia bilong Kumul na Noten Son. Planti bilong ol dispela pilaia i holim ol wok olsem kosa nau long ol klab

long kainkain hap bilong kantri. Ol biknem pilaia olsem Robert Jackis, Paul Labu na Roy Heni.

Tasol bihain long planti hevi i bin kamap long pasin bilong pait na man i dai, ragbi lig i dai olgeta long Wewak i kam inap long 1992, we ol i laik traim kirapim bek gen. Tasol nau yet, i luk olsem tingting bilong ol manmeri i lus nau long dispela pilai.

Ripot Ragbi Lig Nius i kisim tu i tok olsem planti pilaia husat i save pilai ragbi lig i go insait long pilaia ragbi yunien nau. Ragbi Yunien em wanpela pilaia i go long Wewak long dispela yia tasol. Na i wok long pulim planti sapot tru.

Ol soka pilaia na tu ol ragbi lig pilaia i go insait nau long dispela pilaia Na i luk olsem em bai kisim ples bilong ragbi lig long Wewak.

Wewak i mekim nem bilong em yet long ragbi yunien taim ol i salim wanpela tim i kam long Mosbi long pilai long Nesenel Telikom 10 asait resis we i bin kamap long Mosbi long las mun. Planti soka pilaia na ragbi lig pilaia i bung wantaim long makim Wewak long dispela pilai.

Goroka Brothers painim yet sponsa



• Brothers tim wantaim unifom bilong ol em sponsa i givim long las yia.

SAPE METTA i raitim

PAINIM sponsa long ol klab na planti asosiesen insait long kantri em i wanpela hatpela samting tru. Na wanpela klab husat i gat dispela kain hevi long Goroka Lig em Brothers ragbi lig klab.

Brothers husat i save pas wantaim sponsa

bilong ol Angco, wanpela bikpela kopi kampani long planti yia tru nau i wok long traim hat tru long kisim sponsa long baim jesi bilong sinia gret, risev gret na ol junia divisen bilong ol.

Nau yet Brothers ragbi lig klab i wok long

wetim sponsa, Angco long kam insait na sponsaim ol gen long dispela yia. Tasol nau yet, ol i no kisim wanpela gutpela toktok long kopi kampani ya yet.

Long stat bilong sisen i kam, klab ya i wok long rentim wanpela set jesi bilong wanpela lokel ples klab i kam inap long las wik we, ol i painim mani bilong ol

yet na baim ol set jesi inap long K1,700 olgeta.

Presiden bilong klab, Tinemau Divilake i tok olsem em i gat strongpela bilip olsem Angco bai kam insait sampela taim bihain liklik na sapotim klab gen long dispela yia. Tasol tok tok namel long ol klab eksekutyutiv na kampani ya bai kamap bihain taim liklik.

Warriors bilip long winim olgeta Inta Siti gem

PETER MAIME i rattim

KUNDIAWA ragbi lig tim bilong dispela bikpela SP Inta Siti Kap resis i gat bikpela tingting tru olsem ol bai karim dispela SP Inta Siti Kap i go antap long Simbu long dispela yia.

I gat 13-gen olgeta bilong dispela resis. Tasol ol Warriors i mekim bikpela tok promis olsem ol bai pilai na winim olgeta 17 gen, em ol fainal wantaim.

Tim menesa Joseph Kaman i tokaut olsem ol Warriors i gat bikpela tingting tru long tokaut long kantri olsem ol i redi tasol long mekim bisnis bilong dispela yia. Ol Warriors i no laik pilai kaskas long dispela yia.

Long kalenda bilong dispela yia, Warriors bai pilaim namba wan pilai bilong ol egensim Mendi Muruks long Mt Hagen.

Kaman i tok olsem ol Mendi i save winim pilai long as graun bilong ol na tu ol Warriors i save wankain. Tasol long toktok bilong pilai long Mt Hagen, Warriors bai traime strong wantaim ol Muruks long lukim husat i strongpela tim tru.

Em i tok olsem sapos ol Warriors i winim namba wan pilai bilong ol, ol bai singim ol singsing bilong karim


lek na go bek long ples bilong ol.

Kaman i tok pinis olsem em i les pinis long harim ol tok baksait nambaut olsem Warriors i wanpela slek tim olsem na long dispela yia, ol bai i no inap pilai kaskas nambaut.

Long narapela stori, Kundiawa Lig i tokaut pinis long wanpela 20-pela man skwat husat bai tren long SP Inta Siti resis long makim Kundiawa Warriors.

I gat ol nupela pilai long wankain taim tu ol i holimbek ol sampela olpela pilai long givim eksperiens long ol yangpela. Ol kain olpela pilai olsem John Wamil, John Nopro, Patrick Sigapa, Philip Kandaki na Nere Launa long go pas long tim. Ol lain ya bai soim rot long ol yangpela olsem Lambet Thomas, Gilbert Brawa na Ezeikel Ben.

Dispela 20 pilai trening skwat em Lambat Thomas, Bobby Mangope, Phillip Kandaki, Charlie Ire, Gilbert Brawa, Main Pagau, Ezeikel Ben, Jay Tu, Palma Kunol, Peter Dee, Nere Launa, John Kumo, John Wamil, Moses Kuman, Randal Kaupa, John Nopro, Charlie Ombi, Stanis Kale, Patrick Singapa na Bobby Vaingaid. Tim menesa em Joseph Kama, kosa Bal Numapo na trena em Joe Gande.



Klia long Air Niugini Souths! • Tupela Air Niugini Souths A gret pilai i mekimsave stret long birua pilai. Air Niugini na Souths i kamap wanpela tim long dispela sisen. Olsem na strong bilong ANG Souths bai pretim planti birua tim long resis. *Poto: Ivan Bayaga*

Mekim dei bilong yu!

**RAMU
RAMU
RAMU
SUGAR**
1kg NET

**Putim
sampela**

RAMU

wantaim!







• Ol pilaia i laik pamim het o olsem wanem? Ol fowat bilong Brothers na Magani i laik traिम masel, taim ol Brothers pilaia i karakuk stret long lok bilong Magani Mark Agi.




• Fowat bilong Royals Kaibel Kanaka i holim bal strong long tupela han na ran i go insait long takel bilong ol Paga Panthers pilaia. Kanaka wantaim narapela Royals pilaia, Joe Gispe bai joinim Madang Inta Siti tim long dispela yia.



• Olive Frank bilong ples Hanuabada long Mosbi soim stail long Brothers tim. Las sisen em save pilal wantaim Hawks, tim bilong Hanuabada. dispela yia lig i rausim ol, na em i joinim Brothers.



• Ol Difens pilaia i laik mekim indal stret long trangu Air Niugini Souths pilaia long tupela wiken i go pinis. Las Sande ol sildia boi i laki stret na winim strongpela Magani tim long las minit.




• Ol soldia boi save trening na strong moa. Tasol hia em wanpela i pilim pen liklik long Lloyd Robson oval olsem yu ken lukim long pes bilong em.



Ol A gret ragbi lig eksen bilong Mosbi lig.
Ol foto: Jean Baurgan.


• (lephan) - Tupela olupela Mosbi Vipers pilaia, Kaibel Kanaka na Joe Gispe i takelim Paga Panthers pilaia. Tupela i joinim nau Madang Inta Siti tim.

• (raithan) - Brothers pilaia i bungim strongpela takelim bilong tupela Magani pilaia.





THE IMMORTALS



TAIM BILONG OL STRONGPELA PILAIA

"...taim Australia i mekim stail bilong 'stick' ol fowat bilong Enlgalnd i kisim taim na tromoi bal nambaut."-Ragbi Lig Wik Nius Ripota Geoff Prenter i bin raitim long fes Test, Jun 13, 1970.

"Great Briten i yusim ol stail bilongkilim man long winim namba tu tes long S.C.G long Saturday." Ragbi Lig Wik Nius Ripota Geoff Prenter i raitim long namba tu ripot bilong em long Jun 27, 1970.

TAIM kosa bilong New Castle Knights Mal Reilly i lukluk bek long kain stail ol i save pilai ragbi lig long 1970, em i save prea isi tasol na tok olsem laki tru na dispela ol taim i pinis.

Ol sampela i tingim yet olsem taim bilong Sydney Cricket Ground, Henson Park na Lindcombe Oval i kisim gutpela kaikai tru long blut bilong ol strongpela man husat i pilai olsem longlong man na i narakain tru long stail bilong nau.

Dispela taim em pait bilong husat i strong bai sanap na pilai yet. Taim we han i sut nambaut, bamim het na mekim planti hai takel we i wankain olsem ol skram na takel. Na wankain olsem ol narapela lain husat i save pilai long dispela taim, Reilly ikarim ol mak bilong dispela ol pilai i stap wantaim em yet. Na dispela i mekim na ol lig edministreta i mekim ol strongpela lo long pinisim dispela kain pilai.

Olsem wanpela momba bilong 1970 Great Briten Ragbi Lig skwat long kam pilai long Australia, husat i las lain bilong winim Ashes-Reilly i stap namel long dispela ol strongpela pilai olsem wanpela yangpela mangi husat i gat 21 krismas tasol.

Em i lukim long ai bilong em yet long wanpela pasin i kamaplong fes tes logn Brisbane we pes bilong prop bilong Australia Jim Morgan i pulap wantaim blut na pikinini man bilong em i no nap luksave long em.

"Morgan i mekim ron long traim bamim het bilong em wantaim Cliff Watson," Reilly i tok. "Long bekim bek, Cliff i soim Morgan



long stretpela wei bilong bamim het. Cliff i holim em long jesi na pulim het bilong Morgan i go wantaim bilong em...man dispela i no gutpela stret.

"Mi ken tingim yet pes bilong ol fowat bilong Australia long dispela pilai-olgeta i luk sori na tu i gat sua. Taim ol Briten i

OL lain ya em ol Man i gat Pawa(The Immortals) bilong Australia Ragbi Lig. Taim yu harim ol dispela nem olsem Clive Churchill, Reg Gasnier, John Raper na Bob Fulton, bau yu save olsem em ol dispela lain tasol husat i kisim dispela nem long 1981.

Ol lain ya i stat olsem Ragbi Lig Wik Pawa Man. Dispela em i wanpela gutpela resis Ragbi Lig Wik i bin kamapim long apim nem bilong niuspepa.

Long ol yia i kam antap, niuspepa ya i mekim planti samting tru long painimaut long tingting bilong ol manmeri long pablik long lukluk

long stori bilong Ragbi Lig long Australia. Na The Immortals em wanpela bilong ol resis em ol bikpela save man i makim ol pilai. Ol save man ya em Harry Hart, Frank Hyde na Tom Goodman.

Ol i mekim wanpela lista wantaim 10-pela pilai na sekim i go inap ol i painim ol pilai.

Bihain ol i kisim tingting bilong ol manmeri long wanem ol pilai em ol i ting bai stap insait olsem pawa man. Na taim ol i tokaut long nem bilong ol lain ya, nogat wanpela man i gat kros.

mas long go insait long pilai na yu mas mekim save stret long birua bilong yu. Na dispela em bikpela samting tru long bipo taim.

Reilly em wanpela pilai husat i save gut long pilai wantaim tingting na wankain taim tu long kilim gut birua. Na dispela em wanpela samting i mekim na Reilly i kolim birua bilong em long Australia Ron Coote wanpela "Yelo Basted" long fainel tes pilai. Liklik hap tok ya i kamap long planti niuspepa.

Tasol bihain long 25 yia, Reilly i tok olsem dispela em wanpela samting long mekim em ipretim birua bilong em we Reilly i ting olsem Coote em i wanpela sempion pilai.

"Em wanpela samting bilong pretim em tasol," Reilly i tok. "Ron i no wanpela samting tasol em i yelo na mi tok dispela long pretim em tasol."

"Wankain olsem pilai bilong bipo, mi no tok stret long em."

Na taim dispela ol pilai bilong blut na ol pait pilai i pinis, planti ol Sidni klab i wok long painim Reilly na wanpela bilong ol em Manly.

Planti i painim em olsem wanpela lok husat i gat tingting longpretim ol man wantaim save.

-RUGBY LEAGUE WEEK.

SUPA LIG MASKI.....EM BETDEI BILONG MIPELA

Ragbi Lig Wik (RLW) i bin laikim dispela isiu bilong selebretim namba 25 yia bilong em olsem ragbi lig 'baibel'.

Dispela senis insait long ragbi lig igo long Super League, i bin bagarapim hamamas bilong RLW tasol ol i go het yet long selebren bilong ol.

RLW i bin kamap long April 2, 1970, na dispela wik i makim 25 betdei bilong dispela ragbi lig niuspepa husat planti man i bin tok olsem bai inonap stap longtaim. Mipela (RLW) i ting olsem dispela em wan-

pela bikpela hatwok tru na mipela i laik givim sampela samting bilong tingim sampela gutpela taim long histri bilong ragbi lig. Kava bilong dispela betdei isiu i gat sampela kain simbol liklik bilong wanem Bradley Clyde i bon long 1970. Yia RLW i bin stat.

Ol olupela kava bilong Ragbi Lig Wik i bin makim ol kainkain senis i bin kamap long ragbi lig long taim i bin stat olsem wanpela liklik kompetisen long ol liklik taun ikam inap long nau taim em i wanpela bikpela

pilai we i mekim bikpela moni tru.

Ol saining bilong Supa Lig ino bin kamap long taim mipela i bin wokim dispela kava, tasol em ol i bin makim wanpela narapela senis long dispela bikpela pilai. Na Bradley Clyde, husat ibin bon long dispela taim em wanpela bikpela mak long dispela senis. Clyde bai mekim planti moni long dispela niupela lig.

Tasol mipela i laikim bai dispela \$4 mill em bai kisim long pilai insait long dispela lig. bai ino inap long rausim olgeta gutpela

tingting long ol samting i bin kamapim dispela pilai.

RLW i bihainim olgeta samting i bin kamap long ragbi lig long taim Bradley Clyde i bin bon inap long nau taim em i laik stat pilai long dispela niupela lig. Wanem samting i kamap, mipela bai bihainim gut ragbi lig na olgeta samting i bai kamap long bihain taim bilong mekim hamamas olgeta rita bilong mipela. Tasol nau yet, mipela hamamas long 25 betdei bilong mipela na mipela bai selebretim. Supa Lig o nogat.

Bradley Clyde... looking every bit the young millionaire in Canberra last week. Photo: SHARRYN HUGGETT



SUPA WAR!

Lig i redi bilong namba tu brekewei

INO long we long Regent Hotel, George Street, igo long ples Bateman's Hotel i bin sanap.

Dispela hotel we ragbi lig i bin stat (Bateman's, Augas 8, 1907) i klostu tasol long ples we ol i bin brukim na sanapim narapela hotel long Mas 28-31, 1995.

Dispela niupela hotel ibin bes bilong John Ribot, man i go pas long dispela niupela Supa Lig. Insait long dispela hotel, ol plen bilong dispela niupela lig ibin stat. Ol i sainim planti kontrak, na long pinis long dispela wik ol i bin bungim ol pilaia na ol i bin sain ap biong pilai insait long Supa Lig. - nau ol i kolim Sta Lig.

Bateman's Hotel i sanap long is sait long George Street, namel long King na Maket. Em i bin wanpela gutpela hotel bipo na planti man i bin save long em inap long taim ol ibin brukim.

Long dispela hotel long nait bilong Augas 8, 1907, faipela ten Ragbi (yunian) man ibin bung long wanpela sikret miting na long dispela taim NSWRL i bin kamap.

Wankain samting i bin kamap long dispela yia long kamap bilong dispela niupela lig. Olgeta plen bilong dispela niupela lig ibin sikret taim ol i bin askim ol top pilaia bilong ragbi lig bilong go long ol niupela tim.

Tasol wanpela samting we ino wankain namel long dispela tupela senis em, namba wan senis ibin kamap bilong

wanem ol man i bin tingting long pilai na ol ibin mekim dispela senis. Ol man long dispela taim ino bin laikim tumas wei NSW Ragbi Yunian ibin lukautim ol pilaia bilong ol.

Long dispela asua tasol na Ragbi Lig i bin kamap. Long stat bilong ragbi lig, ol pilaia ino bin tingting tumas long moni bilong wanem senis ibin kamap long tingting bilong ol pilaia yet.

Tasol nau, dispela bikpela senis long ragbi lig em wanpela senis we ol man i tingting

tasol long moni na mekim hamamas ol spekteta.

Olsem RLW ibin ripot, ol pilaia insait long dispela pilai i olsem ol liklik samting long wanpela bikpela pilai moa.

Dispela senis i makim ol planti asua ibin kamap long taim ragbi lig ibin stat long 1907-08. Taim em ibin kamap niupela, ol man husat ibin pilai long dispela niupela pilai ibin bungim planti asua tru bilong wanem ol i joinim ragbi lig. Na taim ol stat long pilai ragbi lig planti man tru i kamap long laikim tru dispela pilai bilong wanem em wanpela gutpela pilai bilong pilai. Na nau wantaim dispela niupela lig, planti long lapun husat i pilai long taim ragbi lig i stat i pilim bikpela hevi tru taim dispela niupela lig s kamap bilong wanem ol bikpela moni-man i laik mekim moni.

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.